

Литературала Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Сагал дусла байрамлицил, гьалмагъуни!



6/2020

ноябрь - декабрь

**Дагъиста халкъла поэт
Мяхіаммад Хіямидовлис - 90 дус**





Гьалмагъдеш



ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций
Республики Дагестан

РУКОВОДИТЕЛЬ - БЕКИ РЕДАКТОР
Мурад МяхИяммадович ГИЯХИМАДОВ

РЕДАКЦИЯЛА КОЛЛЕГИЯ
ХИ. Къурбанов (*журналла редактор*)
Кь. Мигърабов
Т.СягИдов

ЖАМИГИЯТЛА СОВЕТ
А. Гябдулманапова
И. Ибрагъимов
Х. ХИябובהа
Х. Юсупов
И. МяхИяммадов
М. МутГалимов
М. БяхИяммадов

6
2020

ноябрь - декабрь

Кел бази гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

УРУСЛА ЛИТЕРАТУРАЛИЗИБАД

Л.Н. ТОЛСТОЙ. ХІяжи-Мурад. (<i>Хъарахъуд</i>).....	3
БяхІяммад ХІЯЖИЕВ. БигІунси талихІ. (<i>Хъарахъуд</i>).....	15

МЯХІЯММАД ХІЯМИДОВЛИС – 90 ДУС

МяхІяммад ХІЯМИДОВ. Назмурти.....	23
-----------------------------------	----

ХАБАР

ИбрагІим ИБРАГІИМОВ. «ХІуни кадушири илди...».....	29
--	----

П О Э З И Я

Аминат ХІЯПИЗОВА. ГехІел тугъла.....	39
Хадижат ХІЯБИБОВА. Назмурти.....	41
Хамис МАЛЛАЕВА. Назмурти.....	42
Зубалжат ГІЯМАРОВА. Назмурти.....	44

ТАРИХЛА БЯХІЯНИКАД

Хизри ИЛІЯСОВ. Къаракъурешлан уцуми ГІяхІмад-хан.....	46
---	----

О Ч Е Р К У Н И

ПатІимат МАЛЛАЕВА. ГІяхІгъабзала гъуни.....	54
Аминат ГІЯБДУЛМАНАПОВА. ДагІиста багъа бакІахъибси, Нана хІуливан мяхІкамдарибти.....	57

П О Э З И Я

ХІяпиз АБАКАРОВ. Назмурти.....	61
--------------------------------	----

ХАБУРТИ

ИлІяс ХІЯСАНОВ. ГІимранна яхІ.....	66
МяхІяммад СЯГІИДОВ. МагІила мукукури. Разидеш. Ашнаби.....	69
МяхІяммад КЪАРАТОВ. ДиштІати хабурти.....	74

ФОЛЬКЛОР

Жалалудин АЙГУМОВ. Ахъушан ГІяли.....	79
ГІяйша Къурбанова. Даргантала гІядатуни.....	87

К Р И Т И К А

Тавсултан СЯГІИДОВ. Анхъра агара, илизив - талхъанра.....	91
---	----

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №6 2020 г.

На даргинском языке

Выход в свет 7.12. 2020 г. Тираж 369 экз.
Заказ № 792 Цена свободная.
Печать офсетная. Бумага офсетная.
Формат 70х108 ¹/₁₆.
Усл. печ. л. 8,4.
Усл. изд. л. 8,7.

Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".
Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:
litdag@mail.ru

Проза

Урусла литературализибад

Л. Н. ТОЛСТОЙ



ХІЯЖИ-МУРАД

(Хъарахъуд)

XXIII

Дайдуги баибхІели илини хІукму бариб. Илини къасбарилри дубуртази вебшес ва марти кІарахъантачил хабарагарли Веденолизи ухІнавхъес яра вебкІес, яра хъалибарг азадбатес. Хъалибарг урусуначи лебкул яра илдачил варх Хунзахълизи вебшили, Шамилличил ургъарал ХІяжи-Мурадли хІерзилри. Илини ца секІалри балуси – урусуназивад вебшес дубуртази. Гъанна вехІихъиб ил секІал бетурхахъес мар-марли. ГІянайубад касили цІудара бешметра, сунела нукертала хъули арякъун. Илди хІербиурли жаняхІ ургабли. Дураухъунмад жаняхІлизи гъаргти унзаличилти, ил ухІнайкиб маркала амъурси гъавализи бацла дугила ва анхълизирад тІамри ца-чумал булбул-чатІала лихІбази духІнадикиб. ЖаняхІ ахъили, ХІяжи-Мурадли унза абхъиб нукертала хъа. Хъулиб шала аги, жагъси бацли хъали шалабарилри улкъайлизибад. Столра кІел утара ца шайчир лерри, ва авалра нукер кабихъири къалтийчиб чула варгъначиб ванзаличиб. ХІянапи усулри азбарлав урчачил варх. ХІямзалав унзала тІамала бакъили, айзур, хІеризур ХІяжи-Мурадличи ва вагъурли, ил гІурра кайхъун. Мякъла кайхъунси Элдар биалли харчизур ва къалабали хІябсур челгъес вехІихъиб, хІерли хъарбаркъличи. Къурбанра Хан-МяхІяммара бусулри. ХІяжи-Мурадли хІябсур столличи кабихъиб ва ил декІли агиб сенрил столлизи. Илди сарри даргъурти мургъила арц.

– Ишдира даргъа, – иб ХІяжи-Мурадли, лугули Элдарлизи касибти мургъила арц.

Элдарли мургъи касиб ва илмадан шаласи мерла ветухъи, касиб ханжа удибад бугаси биштІаси дис ва хІябсурла удибси чІянкІи ихъес вехІихъиб. ХІямзалав, къяшмира цаличи ца кадихъили, кайиб.

– ХІуни, ХІямзалав, жагъилтази тупангуни хІердарахъес хъарбара, тапанчаби, янсава хІядурдарахъес. ЖягІял гъарахъли аркъехІе, – иб ХІяжи-Мурадли.

– Янсава лер, хІярхІуби лер. Бирар хІядурли, – иб ХІямзалавли ва серил аргъхІергъеси жаниварливан дурабушиб.

ХІямзалавли аргъиб, селис гІягІнитил ХІяжи-Мурадлис илди хІядурдарес. Илис жявлил ва гІур гъатГира дебали цакъели дигусири ца секІал: битес, бяхъес, кабушес виубцад бахъал урусла хури ва вебшес дубуртази. Ва гъанна илини чебиулри ил секІал дигни ХІяжи-Мурадлисра ва ил къабуллири.

ХІяжи-Мурад арякъунхІели, ХІямзалавли юлдашуни чебаргъахъиб ва лебилра авалрала шаладикайчи тупангуни, тапанчаби, гІяшулти хІердирулри, вайти декІардарили, полкабачи калкъулри сагати, диціили гъадирулри бирцілуми цугдарибти янсавличил, хІярхІубачил, сирдарибти гІявадакибти гІягнази, шушкни дугадирулри, ханжултира дугадирулри, бяхІяни гІяшли дикули. Шала шишкъудухъунхІели, ХІяжи-Мурад гІурра дураухъун жаняхІла шин касес или, дазала дарес. ЖаняхІлизир гъатГира ахъли ва дагличирра имціали дучІулри булбул чатІни. Нукертала хъулиб биалли бикъулри царугси тІама къаркъубачир дугадирути шушкнала ва ханжултала. ХІяжи-Мурадли чармализирад шин гІяхъиб ва сунела хъа унзаличивяхІ арякъун, бакъибхІели сунени дугадирути мугърала ахІи, гІур ца гъярціа тІама ХІянапила, суненира бучІуси ХІяжи-Мурадли гІяхІли балуси далай. ХІяжи-Мурад тІашизур ва далайличи лехІахъиб.

Далайлизиб бурулри, секъяйда багъадур ХІямзатли сунела жагъилтачил бигІи арбукибал ціуб урчала илхъи. Секъяйда гІур Терекла гІелаб урусла князь гІевваибал ва секъяйда алавуцибал вацаван урусла халаси гІяскарли. ГІур далай даимбиублири, секъяйда ХІямзатлира сунела бургъантанира делгъунал урчи ва, барили хІила гъалала кадушибти урчала ва бирхІибал урусначил янсавра хІярхІубира кадерхайчи тупангуназир ва ханжулти вайлиур ва тумазир хІи лералли. Амма вебкІес гъалав ХІямзатли, закир чякни чедаили, илдази вявъиб: «ХІуша, арцурли дашути чякни, арцурли дукъеная нушала хъули ва бурая нушала рузбази, нешанази ва ціуба рурсбази, нуша лерилра дебкІира или гъазават багъандан. Бура илдази, хІедирар или нушала къаркъулуми хІябрази кІапІдарили, къяб-къябдарили тІутІудире гушти жагъти буціани нушала лигуби ва хІулби лутІа ціудара къянбани».

Илди гъайличил таманбирулри далай ва илди бегІла гІергъити гъайличил, сарира делчІунти бухъянси уркІилизи алтІуси тІамаличил, цахІнабиклири разиси ахъси тІама Хан-МяхІяммала, суненира бегІла таманбирниличил ахъли чІярбяхъибси: «Ла илагъа иллаллагъ!» – ва дебали ціиркІли чІивбяхъиб. ГІур лебилра шипІбяргІиб, ва гІурра ца булбул чатІала тІамрицунра шятІгъалацунра сарри чедихути ва рах-рахли хъярхъли чярхІдулхъути мугърала къаркъубикад унзала гІеларад.

ХІяжи-Мурад илцадра пикриухъири, хІясибра балли хІебарилри балкІунси гажинна мухІилизирад дура шин чяхІдикІни. Илини сунени сунес бекІ гъакІбариб ва сунела хъули аціиб. Дарили гІянручІла дехІибалара сайра, ХІяжи-Мурадлисунела ярагъ хІердариб ва бурушличи кайиб. ГІур бареси селра аги. Дураухъес багъандан приставла пурбанбируси кагъар касес гІягІнилири. Азбарлаб биалли ціябли лебалри ва гъачамлис приставра усулри.

ХІянапила далайли илис цархІил далай гъанбикахъиб, сунела нешли цахІнабяхъибси. Ил далайлизиб бурулри марли биубсиличила итхІели – сабри ил биубси ХІяжи-Мурад акІубси замана, ва гІур нешли ил сунези бурибсири.

Далай сабри ишгъуна:

«Шанда ханжай бяхъиб дила ціуба михъири, нуни биалли иличи кабихъира дила берхІи, дила урши, вирцира дила дуціар хІили ва дяхъи арабиуб дяхъи-

ла кьар яра хІячми агарли, бекІализирад уруххІекІира, уруххІекІар ва дила урши – гъабза».

Ил далайла дугъби сарри багъишладарибти ХІяжи-Мурадла дудешлис, ва ил далайлара мягІна сабри, сай ХІяжи-Мурад акІубхІели, ханна хъунуйра урши варкълри, кІиэсил Умма-хан ва тІалабрарилри сунела урши михъирли вахахъес ХІяжи-Мурадла неш, суненира халал урши Абу-Нуцал вахунси. Амма ПатІиматлис хІейгулри сунела урши ватес ва бурилри хІякъяс или. ХІяжи-Мурадла дудеш хІясибвиуб ва хъарбариб илизи рукъяхъес. Ил гІуррара къабулхІерикиб рукъес, илис ханжай бяхъиб ва каруршули хІилхІи калун, эгер сунезирад урхІерасибси риалри. Илкъяйдали илини хІегибсири ва ил вахунсири, ил анцІбукъличила сунени далайра цахІнабяхъибсири.

ХІяжи-Мурадлис гъанрикиб сунела неш, суненира сай кайхъахъес хІядур-вирухІели сунела мякъла, хІякала уди, юртла хъалчличив, бучІули рири илини ил далай ва илини тиладибирулри чебаахъес сунела шайзибси ил, дяхъила хІяна лебси мер. МицІирсиван чериулри сунела неш, сунела гъалар – илцад гъуршрадрикибси рухъна, хІянирубси, дершибти цулбачилси, сунени гъанна ратурсигъуна ахІенси, жагъил ва жагаси ва илцадра чІумаси, сай цагІяхІли декІси виалра, чІаплизив дубуртачивад хала дудешличи вихусири.

Ва гъаникиб илис гъаршанани дяхІ дайдахъибси, хІяна муцІурличилси хала дудешра, арцла уста, сенахІенну кадирхъи арц сунела тумарти цІакъти някъба ва чекайзурли дучІахъуси уршила уршилизи балгни. Гъанбикиб Будбуди дубурла удибси, сунечири сай нешла шалбар буцили шин гІяхъес вашуси. Гъанбикиб чІукъаси хя, сунела дяхІ мицІирдируси ва дебали гавра тІемра цІала ва цІакъдиубти ниъла, сай нешлис гІергъи аркъухІели сарайлизи къял бирзес ва ниъла ружер бакІахъибхІели. Гъанбикиб, секъяйда нешли бегІ гъалаб бекІ бялгІунал ва секъяйда лямцІбикІуси язла тІаслизиб, бяхІличи чебяхІкахъибси, тамашадешличил чебаибал сунела журуга хъанцІбирусигъуна бекІ.

Ва, гъаникили сай виштІахІели, илис гъаникиб сунела дигуси урши Юсуп, илала бегІ гъалаб сунени бекІ бялгІунси. Гъанна биалли ил Юсуп жагъил ва жагаси гІулухъа сайри – багъадур. Илис гъанбикиб, секъяйда сунела урши бегІла гІергъи чеибал. Ил бетатурсири сай Целмеслизивад дураулхъухІели. Уршили илис урчи гъала букиб ва тиладибариб сай гъунивватахъес сунези. Илини палтарра чегъурлири ва ярагълира вегІиублири ва ургъурлизибад урчи буцилри. Дебали жагаси жагъил вяхІри Юсупла. Лебилра къаркъа къалип ахъси ва чІяртІаси вайличилси (гъанна ил сунечивра ахъли сайри) гъигъдикІулри гІямрула чІумадешли ва разидешли. Жагъдешличи хІерхІеили, дягІути хъу-цІрумидебали бялгІуси уршила гІелала ва гъярцІа, ахъси вай, духъяна чІумати някъби ва цІакъ, серхурдеш, чархла булкІудеш, магъирдеш, гъар биркІайзиб ункъдеш, мурталра разивирахъулри дудеш ва мурталра иличи пахрубирулри.

– Каладри гІяхІли бири. Гъанна хІу сайри хъулив халаси. АхІерабара нешра хала нешра, – иб ХІяжи-Мурадли.

Ва ХІяжи-Мурадли хъумхІертурлири бяхІла кабиз жагъдешла ва пахрула, сабира разивиубли хІунтІенбиубси. Юсупли иб, сай мицІирли левалли, чиллра вайтІа хІебиру нешлисра хала нешлисра или. Юсуп урчиличи мурдайиб ва хІеркІличи бикайчи дудеш гъунивватур. ХІеркІличи ваили гІергъи, ил чариуб ва илала гІергъи ХІяжи-Мурадли чехІебаилри я хъунул, я неш, я урши.

Ва хІера ил урширигу Шамиллис сукъурварес дигуси! Сунела хъунуйчил биалли се бирул илис пикриухъесра балли дигули ахІенри.

Илди пикрумани ХІяжи-Мурад илцадра гъузгъалдиварилри, хІятта кай-эсра балли вирули ахІенри. Ил харчизур ва валкІикІули, хъярхъли гъамиуб унзаличи, абхъили Элдарлизи вявьиб. БерхІи гъачамлис дурабухъи ахІенри, амма дебали шалалири. Булбул чатІни тІашхІедизурли дучІулри.

– Укъенну бура приставлизи, дигулра шадибгъуни барес или, ва хІядур-дарая урчи, – иб илини.

XXIV

Цацунси паргъатдеш сабри ил замана Бутлерла дергъла поэзия, сунезира сай вархібси къуллукъличив левхІелицун ахІи, сунела сай вегІти гІямрули-зивра балли. Черкескализивси ил урчиличив гъунарта виркъулри ва кІина Богдановичличил укайэсра вякъири. КІилинилра кІиналра чилра уцхІевцилри я кахІевшилри. Богдановичличилти юлдашдеш Бутлерлис сегъунтирил дебали дигестили ва дебали мягІничертили кадилзулри. Сунела чебла илини ахъиб. Дебали халати процентунас жугъутІлизирад арц касили, ца-бара гъарахъбарили, бикІуливан, сунела арзхІерзибси аги-тяхІяр. Илини къасбирулри пикрихІейкІес сунела аги-къяйдаличила ва ца дергъла поэзияличилцун ахІи, чягъирличилра къасбирулри ил хъумартес. Ил ужулри гъар бархІи гъачамличив гъачам имцІали ва цалра бархІи ургаб хІебалтули ва гъатІира имцІали адуцала агарти къиликъуни имцІдикІулри. Ил гъанна Марья Дмитриевначира варсиубли хІерикІулри, ил иличил дебали чурхли ва тІягІямагарли вехІилзес вехІихъиб, амма тамаша, илис дебали чІумати къаршидеш дариб, ил сай дебали цахварили.

Апрельла ахирлизиб къалализи отряд бакІиб, сабира Барятинскийли хІядурбарибси сагаси чябхъинничи. Пелала-гъалала агарси меркад лебил Чечнякад. Ишар лерри кІел рота Кабардинский полкла. Ва илди ротаби, кабизурси Кавказла гІядат хІясибли, къабулдарибтири гІяхІливан ротабани, сарира тІашти Курилизир. Солдатуни къазармабазиб бутІилри. Дугелицун ахІенну, илди хІяйва диъличилси кашлира гІяркъилира балхулри. Офицерти офицертачил кабатурлири, мурталра бирули къяйдали, мерла офицертани чебакІибти балхулри.

Деркести ва держести тамандиуб кеп-чекличил ва далуйтачил, ва Иван Матвеевич дебали кепси, гъанна хІунтІенни ахІенси, амма ранг дуи берхІси, кайилри уталичи мурдали ва хъямбарили шушка, итара ишара вирхъули, къирбирулри гъанарути душманти ва я ургъулри, я дукаркІулри, я кІапІир-кулри, я улхъулри, сунела дигуси далайла макъамла удив. «Шамил вехІихъиб пунтикІес, ардякъунти дусмазив трай – рай-рататай, ардякъунти дусмазив». Бутлер леври илав. Илини къасбирулри чебаэс илизиб дергъла поэзия. Амма мурхъли уркІила ухІнав илис дебали язихъилзулри Иван Матвеевич, амма ил тІашаэс илизиб ахъри аги. Ва Бутлер, иргъули кепдеш бекІлизи диркни, багълали хъуливад дуравхъун ва сунела хъулибяхІ гъайбариб.

БицІибси бац шалабикІулри цІубти хъулрачи ва гъунчирти къаркъубачи. Илцадра шалалири, хІятта гъарил къаркъа балли ва гъуйчир балча ва дек чедиулри. ХъайгІи гъамируси Бутлерлис Марья Дмитриевна къарширикиб, кІанали хъуцІруми кІапІдарибси. Марья Дмитриевнани къаршидеш дарили гІергъи, ца бара урузли иличил къаршихІейкес къайгъибирулри. Гъанна би-алли, бацла шалалиубра ва держибти чягъирла асарлиубра, Бутлер разилири гІурра иличи ляввиэс.

– Хиу чинари? – хъарбаиб илини.

– Ца дила ухъначи хЕрэс, – даршули жаваб чарбариб илини. Илини дебали чIумали сунечирад тIаидидариб Бутлерли дирути кIуллукъуни, амма илис илди багъандан хIейгеслира сабри, гIергъиси замана ил сунечивад илцад гъарахъикни.

– Селис гIягIнилив иличи хIеррикIес? Саял хъули лявкъян.

– Лявкъян вара?

– ХIекIалли – левху.

– Ил гIяхIси ахIенгу, – иб Марья Дмитриевнани. – ХIевкъес гIягIнилив?

– ГIяхIси бирар хIерукъядли. ГIяхIси бирар, эгер хъули рукъядли, раши хъули аркъехIе.

Марья Дмитриевна гIеларяхI шуррухъун ва хъули гъайриуб Бутлерличил рарх. Бац илцадра шалабикIулри, дяхIцIурбала шайчибадли гъунила дубкад аркъути, пIяр-пIяръала лямцIла бекI алав гъайбиублири. Бутлер хIерикIулри ил лямцIличи сунела бекIла алавкадси ва хIядуриублири бурес илизи, сари сунес мурталра къяйда гIяхIрилзниличила, амма хIебалулри секъяйда вехIирхъусил. Ил хIерлири илини се бурул или. ХIера, илкъяйда лехIли илди хъайчи гъамбирули, хъа музала гIелабад дурабухъун урчала мурдни. Аркъулри офицер конвойличил.

– Аллагъли чи левкули вара? – иб Марья Дмитриевнани ва шайчиряхIри-киб.

– Бац гIелабакад сабрину шалабикIуси, Марья Дмитриевнани сунечил цугбикибхIелицун сабри илди багъурти. Ил сайри офицер Каменев, сайра гъалав Иван Матвеевичличил варх кIуллукъбирули калунси, ва илбагъандан сай Марья Дмитриевнанира валуси.

– Петр Николаевич, хIу сайрив? – дугъаризур иличи Марья Дмитриевна.

– Ге, ну сайра, – иб Каменевли. – ВяхI, Бутлер! Салам! Гъачамлис хIеду-сулраяв? Марья Дмитриевначил кIунзикIулрив? ХIерикIен, бала Иван Матвеевичли, луга хIушаб цIа. Чинава ил?

– ХIера, бикъулрив? – иб Марья Дмитриевнани, чебиахъули мер, сунезирадра чедихути тулумбасла макъамти ва далуйти, – держли бужули компаниялизиб.

– Селиса хIушала компанияби?

– Хасавюртлизибад бакIили, илдала хIурматлис бужули-букули саби.

– Ил гIяхIси хIянчи саби. Нура къаршикаркус. НукIун иличи ца минутлис сайра.

– Се хIянчи леба? – хъарбаиб Бутлерли.

– Леб цакамси хIянчи.

– ГIяхIсив яра вайсив? – хъарбаиб Бутлерли.

– Чис сегъуна сабил! Нушаб гIяхIси саби, цабехIтас биалли цIахси. – Каменев дукаряхIиб.

Ил замана башути ва Каменев Иван Матвеевичла хъайчи гъамбиуб.

– Чихирев! – вьвъиб Каменевли къазакълизи, – гъамии гъари.

Донничивадси къазакъ, цархIилтазивад декIарикили, иличи гъамиуб. Къазакъ гIядатла къазакъунала палтарчевли сайри, чакмаличил, шинельличил ва урчила черкадти гъунила хунжачил. – Каса гъари ил секIал, – иб Каменевли, урчиличивад кайцIули. Къазакъра урчиличивад кацIиб ва сумкализивад

селичилсирил гавлаг дурасиб. Каменевли къзакълизибад гавлаг сасиб ва илизи някъ кабатур.

– Чебаахъишав хІушаб сагаси хабар? ХІуша уруххІедирудаяв? – дугъайзур ил Марья Дмитриевначи.

– Селис урухвирисив? – иб Марья Дмитриевнани.

– ХІера гъари, – иб Каменевли, кайсули адамла бекІ ва бацла шалалиу кабирхъули. – Багъурраяв?

Ил сабри бялгІунси бекІ, вакъала чедир халати дурадикибтачил хІулбала черкад ва цІудара цугбарибси муцІурличил ва илдигъунти супелтачил, ца абхъибси, ца байхъу кІапІси хІулбачил, белгъунси ва байхъу хІебелгъунси вакъаличил. Хъяб хІила рангбиубси вяхІушкой алавбарилри. БекІлизирти илди лерилра дяхъурбачи хІерхІеили, хъанцІдиубти кІунтІубачиб лебалри виштІгалагъуна дебали гІяхІси пишбяхъ.

Мрья Дмитриевна хІерризур, ва селра хІеили шуррухъи хъярхъти гунзрачил хъули аррякъун.

Бутлерли хІейрулри хІер чебасес кахси бекІличибад. Ил сабри бекІ ит ХІяжи-Мурадла, суненира халаси замана архІебяхъи лебалли бархІехъла шадибгъундури дурадуркІуси ва разити лякъирти дируси.

– Се биубсив? Чини кавшиба? Чинав? – хъарбаиб илини.

– Гъавухъес къасбариб, уциб, – иб Каменевли ва бедиб бекІ къзакълизи, сай биалли Бутлерличил варх хъули ацІиб.

– Ва гъабзалира вебкІиб, – иб Каменевли.

– Или бетаэс секъяйда биуба?

– Цакамси яхІбара. Иван Матвеевич ляхкъян, ва нуни лерилра диубси къяйда дурис. Илбагъандан сайра ну вархъибсира. Иван Матвеевичлис гІергъи бархъилри. Ва ил кепси, илкъяйдали дебали кепти офицертачил хъули чарухъун ва Каменев кІапІурцес вехІихъиб.

– Нуни биалли хІушачи ХІяжи-Мурадла бекІ хилра.

– Симкана угъулри. Кавшибу?

– Ге, гъавухъес къасбариб.

– Нуни бурирагу, диргІядиргура или. Чинаба ил бекІ? Чебаахъа гъари.

Къзакълизи вяхъиб ва илини кабухиб бекІ бухІнабси гавлаг. БекІ дурасиб ва Иван Матвеевич сунела кепти хІулбачил вахъхІи хІерикІи иличи.

– Се биаллира гъабза сайри, – иб илини. – Биха гъари, нуни байбирис.

– Ге, марлира, сабри марлира игитси бекІ, – иб чи-сайрил ца офицерлира.

Лебтанилра хІербарибхІели бекІ, чарбарили сагадан къзакълизи бедиб. Къзакъли бекІ гавлаглизи кабихъиб ва виубцад къайгъибирули, мяхІкамли ванзаличи кабихъиб.

– Каменев, хІуни бурулрив бекІ чебяхъухІели? – хъарбиулри ца офицерли.

– АхІен, бихая ил набзи, нуни ил байбирисну. ИлникІун наб шушка пешкешбариб, – вявикІулри Иван Матвеевич.

Бутлер дурахъун ганзухъличи. Марья Дмитриевна кариилри кІиэсил ганзухъличи. Ил Бутлерличи хІерризур ва илмадан гІясили шурряхъиб.

– Се биуба, Марья Дмитриевна? – хъарбаиб Бутлерли.

– Лерилра хІуша уркІециагарти, хІяяагарти, кубци ирхъантирая! ЯхІдарес хІейгирая. Кубци ирхъанти, марлира, – иб илини, арилзули.

– Илгъуна гъарилличил бетаэс бирар, – иб Бутлерли, се бурусил хІебалули, – илдикІун дургъби сари.

– Дургъби! – вявбяхъиб Марья Дмитриевнани. – Сегъунти дургъби?

Кубци ирхъанти ва таман.

БекИибси хамха ванзализи кІапІбарес гІягІниси саби, илди биалли хІя-жатуна бугъули саби. Бархъси, кубци ирхъанти, – тикрарбариб илини, ган-зухъличирад карацІили, ва гІелабси унзализирад хъули аррякъун.

Бутлер хъули чарухъун ва тиладибариб Каменевлизи бурахъес, секъяйдали ил бетатурал.

Ва Каменевли буриб.

Ил биалли бетарурлири ишкъяйда:

XXV

ХІяжи-Мурадлис ихтияр бедилри къунзикІахъес мурдали шагъарличивад гъамли, къазакъунала конвойличил. Нухализиб биалли къазакъуни шуцІалицад лебри декІарбарибти гъар начальниклис вецІанадди, гІелабти биалли хъарбаркъ хІясибли гъар бархІи бурхъутири, цархІилван буралли, илди гъар бархІи хІяжатбиркулри. Ил багъандан цаибил бархІи вецІал къазакъ бархъилри, гІур биалли къасбарилри бурхъес шелцун, тиладибиурли ХІяжи-Мурадлизи сунечил барх сунела лебилра нукерти кахІейсахъес, амма апрельла 25-личив ХІяжи-Мурад дураухъун сунела шелра нукерличил. ХІяжи-Мурад урчиличи кайрухІели, военный начальникли хІясиббариб лебилра шелра нукер хІядурбиубли биъни ХІяжи-Мурадличил дурабухъес, ва илизи лебилра касес асухІебирнличила буриб, амма ХІяжи-Мурадли илди гъайла хІергъибсила дариб, урчи гъайбариб. Военный начальниклира гуж хІебариб. Къчагаъуначил леври унтер-офицер, виштІал къуллукъчи, Георгийла кавалер, скобкалаван къицІварибси жагъил, хІилара ниъларагъуна, араси Назаров. Ил сайри бегІла халаси старообрядла хъалибарглизивадси, дудеш агарли акІубси ва балхуси рухъна неш хІябал рурсиличил ва кІел узиличил.

– ХІерикІен, Назаров, гъарахъли армякъяхъид! – вявъиб военный начальникли.

– ЛехІихъулра, хІела чевяхІдеш, – жаваб чарбатур Назаровли ва, къяшликуначив ахъиубли, хъархъси ганзличил гъайбариб, дебъабирули хъу-цІарла гІелаб тупанг, сунела дебали гІяхІси, халаси, къерхІе халаси къянкъличилси бурхъа урчи. Авал къазакъ илис гІергъи аркъулри: Ферапонтов, ухъянси чІукъаси, бегІла цаеси хъулки ва се-биалра бурчан, – суненира ХІямзалавлис янсав дицибси; Игнатов, къуллукъ таманбарибси, жагъли ахІенси, араси мурул адам, сунела цІакъличи пахрубируси; Мишкин, багъласи, цІакъла вегІ, сунечибра лебилра дукаркІути ва Петраков – жагъси, цІуба гъезла вегІ, нешла цацунси урши, мурталра малХІямси ва разиси.

Савлиличибад дирихъ чебихъири, амма гІянручІлис аргъ шалахъбиуб ва бара гъаргдиубти кІарачи берхІи лямцІбикІулри ва рурсидешла умудешли къарличиб ва анкІила чедакІибтачиб ва гъунила дублаб чебиуси хІеркІла ряб-рябличиб.

ХІяжи-Мурад ганзличил вашулри. Муридунира къазакъунира гІелахІебикили илис гІергъи аркъулри. Къалала гъалабси гъуйчи дурабухъун. БекІличир козинкабачилти хъунул адапти, гамушуни дабгити тІамали диркъути уркрачиб солдатуни къаршибиркулри. КІел километр ахъили, ХІяжи-Мурадли

сунела цѹба кабардаланнис къужбариб: ил хъярхъли гъайбиуб, сунела нукерти биалли хъярхъли гъайбиублири. Илкъяйда аркъули къазакъунира.

– Эгъ, бахъ гІяхІси саби илиубси урчи, – иб Ферापонтавли, – биаллири сай даршули ахІенси замана кабиркахъира.

– Ге, узи, ил урчилис Тифлислизир хІябдарш къуруш лугулири.

– Ну биалли илис дилайчив гІеввиус, – иб Назаровли.

– Ге, гІелара улхъад, – иб Ферапонтавли. ХІяжи – Мурадли биалли урчила дуцІ чеимцІабикІахъулири.

– Эй гІяхІял, илкъяйда хайрихІебирар, – вьвбяхъиб Назаровли, ХІяжи-Мурадлис гІевваэс къасбирули.

ХІяжи-Мурад шуряхъиб ва селра хІеили, сунела лебси тяхІярла дуцІ даимбарилри, хІярхІебарили.

– ХІердикІеная, се пикрибарибал илди шайтІунта, – иб Игнатовли, – чебиулрав секъяйда биртулил. Илкъяйда дубуртазибяхІ аркъули километр ахъилри.

– Ну викІула хайрихІебирар! – вьвбяхъиб гІурра Назаровли.

ХІяжи-Мурадли жавабра хІелугулири ва гІелавяхІ хІерра хІелзулири. ГІурра дуцІ хъярхъбирулири ва башниличибад дуцІ тІяхІличи шурбухъун.

– Къянааугъуд, архІякъяд! – вьвбяхъиб Назаровли илини бируси агиличи. Илини бяхъиб сунела къерхе халаси бурхъа урчилис ва ахъиубли къяшликуначив, гъалавяхІ гІяшиубли, сунела урчи лебил цІакъличил батаиб ХІяжи-Мурадлис гІергъи.

Закра амъурлири, гъавара умулири. ГІямрула гъавра Назаровла илцад ахълири ва разилири, сай цахІнаикибхІели гІяхІси, чІумаси урчиличив арцурири ХІяжи-Мурадлис гІергъи, сунес бекІлизи балли лябкъули ахІенри, сегъуна-биалра вайси ибси, яра пашманси, яра кахси. Ил разивурири гъарил тІяхІличил сай ХІяжи-Мурадличи гъамириличи. ХІяжи-Мурадли вагъур халаси урчила хъапІ хІясибли сунечи гъамируси къазакъ, ва ил бахъІи агарли сунечи гъамирни, ва, дулай някъли тапанча буцили, алгъай някъли урчи цакамси багълабариб, дуцІли гавли парчбикІахъуси ва бикъуси сунес гІергъи урчила хъапІаргъала кабардаланна.

– ХайрихІебирар, викІула! – вьвбяхъиб Назаровли, цугкайкили ХІяжи-Мурадличил варх, ва гъабалтули някъ урчила ургъур буцес или. Амма, ил буцес бекІхІейубли левалли, къяйкла тІама дурабикиб.

– Се бирулрив хІуни? – вьвбяхъиб Назаровли, михъири бурцули. – Дяхъя, дурхІни! – иб илини ва урчила къашличи гъакІухъи кайкиб. Амма дубурлантани къазакъунас гъалабикили ярагъ касиб ва иртули тапанчабазибад ва шашкабачилра къирбариб. Назаров жибжиркавхъири хъябличивад, урухъиубли юлдашуни–ургабад башуси урчила. Игнатовла удибси бяхъибси урчи къяшличи кабикиб, къяш уди дебабарили. КІел дубурланни хъямдарили шушкни, урчиличибад кахІебацІили, бекІра някъбиракадли ил тугъарвариб. Петраков илис кумекличи гъуцІухъун, амма илмадан КІел хІярхІяли, ца къакълизи, ца шайзи агили, вигахъуб ва ил гавлаг къяйда урчиличивад герухъун.

Мишкинни урчи гІелабяхІ ласбариб ва къалализи хъярхъикиб. ХІянапира Хан-МяхІяммара илис гІергъибихъун, амма ил гъарахълири ва дубурлантани илис гІеббаэс хІебирни чебаили, илди чулатачи гІелабяхІ чарбухъун. ХІямзалавли таманварили Игнатов ва Назаровра велгъун, урчиличивад увушили. Хан-МяхІяммани кабушибтачирад янсавра хІярхІу-бира кадихъибти сумкаби

черихъулри. ХІянапис дигулри Назаровла урчи буцес. Амма ХІяжи-Мурад-ли вјавбяхъиб илизи, гІягІнили ахІен или ва гъуникад дуцІбариб. Муридунли илис гІергъи даимбиуб, гъабирхъули чус гІергъи дуцІбикІуси Петраковла урчира. Илди биалли гъанна Нухализибад хІябал километрла гъарахълири, биринжла авлахъуникад, къяйкла тІама аргъибхІели къалализибад, суненира багъахъурси урехиличила.

Петраков кайхъири балъунси каниличил ва сунела жагъси бяхІла хІер сабри бархъбиубси закибяхІ ва ил бялихъван гъунчІикІули убкІулри.

– Ва дила аллагъ, дудешуни дила дурхъати. Се барилрая! – вјавбяхъиб, бекІ буцили, къалала начальникли, багъурхІели ХІяжи-Мурад гъавухъниличила, – БекІ убасиб! Ухъахъун къачагъ! – вјавикІулри ил, лехІихъули Мишинна багъахъниличи.

Ил багъахъни тІинтІбарибхІели гъар мерла, гъалабла ахІенти къазакъуни ахІи, бархъилри гъаббухъунтас гІергъи ва бучилри лебилра бучес биубтицад даршути шимала милиционерти. Багъахъурлири лугни азир къуруш ХІяжи-Мурад мицІирли я кавшили кавхибсилис. Ва кІел сягІятла гІергъи, ХІяжи-Мурад юлдашуначил къазакъуначивад вебшили, кІидаршличибра имцІали урчала мурдни приставличил арбяхъун гъаббухъунти баргес ва буцес.

Чумал километр ахъили халал гъунила, ХІяжи-Мурадли тІашаиб сунела декІли гъигъбикІуси майалира хъасалира берхІбиубси цІуба урчи. Гъунила балуй шайчир чедиулри чятла хъулри ва Беларджика шила мижитла минара. Алгъай шайчир биалли сарри авлахъуни ва илдала ахирличиб хІеркІ чебианбиублири. ХІерхІеили, дякъ дубурличи аркъуси биалра алгъай шайчиб, ХІяжи-Мурад шурухъун къаршиси шайчи, балули чус гІергъибихъунти ил шайчибад аркъни. Сай биалли гъуни агарлира, Алазан хІеркІ ахъили, дураулхъан халал гъуйчи, сунечивра чилра хІерли ахІенси ва аркъян ил гъуникад вацІализи, илхІели гІурра хІеркІ ахъили, вацІакад дубуртази. Илкъяйда пикрибарили, ил алгъай шайчивяхІ шурухъун. Амма хІеркІличи дураухъес имкан агарсили уббухъун. Биринжла авлахъуни, чекани, чусра илдикадли букъес гІягІнити, мурталра къяйда хІеб шинни кІапІдарилри ва билхІлаличи шурдурхъири, чузирра къукъубачи бикайчи урчи алтІути. ХІяжи-Мурад нукертира я алгъай шайчи биркулри, я балуй шайчи биркулри, цакамси биалра берубси мер баргес дигулри, амма ил авлахъ диркъси ва шинни белкъунси сабри. Урча хъар ибхъуси шишалагъунти тІамаличил зузбикІуси чятлизи атІунти къяшми хІилхІи дурайсулри ва, кацІили чумал ганз, декІли гъигъдикІулри, тІашдилзулри.

Илкъяйда, илди илцадра бирхъули калун, цІяббирес бехІбихъилри, саби биалли хІеркІличира баили ахІенри. ЛехІел шайчиб биштІаси беръубси шинни хІебуцибси мер лебри, сунезирра тІинтІдиубли гъардакІибти кІарачилти къадуби лерси ва ХІяжи-Мурадли къасбариб мерлавиэс ва дуги баайчи калес урчара чулира бамсриахъес.

Къадубази бухІнабухъи, ХІяжи-Мурад ва сунела нукерти урчачибад кабацІиб, къяшум дигъи, илди дугахъес датаиб, чули биалли дарх касибти къацІра нусира деркун. Жагъил бац гъаланачи шалабикІуси дубурла гІела арбяхъун ва цІябси дуги чебихъун. Нухализир булбул чІатІни дебали дахъалри. КІел лерри илди къадубазирра. ХІяжи-Мурад къадубази айцІули левалли сунела адамтачил, вяшикІули, булбул чатІни лехІкахъиб. Адамти лехІкахъибхІели биалли, гІурра вичІирдикІули дучІесдяхІиб, ХІяжи-Мурад дугила макъамтачи

лехИхъулри, сунесра хабарагарли илдачира лехІахъиб. Ва илдала шятІли гъан-бикахъиб ХІямзатличила ит далай, дуги шинничи дураухъунхІели сай иличи лехІахъибси. Ил гъанна гъар минутлизив ветаэс вирулри ХІямзатлагъуна агилзив. Илис гъанра биркулри илкъяйда бетарар илира, ва илис хабарагарли кабизур мар-марли уркІилизиб. Илини варгъи тІинтІбариб ва дехІибала дариб. Тамандарибмад къадубачи гъамдикІути тІамрала аргъиб. Илди сарри дахъал урчала хъапАръала, пІяргъилизир пуртІ-пуртІдикІути. Хъярхъси хІерла вегІ Хан-МяхІямма, дуцІли дураухъи къадала дубла, хІердариб цІябдешлизир цІудара мурдабала къаралдлуми ва хъурали башули гъамбикІути къадубачи. ХІянапинира чебаиб илгъуна къукъя цархІил шайчибад. Ил сайри Карганов, уездла военный начальник, сунела милиционертачил.

«ГІур се бирусив, ХІямзатван дургъес чебиркур», – пикриухъун ХІяжи-Мурад.

Вявдеш дарили гІергъи, Карганов даршалцад милиционерличил ва къазакъуначил гІергъиухъун гъаббухъунти ХІяжи-Мурадхъайс, амма чинабалра хІебаргиб я илди, я илдала хІерзи. Карганов гІелавяхІ чарулхъулри, хъул бетахъили, илис бархІехъла гъалав ухъна татарин къаршиикибхІели, Каргановли ухънази хъарбаиб урегал мурда чехІебаирив или. Ухънани жаваб чарбариб чебаира или. Илини чебаилри, секъяйда шярли башулрил биринжла авлахъкадли ва къадубази арбьякъунал, суненира илар урцул дурчули калунси. Карганов, ухънара касили, гІелавяхІ чарухъун ва уркІухъунти урчала куц хІясибли багъур ХІяжи-Мурад левни. Ва дугелил ил мер алавбуциб ва савличили хІерликайиб, ХІяжи-Мурад уцес: я мицІирли я кавшили.

Аргъили сай алавуцни, ХІяжи-Мурадли хІербариб къадубала ургаб буркъа татаул ва къасбариб илизи мерлавиэс ва илдазивад мяхІрумиеэс цІакъра янсавра лералли. Илини иб сунела юлдашунази иличила ва ил татаул дебабарахъес хъарбариб. Нукерти илмадан бехІбихъиб къялуба бирхъес, ханжултачил ванза икъес, дирес гъабизуни. Лебтачилалра варх ХІяжи-Мурадра узулри. Шала шикъдхъунси замана къадубачи дебали гъамиуб милицияла даршлихъла командир ва ахъли вявъиб:

– Эй, ХІяжи-Мурад! Дураухъен! Нуша дахъал сарра, хІуша биалли камти.

Илис жаваблис татауллизирад къяйкбухъунси тупангла гав дурадикиб ва хІярхІя милиционерла урчилис агиб, сабира урухбиубли тІяхІбухъунси ва ил кабиркесбяхІиб. Илис гІергъи дехІдихъиб дучІес тупангуни милиционертала тІашти къадубала дублаб ва хІярхІуба чула шятІличил кІари ва галгала къялуби кадикулри татауизи, амма дебадешла гІела кабиибти адамтачи чейгули ахІенри. ХІямзалавла ца урциун сабри бяхъибси илдани. Ил бекІлизибад бяхъилри. Ил кахІебикилри, амма бердили гъая, къадубазиб пяхъярбикІулри, дуцІли бетухъун цархІилти урчачи ва илдачи гІинибиубли хІили иркулри жагъил къар. ХІяжи-Мурадра сунела адамтира иртулри, рахли милиционер дура гъаввакІалри, ва рахли сабри чула мурад бетхІеурли кавлуси. Милиционертазибад хІябал бяхъилри, ва милиционерти чебухъес ХІяжи-Мурадличи ва илала адамтачи бирули ахІенрину, илди иличибад гъатІира гъарахъбиркулри, зегъа агарли иртули.

Илкъяйда даимбиублири сятІятличибра имцІякъ.

БерхІи абухъири, дай галгубачи баили. ХІяжи-Мурад пикриикІулри урчачи мурдайэс ва хІеркІичи ваэс или, аргъибхІели тІама-гъамала сагали бакІибси халаси билхъала. Ил сайри ХІяжи-агъа Мехтулинский сунела адамтачил.

Илди кИдаршцад адам лебри. ХІяжи-ага гьалав ХІяжи-Мурадла гІяхІялли калунсири ва хІерусири илди дубуртазив, гІур биалли ил урусуначи шурухунсири. Иличил варх леври Амет-хан, ХІяжи-Мурадла душма урши. ХІяжи-агъара, Карганов кьайдали, вехІихъиб ахъли вявикІес ХІяжи-Мурадлизи някълчи ва кІахъес, амма цайнайс кьайдали ХІяжи-Мурадли хІярхІубачил жаваб чарбатур.

– Шушкначил, дурхІни! – вявъиб ХІяжи-агъани, хапбарили сунела, дикъесдяхІиб даршани адамтала тІамри, къадубачи чІярличил бетухъунти. Милицонерти къадубази бухІнабухъун, завалла гІеларад ца-чумал кьайкла тІама дурадикиб. ХІябал адам кабикиб ва чебухъунти тІашбизур ва къадубала дайлабад иртесбяхІиб. Илди иртулри ва багълали гьамбикІес бяхІилри, къадаличибад къадаличи дуцІбулхъули. ЦабехІ чедибухъес бекІбирулри, цабехІ биалли ХІяжи-Мурадла ва илала адамтала хІярхІубау биркулри. ХІяжи-Мурад иртулри чехІегни агарли, илкьайдали хатІа агарли рах-рахли иртулри ХІямзалавра, гІядада хІярхІя заяхІебирули, ва мурталра разили чІярбирхъули, хІярхІя сунела мерличичи баибхІели. Къурбан кайилри татаулла дубла ва учІулри «Ла илагъа иллаллагъ» или, ва къалабахІейкІули иртулри, амма илала рахли сабри чейгуси. Элдар биалли гьалакли руржулри яхІбирули, ханжайчил чевхъес душмайчи ва иртулри сен-сен дигара ва мурталра ХІяжи-Мурадличибад хІер чебхІейсулри ва дуравяхІ ахъирулри сангарла гІелавад. ХъунцІбар ХІянапини ишабра къуллукъчила мер буцилри, гІегІдергурти дулгъубачил, илини янсавли тупангуни дирцІулри, сунезира ХІяжи-Мурадлира Къурбайра дедлугути, чебетаахъили мегъла шомполличил духІнакайули гІявадикибти хІярхІуби ва писдирули полкабачи дерубти янсав. Хан-МяхІямма цархІилтиван татауллизичи кайили ахІенри, татауызивад урчачи дуцІулхъулри, ардикули илди имцІали урехи агарси мерличичи ва тІашхІейзулри вявикІулри, иртра иртулри тІашбизагарли. Ил бегІ гьалав вяхъиб. Илис хІярхІя хъяблизи агиб ва ил гІелавяхІли кайиб, хІили туикІули ва ургъули. ГІур вяхъилри ХІяжи-Мурад. ХІярхІяли хъуцІари бяхъилри. ХІяжи-Мурадли сукъбайзирад бамба дурадердили, дяхъилизи къуздариб ва иртес даимиуб.

– ЧедулхъехІе шушкначил! – хІяйнайсра иб Элдарли.

Ил ца бара гьаввакІиб татаулла гІелавад, хІядурси душмантачи чевхъес, амма ил минутлизичи иличи хІярхІя чегиб, ил гьакІарухъун ва ХІяжи-Мурадла къяшмачи вяхІудили кайкиб. ХІяжи-Мурад иличи хІеризур. Кигъалагъунти жагати хІулби черхІейсули мардешличил хІердикІулри ХІяжи-Мурадличичи. БиштІаталаван гьалабакІибси къак чедибси кІентІличил журтІбикІулри, ибхъхІебхъули. ХІяжи-Мурадли илизибад къяш азадбатур ва иртес даимиуб. ХІянапи гІяшиуб кавшибси Элдарличичи ва хъярхъли сукъбайзирад таманхІедиубти хІярхІуби касиб. Къурбан биалли учІули левалри ва, багълали янсавли тупангра бирцІули, иртулри.

Душманти биалли, къадаличибад къадаличи дуцІбулхъули, тІама-гьамаличил багъла-багълали илдачи гьамбикІулри. ХІяжи-Мурадлис цагъатІи хІярхІя чегиб. Ил агилри лехІел шайзи. Ил татауллизичи кайхъун, гІурра сукъбайзирад бамба адердили, ил гьакабариб. Ил дяхъи бекІала биъни илини иргъулри ва балулри сай убкІни. Гьанбикуни ва сипатуни тамашала хъярхъдешличил дарсдикІулри сунела гьанбикуназир цалис гІергъи ца. Я илини сунела гьалав арсланван цІакъси Абу-Нуцал-хан чейулри, секъяйда ил, ханжай чеббяхъибси бай бяхІра буцили ца някълчи, цархІил някълличил душмайчи чевхъунал, я

чейулри цакаьгарси, хли агарси вяхличилсигъуна Воронцов, сунела макруласи цуба бяхличил ва бикъулри илала кантиси ва малхямси тамала, я чейулри урши Юсуп, я хъунул Сапийт, я рангагарси берхе муцурличилси ва шурдарибти хулбачилси бяхла веги сунела душман Шамил.

Илди лерилра гъанбикуниси илис гьалар шалгердулхъулри, сунезир сегъунтилла аргъала дакхуедулхъули; я уркеци, я гъими, я сегъуна-биалра хъул. Лерилра гъанна илцадра мягина ва багъа агарли кадизурлири, цугдурцухели гъанна бехибхъусиличил ва гъанна сунес бехибхъусиличил. Амма илала цакаьси кьаркьай даимбирулри бирес сунени бехибхъуси. Илини бегла гергъиси цакаь бучиб, ахъиуб завалла гъалавад ва тапанчализибад игъуб сунечи дуцхъунси адамлис ва илис агиб. Адам кайкиб. Гур ил вархъли дураухъун заваллизивад ва декли валкикули, ханжайчил вархъли душмайчивяхи гъайиуб. Чумал тупанг къайкдухъун. Ил гьакларухъун ва кайкиб. Чумал милиционер разиси чярличил кабикибси хамхаличи разили дуцбухъун. Ва илдас беклибсиван кабизурси кьаркъала хабарагарли жургъбухъун. Бегли гъалаб ахъиуб хили бясунси, къапла агарси, бялгунси чянкла бекли, гур ахъиуб хамха. Ва галгализи вархили айзурси ил илцадра урехиласили кайзурлири, хятта дуцбухъунти милиционерти хякбизурли ташбизур. Ва хера ил хабарагарли зер-зерухъун, гьалгаличибад гъалабахли ганз какиб ва лебил кьаркьайчил варх, бяхъибси хяхълахъиван вяхличи кайкиб ва гур вяхлевхъун.

Ил вяхлейкулри, амма иргъулри. Дуцхъи бегли гъалав саибси Хяжи-агъани беклизи ханжал бяхъибхели, илис кабизурлири беклизи кьякъли бирхъутиван, ва илини балули ахенри ва иргъули ахенри чили ва селис ил бирусил. Ил сабри илала бегла гергъиси сунела кьаркьайчил аргъала бархбасунси гур илини селра иргъхергъулри ва душманта ганзбирулри ва бутнадбирулри гъанна селалра мягинагарси сунечил барх. Хяжи-агъани, хамхала кьякъличи ганзхъи, кел бяхъли бекли чеббикахъиб ва мякамли, мячайти хили херкесли, кьяшли ил убасиб. Хъябла тумазирад чяхидухъунти хунтена ва цудара хили бекли вака иркиб.

Карагановра, Хяжи-агъара, Амет-ханра ва лебилра милиционертира, кабушибси жаниварла чебкад гяюркъябиван, чукурбикилри Хяжи-Мурадлара нукерталарара мякълаб (Хянапи, Къурбан ва Хямзалав бигъири) ва янсавла гавлизиб ташти къадубазиб разили гъайбиккулри, чула чедибдешла хулбукри бирулри.

Тупангуниси къайкдикхели, лехкахъибти булбул чатини сагадан дучесдахъиб, бегли гъалаб ца гъамли ва гур цархилти гъарахъиван.

Ва хера ил бекли гъанбикахъиб наб бацунси хъула ургаб кьаршибикибси ит бялгунси хяхълахъила къадали.

1896 – 1905

Шурбатурси Зубалжат ГИЯМАНОВА





БяхІяммад ХІЯЖИЕВ



БИГИУНСИ ТАЛИХІ

Повестъ

ГІЯХІМАДЛАРА ХАМИСЛАРА ИХТИЛАТ

(Хъарахъуд)

– Гъанна селра агара, аракадиубли сари дяхъурби, – дукехІе или столличи кумур кабихъиб. Сарира ГІяхІмадла мякъла карииб.

– Укен, ГІяхІмад, хІу чанав виадра ну гъанриркахъаба.

– Дила жан дерцахъибси хІу къалли мурталра хъумхІертури. Хаслира дуги хІуни чебаахъибси алжана.

– Хамисли биціли чягърла стакан ГІяхІмадлис гъабуциб: «Бержа, хІед аракайэс гІягІнили саби».

– ХІуни сен хІебужулри?

– ХІуни бержили гІергъи.

– ГІяхІмадли стакан, бацібарили, Хамислизи чарбариб. Сунези стакан бикибхІели, Хамисли байхъала биціли някълизи буцили, ГІяхІмадла дукла кариили – «Наб ишкъяйда бержес дигулра», – иб.

– ХІед дигуси бара.

Хамисли някълабси стакан бацібарили столличи кабихъб. Ласряхъили ГІяхІмад хъябдуцили, байвариб. ГІяхІмадли Хамис руцили койкаличи карихъиб. Койкаличир Хамис бяхІкахъибси вавнала халаван ГІяхІмадли дукларуциб.

ГІяхІмад шаладикайчи Хамисличил ихтилатикІули калун. Къай-къай кІелра ряхІятдарибти биркІунтачил бускаун. Ціаціали уцибси ГІяхІмад Хамисли русухІелира ватиули ахІенри. Илала чархлизибад башуси бизиси тІемли вавнала бекІализи кайхъунсиван гъанбиркулри.

– ХІу усен, ГІяхІмад, баркалла биаб хІед, ну разирарира. Ишдуги гІур кавлад нуни вягІдабарибси адам машиналичил жягІял чарируси сай. ХІуша нуни иличил дурхъура.

РяхІяткайубси ГІяхмад илмадан ускау. Жувайрат биалли сунени гІелаб балтути неш-дудешличи сецад гІясили риалра, ну агарти бурхІназиб сели биркъесара или пикририкІулри. Сари илдала гъаларад ретахъибхІели нешла

биса, илини дурути гъай дурулри. «Вай дила абдал бекI, сен ну рурсиличи хIерирхусири. Набчил, сари рарсряхъилихъар ихгъуна хIянчи биру или гъанхIебикиб. Сарицун архIярякъун. Илини гъалмагълизи севан багъахъура. Чинавад викили халкълизи чехIеахъили вакIес виуба? Рурси набчира гIясириуб. Балас, илис нура душман ретаурра, сари гIерхIеруцни багъандан. ГIур се бирусири набра ил шилизир калахъес дигулри. Дудешлара сунела узилара къалмакъар дигули хIериши. Селра хIебирар, неш, мурт биалра хIушала гъими-шаха паргъаткадирар, илхIели нура хIушачи гъаррикIус» – ибти пи-крумазир рускаун.

ГIелабил бархIи, бара шала шикъдиубси замана Хамис аризур. ГIяхIмадлис беркеси барили, вахун. Гъаргала дурурухъи, закличи хIерризур. Къиблала шайчиб зак чемъурли биалра, берхIи абулхъуси шайчиб гъагулта кIапIбарилри. Къадалабад батбихъибси дирихъла чури чебаибхIели, бархIи бетарар или хIерхеслири.

– ГIяхIмад, ну чаррухъунхIейс хIу хIядурли ви. Гъала-гъала нуни гъар секIал халдирис. ХIядурхIели, хIечи ляркъяс. Гъанна гъалакли шикъдикIес гIягIнибиркур.

– Ну мурталра хIядурлира.

Хамис дурурухъун. Сунела узикъарличи ретухъи, хIядуриахъубли, сунени пикрибарисби мерличи катурли, мурталра машинализив виахъес хъарбарисби. Гъанналис имцIати халкъ белхIи ахIенри. ИлхIели хIядурси Жувайрат улкъайла гъалар бара цIилбикIуси шалализир рагъесли чериулри. Хамис, хъярхъли хъули чарриубли, ГIяхIмадличи гъамриуб.

– ХIядурлирив, ГIяхIмад? Къалабаики, гъар секIал хIядурли сари.

– БекIличисби бинт.

– Бинт селра хIебирар, къалабали машинализи кайи.

ГIяхIмад машинализи кайахъес вяхIварили, Хамис гъалабал хIядурбарисби ганзиличил Жувайрат лерси улкъайличи гъамриуб, ганзи тIашбатур. Илмадан хIядурси Жувайрат улкъай гъаргбарили ганзиличирад карацIиб. Хамисли машиналичи тIул бяхIбарили Жувайрат кариахъес сунечи хIерси машиналичи пархъиб. Ганзира убасили, Хамис машиналичи гъамриуб.

– ХIушаб гъунби гIяхIдиаб, гъайбарая. Вария ну хъуммартаба.

– Мурт биалра цугдиркехе. ХIуни барисби кумек зяли архIякъян.

ИлхIели машинала барглизирад тIама дурадикиб, ряхIятли гъуни буцили гъайбиуб. КIелра гIела кабитала уркIурби тIимхъдикIулри. Илди гъалаклири дирихъли буцес хIядурси шилизибад гъарахъбикес.

Машина гъала-гъала багъласи дуцIличил башули биалра, челис-че дуцI хъярхъбарили башескабиб. Машина дирихълизи бухIнаберхур. Илдала дигайличила багъурси шафорли илдала шикълици пикри бяхIчиули ахIенри. Сунела лебси цIакъличил машина гъайбарисби. Машинали ГIяхIмадра Жувайратра хабарра агарли вокзаллизи дурабикахъиб. ГIяхIмадли арц касес кисализи някъ кабатурхIели, шафорли ГIяхIмадла някъ чеббуцили тIашаиб.

– Юлдаш, наб арц гIягIнили ахIен. Ма ишди арц, набзирад сахIейсу, машиналичибад кабацIибхIели, ГIяхIмадлизи деда рузикъар Хамисли гьбти сари. Илдас гъарахъси мерличиб къяндухъунхIели пайдаладахахъес.

– Хамисли барисби кумек иткъира халаси саби, нушани арц сахIейсехIе. Ардухану сунези чардара.

– Илкъяйда балхлебиркур. Хамисли лебглебал члумали хъарбарисире. Сасая хлушала чарабакли шилизи чардухъунхели, чардарес дирутира.

– Пайда агара, Жувайрат гымхлеругахъес сайсехле. Даари арц нушала лерли диалра.

– Юлдашуни, хлушала документуни гъар секлал хлядурли диэс. Рахли камси секлал леббиалли, ил сабухес глЯгнлбикалли, ну левалли хлерья.

– ГлЯгмадли, кисаларад дакументуни касили, халдариб. Лерилра далдикили сари.

– Чина детиутирал буралра бураягу, нуни чизилра бурхлебурис. Белики цледеш садухили ну ваклиша.

– Нуша Тюменьна областьлизи аркьутира, итарад чина дурхьурал балули ахленра.

– Хлушаб гъунби глЯгдираб. Ну аркьяс. Шилизир гъанна Жувайратла беглала гъуя-вяв дехлехили дургар. Гъалак-гъалакли дурадухъесил барая. Илдани адамти ишара бархъес асубирар.

Шофёр, ласбарили машина, хъархъли ватихъиб.

Жувайратра ГлЯгмадра северлизи аркьуси поездличи кабили арбьякун. Илдала гъанна саби бургнила урехи аги.

ЖУВАЙРАТХЪАЛА ХЪУЛИБ

Пирдавли савли аризурли, хлЯйванти хлункърази гъунирдатур. Глнинизи шинничи рякьи чаррухъунхели, хъулибти бахес беркала барес каряхлиб. Сунези сари рухлна ручлурли «Сунела хъарадуцибтира сарира, иш рурсира хъулир лерли риаллира селисалра ригули ахлен. Гъанна наб къадин шинничи рукъес хлерирусирив? Цархлталала рурсбани саби ахли, абни шинничиб чехлебиу.

Гъанадеклар чехлериулар наб, буклун хлейги или, дехличи букъес хлейгуси эмхлеван рарсрургъули. Хлебигули биалра, эмхлера дехлиуб башули бирар, хлура, сецад хлейгули риадра, буклуис шери аркьяд. Хлела пикриблэс къияндиклбси замана неш-дудешлис кумек хлебарес или илдачирад гъарахърикес. Бетхларар.

Савли къан-къанни Хамис Пирдвлечи арацлиб.

– Релхлунрив Пирдав? Сена хлела аги? Детарулив мукъри?

– Релхлунрив Хамис, лерра адархили. Баркалла, хлу раклйчи икл мяглун разирарес хледиубра. Хлуни ил мутгилрарилри. Рурсбани цацабеглала гъай глЯхли чейсули бирар. Хлура глЯхли урклила регл рургуд. Жувайрат, хлела гъайла чекасили, муклурраклиб.

– Хлебиалли мурт аррукес пикри сабив?

– Ишдуги, дила рурси, ишдуги. Хлу раклили глЯхли барилри, кумекбарес. Гъанна дила беглтира льякъян, кумекбиру.

– Хлера ихди, глЯйнарад льякъутала тламри хер.

Ца камси заманала бухлнаб Пирдавла рузи, рузбикъри, унра хъунри хъули абацлиб.

– Мукъри давлала дираб, Пирдав! Делхлунраяв?

– Хлушара арадиаба, се глЯхли барилра заманаличир даклили. Иш Хамисра, баркала биаб сунес, кумекбарес раклили лер.

– Чидил ваклара мекъ-къяргли лерхели, убабигути саби. Гъари нушани се бирусил чебаахъа, иша кадиэс даклибти ахленрану.

– Рузи, рукъен их убил тавханаилизиб кигъала диъ хеб. Пулавлис кигъала ахИи балхЕбиркур, абуха. ДурхЯла бегИти бакИайчи пулав, чудни хИядурдарес гЯгИнибиркур. Цали бетУ башеная, цали ца абикъирая, хИушанира баладая се бирусил, бусягИят балчализи бархибси гЯргИяван диркъутази рархили балуси агара.

– Пирдавла гъайличира бакИбтала шикъличира Хамис сари рухИнар дукаркИули риалра, гъандуцили, чизилра хЕбагъухъурли руулри.

– Рузи, гъаннара Жувайрат хЕралхИрив?

– Рати-рати, рузи, русахъес, икИ рарскъачил гъай дигули ахИенра. Саригъунти рурсби бакИбхИели рулхЕхъехЕ. Иш Хамис ракИайчи мутИгИрарес хЕдиубра. Се бетаурал, ишис мутИгИракИили, ряхИяткариуб.

– Рурсби цацабехИтала гъайличи лехИбилзули бирар, се гИяламат биаллира.

– Гъанна ила рурсби чукурбиркескабииб, дурхЯла бегИти бакИес замана биулри. Пулав сабиулри. ДуцИути чуднала, белхъунси диъла бизил тЕм бихулри.

Пирдав жирикИули, Хамис тИалабариб.

– Хамис, хЕчи гИяхИил лехИхъули сарину, рукъенну Жувайрат релхЕхъен.

Илмадан Хамис Жувайрат лерси хъули ретухъун. Иларад тупла хИярхИяван дурарикили, Пирдавличи гъамриуб.

– Пирдав, Жувайрат чина биалра рархъибсив?

– АхИен. Се бетаурлив?

– Хъулир агара.

ИлхИели Пирдав Жувайратла хъули дуцИли арацИиб. Хъулир Жувайрат чехИераили, рируцад ахъли, бецИливан авбушиб. АтхЕбизурли лебалти дудешра, – уршира Пирдавла тИамалис ахъбиуб. Гъалакли балбиубли, хъунрала хъули бухИнабикиб.

– Се бетаурлив? Се вяв сартив?

– Хъулир агара.

– Чи! Сен хъулир агарсив?

– Жувайрат хъулир агара.

– Хъулир агарли, чина риркуси?

УркИрухъунси Пирдав хИял чебакИбсиван лер мерличир «дила рурси» или карикиб. Мурул биалли гъалакли Жувайратла хъули ацИили хЕръибхИели левси мерличив кабахъибси къярдаван уркИухъи тИашизур. Илини гъаргси улкъай гъанналис хИсаббарили ахИенри.

Хъулиб лебти лебилра хъунри музабухъун. БакИбтасра улкъайличи пикри бяхИчаэс гъанхЕбикиб.

БегИ гЕргъи арацИибси Хамис мер-мерличи хЕрризур, кроватьла удила хЕрбариб, къай-къай улкъайличи гъамриуб, занавеска ахъбуциб. Хъулибтази гъаргси улкъай чебиахъули, хЕрая, ишарад ребшили сари иб.

Лебилра хъулиб лебти мирхъиван сабухъун. Унруби хъар-хъарбахъиб. Илдазивра чераибси ахЕхъиб.

Хамис биалли сунени барибсиличи разили кариилри. Ил рикИулри: «Гъанна хИуша сецад умцИули каладалра ил раргес хЕдиурода. Ил сунела вигуйла дуклар сари».

Жувайратла узира пикриикІулри: «Сен итхІели нушани бекІхІерили ватурсирив? ИткІун чилилра чехІеили ну кавшабая или вакІибсигъунари. Арухили шурмачивад лайикІусири. Суненицун ригІес виъхІейуб. Сунес тянишли ахІенси шилизив ца сайцун бажардихІерки. Чили биалра нушала шанни кумекбарили биэс гІягІнили саби».

Дудешли шилизибад сунела узи-рши, дигІянали бархъиб. Ши алавчар дубургачи, муза-къадурбази хІеръахъес хъарбариб.

Жувайратла бегІти бетаурси анцІбукъличи тамашабиублири. Илди бикІулри: Жувайрат гъарасес чилра вакІхІекІиб. ВакІили виалра шилизиб цалра адамли чейи.

Ил замана ГІяхІмадхъали арбукибсира чарухъи, машинара гаражлизи каили, хъули кайилри. Ит-иш или бурес, бугъганти чедихъес селра кали ахІенри.

Жувайратла гъалмагъ Мажидра, сунела узира вакІибси чеиб биалра, илди бикІутири «Ит дурхІя гъалавал, мицІирли калун виалли, нушала шира батурли ветахъиб. Итис нушани дикахъили гІергъи, унранира хъулкилизи халварили, гІурра дикахъибтири. Илала гІергъи, вебшили виэс яра вебкІили ургар».

Мекъличи хІядурдеш гІашаиб. Шанти ил хабарлис къяшмачиб гІашлири, биубси анцІбукъличи уркІбухъири. ГІелабил бархІи жагъилти шагъарлизи бархъиб. Амма Жувайрат чераибси ахІехъиб. ИмцІати халкъ бикІулри «Жавгъарат малаикуну аррукили рургар. ХІебиалри, чинар-биалра къел-хІерзи кавли».

Хамис биалли сунени барибси баркъудиличи разириубли рикІулри: «Ну хІераасра, нугъунти цалис-ца дигути кІел уркІи мурадличи даахъира». Илра кирила хІянчи саби. Халкъли багъаб: «Дунъя талихІчеббарили, жагабиурси саби дигайли. Дигайра, вавнира, дунъяличир халкъла гІямру жагадарес Аллагъли гибти диэс. Халкъли багъаб, илдала хІурматбирули, гъарил цалис ца бигутала уркІурби мурадличи диахъес. ХІушани пикрибиреная, адамла гІямру илцадра къантІти сари, дяхІимцІайзи хІеризуртигъунти. Дунъяличир гІямру деркІес хІебагъурсини ахиратлизиб селра чебаэс хІебиркни багъаб. Дунъяличирв халкъ-ургав гъарил адам мучлаагархІейрули, хІеркайруси адам гІямрулизив талихІчевлира вирар. Илгъунти адамти дурхъаси Аллагълисра бигахъу».

Хъули чаррухъи, сарицун калунхІели чуйнара ГІяхІмадличил дарибти ихтилатуни гъандикиб. Гъанна ит наб цугхІейкесра асубиарар. УркІи ил бикІулихъар, цугиркниличи умутчерли рирхулри.

Пирдав чуйнара Хамисличил сунела рирсиличила ихтилатбарес ракІиб. Гъай-гъайра, Пирдав сунени барибси хатІаличи пашманриубли риалра, бетаурси гІелабахІ чарбарес вирхІейрар. Ил багъандан, бируси хІянчи, баркъуди пикриухъи барес гІягІнибиркур.

Ца бархІи Малланасрудин сунела юлдашуначил кабиили чус ил бархІи сен бигахъули гъайбикІухІели. Юлдашуна чула уркІила мурадуни дурули кали саби. Илдазивад Малланасрудинничи ласяхъили, хІу лехІлиригу Насрадин бура хІед се бигахъулри или хъарбаибхІели, илини жаваб бедибси сай: «Наб царил секІал хІебигахъаси, бухъяна хъяб ахІенси». Илини бурибсиличи уркІухъунси юлдаш иличи хІеризурли, се бируси илцад бухъяна хъяб? – или жаваб чарбатурли сай. ИлхІели илис жаваб чарбатурсири: «Вайси гъай дурабиркухІели, хъямики буцили дурахІебиркахъес».

Ил гъайла мягІна аргъибти юлдашуни пикрибухъун. Марлира, челяблаличи пикриухъи гъайикІес гІягІнили биъниличила. Ил замана Пирдавра се челябкъянал пикрихІерухъи рурсилизи сунес хІебигуси барахъес гъайрикІули кали сари. Рурсили сунени бируси аргъесли бурили риалра. Пирдав, рурсилизи пикрихІерухъи гъайрикІниличи пашмай риала, рурсини сунела уркІила муррад бариб. Хамисли сари рикІукъяйда сунени барибси хІянчи цаххІебирули бихІулри.

ГЕЛАБСИ ГЪАЙ

ГІяхІмадра Жувайратра бетахъили гІергъи шел дус дикІилри. Жувайратла дудешлира узилира хІемцІурси я бетхІебаибси мер хІебатур. Маждлис сецад ригахъули калун виалра, Жувайрат хъумкартурли, цархІилличил хъайчикаиб. Илалара сунелара гІямрула яшавбирули хІеркайрулри. Гъариллис илгъуна мабиаб, ригуйличил гІямру деркІес къадарбиаб.

Жувайратла неш гъар мурталра рурсила хъа унза гъаргбарили, рурси гъанрикили, сарицун карили, рамсайчи рисусири. Ил Аллагълизи рулгусири: «Дурхъаси Аллагъ, дила рурси набзи чераахъес чаррарагу. Нуни гІур сари рикІуси ахІенси хІебирис. Ну сунела баркъудиличирад гъаларал черрерхурлира. Чаррухъен, рурси , чаррухъен».

Гъарил адам халакайуцад сунечи бекІала къудкъудеш кайгни балули, сунела гІямрулизир дарибти, детаурти хатІаби гъандиркур. Ил заманализир Пирдавлисра сунечи челябкъуси пикри хІебарили барибси анцІбукъличи пикририкІули рикІулри: «Ге, нунира набчи челябкъуси пикрилизи кахІесили калира. Нуни дила цайли цаси рурсилис хъябличи дукІ чебихъес пикри биши. Ил дила абдал баркъуди сабри. Нунира балули ахІенра, селлис дила лерси ца рурсилис илцад гужбарибсирил».

Дудешра сунела баркъудиличи пашманиубли виши, пикрумазив викІулри: «Дила бекІлизи гъанна пикри къутІбухъун, сен нуни баркъахъили, къиян кабихъили абикъурти биштІатази, чус бигул хІебарили, илдала гъуни гІекІили, ну къаршили кайзурсирил, гъанна ну пашманиублира. ВегІла биштІати балу-балули дунъяличи жагъаннаблизи каралтули калира. Багъудчерси рурси хъулив вирхІейруси адамличил хъайчи каратни сегъуна хатІа сабил пикрихІебарили калира. Адамтани Малла Насрудиннизи бекІибти бахъалу мицІирти бахъалу или хъарбаибхІели, Насрудин викІуси сай: «БукІуначил бархли халбарахІели бекІибти бахъал саби».

Жувайратла узи биалли, левгІевал пашманиублири. Илра пашмай бекІ гІяшбуцили вашулри. Илра бетаурси анцІбукълис мухІли мукІурли викІулри: «Дилара хатІа леб, дила рузила у ахъили вакІибси дила гІямрула дурхІялис ит зулму барни. Нуни вирусири, рузила гъала укили, хІуни иш валусив, иш хІела у ахъили вакІибси сай. ХІуни валуси хІейалли, иш нуни вашахъис. Валуси виалли, хІела уркІилис къабуллира виалли, ишичил узидеш дарили, дила душмандеш тамандирис хІеили ну ит кавшес вализурра.

«ИкІ селра агар пандухъ Маждличил вархикнилис рузи къел-хІерзи агарли ретахъиб».

Жувайратла нешлира рурси ретахънилис сари ахІенну, лебилра бегІти гІяйиблаирулри. Рурсила гъалар сари илкъяйда чІумали гъайрикІулихъар, гъанна илала уркІи лебгІебал кІантІибииублири. Рахли Жувайрат ураркъес

бакѿбти гъанбикили, ил пикрирухъун: «Хѿераягу итхѿели нура мехѿурли калѿири. Набчи нугъуна хъунул адам цархѿил шилизирад аризурли раѿибхѿели, гѿяхѿси гъайличил сен чархѿерарибсирив? Илкѿун дила рурси гужли аррукес раѿибси ахѿенри. Ил набчи тиладиличил раѿибсири».

Пирдав гъар бархѿи бархѿехъ сарицун кариили пикририкѿусири. Рахли ит сукни бакѿибтала ши гъанбикили, муруйзира хъархѿебаили, Балугази гѿеббурахъили ил шилизи гѿярхѿя барес дурарухъун.

Сунезиб мах хѿебиалра, пикруманира рухънадешлира рамсахъурси Пирдав, шила дублабси гѿинизла мякъла карайли милиги ахъес, гѿинзла араѿиб. Илар сунелагъунти гѿямрула хъунул адамли гѿинизлизирад шин кайсулри.

Къянарра биѿили ахъриубхѿели, сунела гѿямрула хъунул адам чераили хѿерризур. Бусягѿятал уркѿиличи хъячѿбариб, иш хъунул адам чинаррил нуни гъаларра чераибсири или. Амма гъанбиркули ахѿенри, Шел дусра бухънабас ца гѿяхѿси замана саби, чебаибси хъумуртахъес.

Пирдавлисра илкъяйда билзули биаллира, я илис гъанбиркули ахѿен.

Рахли хабарагарли «цакамти шин держес хайрибирару» – или тилади барибхѿели, илала гъайличи Гѿяхѿмадла неш шаѿкриѿиб.

– Сен хѿебирусив? Дунъяличир гъар секѿал адамлис пайдалис даѿударибти сари. Някълабси крушка биѿили, шин гъадатур.

– Хѿу чина аркъусири, къуллукъ-мурад? Хѿела ахѿял шилизив левли виэс? Чи бикѿара? – хъаррикѿесрииб Гѿяхѿмадла неш.

– Дила чилра валуси агара я бирѿуси агара, ца уркѿи ряхѿятбарес дурарухъунсири.

– Хѿуни валуси левли хѿейалли, нура цунсира, биртѿра хѿебиртѿур, наб ахѿял ретаи.

– Илала гъайличи къабулриѿибси Пирдав, Гѿяхѿмадла нешличи хъуракариуб.

Илди гъунчибад башухѿели, хабурта бугъули ихтилатбикѿутири.

Пирдав Гѿяхѿмадла нешлизи уреси-урехи агарли, сунела гѿямрула хъунул адам сарливан уркѿи гъаргбариб.

– Бархъли бурасли, рузи, шел дус гъалар иш шилизирад набчи сунела уршилис рурси ураркъес раѿибсири. Рурси-дурхѿя шагъарлизиб цугбикили дига дихъибти дииши. Нунира дила муруйра нушала рурси дура шилизи аррукъяхъес хѿейгули, нушала шаннис редес къасбарира. Илди, дурхѿяла шайзибад бакѿибти нушани дугѿеира. Илала гѿергъи ишдуги шери аррукес хѿядуррарибси рурси ретахъила шел дус диркули сари, амма ил дегъ-гъай агарли ретахъиб.

Рахли ил дурхѿяли дила рурси лерси мер хѿебалал или, уркѿи паргъатби-ахъес раѿибсира.

– Чум дус дикили ретахъила?

– Шел дус ардякъун, сегъуналра хабар агара.

Гѿяхѿмадла неш шаѿкриѿиб, амма илини гъар секѿал сунези чедаахъесван, Пирдав тавхайзи рархъили, сунени беркесил бирусила гѿердариб.

Рахли тавхайзи ретухъунси Пирдав уталичи кариили столличи рямкализи буѿили жагали баршибси суррат хѿясиббариб.

Вяхѿ! Иш дила рурси Жувайрат сари, хѿебиалли ишала мякълавси ишала мурул сай. Иш дудешли авѿибси илдада урши сай. Хѿебиалли, иш ну гѿяхѿял рарибси тѿп ит набчи дила Жувайратлис сукни раѿибси ил уршила неш сари.

Ну абдал калира, иш риалли сунени ну рагъурлихъалли, хІерагъурсила гІердарили, дила хІурматбарес арархили сари.

Пирдавли столичибси сурат касили, нургъби датаиб. Черрерхи набчирад, ахъбуцили рурсила сурат байбируси замана беркесири сарира ГІяхІмадла неш хъули арацІиб.

– Се бетаурлив, рузи?

– Иш суратлизирси дила ретахъибси рурсиличи мешуризурили, уркІи кІантІибиубли, биса дурадикиб.

– ХІед гъанбиркурал ил тят дила уршили нуни хІебалуси, чехІебаибси шилизи, ну хІушачи сукни рархъибси рурси сари. Уршили авцибси илдала урши сай. Набра дигула ил дукла уцес. Амма хІушала рурси, хІушала баркъудиличир черхІерурхули лерай, иша чарбухъахъес рирули ахІенра.

– Балулра, хІуша сукни дакІибхІели нушани вайси барилра. ХІу нушачирад черхІерурхнира балулра. Рурсила адресалра хІелугадал или пикри саби.

– Гъанна кІелра цаличи ца разити илдала урга гъими-шаха какъес пикри хІебиэс?

– АхІен, дила рузи. ХІябра разириубра суратлизир риалра цаличи ца разили кадуцибти дяхІ чедаибхІели. Илдала ургав уршира чеваэс бикибхІели.

– ХІед нуни адрес лугас, Жувайратли ихтияр гили кагъар чарбухъунхІели. Сецад гІяйибта рирули риадра, дила уршила хъунуйзи бедибси гъай къяна барес рирхІерирус. ХІела някълизибси сурат буха, муруйзира чебаахъа. ХІед рурси гъанрикалли, хІеррикІен. ХІуни багъи, хІуни арикъурлихъалли, ил бусягІят дила рурси сари.

– ГІелабил бархІи, сунела уркІи паргъатбарибси Пирдав суратра касили, хъули чаррухъун.

– ГІяхІмадла нешли Жувайратличи кагъар бархъиб.

– ГІяхІмадла нешли бархъибси кагъар, каснили разириубси Жувайратли илмадан нешличи кагъар бархъиб. Ца чумал баз дикибхІели, Жувайратла нешла черрерхнила кагъар касибхІели, ГІяхІмад, кулпетличил нешличи вакІили, илавад Жувайратла неш-дудешличи, ГІяхІмадла нешла тилади хІясибли, виштІасира укили, шилизи гъаббакІиб.



МяхІяммад ХІямидовлис - 90 дус

Дагъиста халкъла поэт
МяхІяммад ХІЯМИДОВ



ХІЯБАЛ ГАНЗ

ХІуни чум ганз кацІадра
Иш шалал дунъялизир,
Илди хІябалцун сари
Адамла гІямрулизир.

Цаибил – дурхІядешла,
Дунъя хІуни гьаргбирул,
ХІу агадри, Дунъяра
Аги или гьанарул.

КІиибил ганз – жагъдешла,
Дунъяла тІягІям айсул,
Дусми аркъути диъни
Пикрилизи кахІейсул.

ХІябъибил – ухънадешла,
Дунъяла мягІни балул,
Я паргъатли я дардли
Ахъиб гъуни хІербирул.

БЕЛЧІЕН, ГЪАРИ, НАБ ДАЛАЙ

БелчІен, гъари, наб далай
Дубурти зайдухъесли,
Чархла азирра биркІан
Разили зимдухъесли.

БелчІен, гъари, наб далай
Вайбаркълис вайти гъубзнас,
УркІбази умут хесли
Марти дигайла бегІтас.

БелчІен, гъари, наб далай
Дунъялизи аргъахъес,
БилтІикІайчирти тІулби
Дуразличи духахъес.

БелчІен, сен лехІкахъилри,
Рамсурлилра ахІенрив?

Султанат Къурбановас

Рамсес ихтияр агу –
Дунъя сабну бамсурли.

Бамсурли саби инса
Абдал баркъудлумачил,
Далуйгачир имцІали
Биса-яс дирниличил.

БелчІен баягъи далай
Хала бегІта батурси,
УркІби дисули делра
ХІулби дукаркІахъули.

БелчІен, лебилра Дунъя
Ца кІухли кІухбухъесли,
Дарган далайла цІакъла
МягІни-мурад дагъесли.

ГІЯМРУЛА ТАЛИХІ САБИ...

Гіямрула талихі саби,
Хіугьуна унра риьни.
Гьар хіу чераибхІели,
УркІи саб пархбулхьули.

ГіянручІ нушани цугли
Дарх улкьайти ибхьулра,
Ціуэрличил саламти
Цалис цали дурхьулра.

ТіяхІрухьи карирьудра
Хіу улкьала дубличи.

Архид игІяйла тіулби
Ціудара чуриличи...

Гьар хіу чераибхІели,
Чераркьян анидукьлуми.
УркІи ціумбикІаллира,
Пишсадирхьур кІунтІуби.

Марлира, талихі саби
Хіугьуна унра риьни.
ЦархІилти нугьунтала
Сабира ил хіугьунти?

ХІЕЧИ ВАЭС ДУЦІЛИРА

Хіечи ваэс дуцІлира
Музурби кьадурбикад,
Капарай диркьурбикад,
Тегенекла вацІакад.

Палтар бутІнадарили
Сар занзбани, дугІбани.
Дабрила лутІми агу –
Кьябдарили кьаркьуба.

ДуцІлира, някьла гьакІли
Мусисирт гьариули,
ДуцІлира зубартази
Гьуни гІеббурахьули.

БецІла дякькад дуцІлира,
Хан гьуни уббатурли,
Дуги-хІери агартил
Я лертил хьумкартурли.

ДуцІлира бурямлизи
Гьала кьужвирахьули.
МакьлатІисливан хІела
Дигайли витІикІули.

ДуцІлира, заманара
Гьунира гьараили.
УьхІевьус хіу лерихІи
Ишдуги хІеваили!

ДАРГИРА ДИГАЙ ХІЕЗИР

УрхІагар дигай даргес
Даим хьуликІусири,
Дуньяла гІямзи-кьямзи
ВерхІналра умцІуртири.

Ахирра илди нуни
Ца хІезирцун даргира.
Игьбар! Набчицун хІерли!
Уррухьунри ил хІура.

Гіямрулизир чумилра
ХатІа нуни дарира,

ХІела гьала урузли
Чуйнара чарухьунра.

Аммаки гьачамалра
Рамкьурли хІерхІеири,
УркІилис децІагесли
Набзи гьай хІебурири.

Ну хІечи кибси дякьлис
Азир балга дарилра.
Хіу наб кьадаррарибси
Кьисматлисцун улгулра.

Чина хѐризаасира,
Хѐу сарри авлавчарли.
Чизи гъайасра, хѐла
Тѐама саб гъанарули.

Аркъулра ургубакад,
Вавни сар пишдирхъули,
Илдани хѐла хѐулби
Сари гъандиркахъули.

Анхълизир булбулти сар
Урхѐагар далуйтазир,

Хѐла у зайбикѐулри
Илдада гъариллизиб.

Хѐу сарри абалтуси
Дила гъарил гъигълизир.
Ванзакадли кайцѐуси
Дила гъарил ганзлизир!

Хъулри – урхѐагар дигаѐ
Даргес наб гѐямрулизир.
Аллагъла икъайчирли
Даргира илди хѐезир.

ВАРИ, ГЪАНИРКАХЪАБА

Атхѐеб хѐу ургубакад
Хѐулкѐули аркъухѐели,
Вавни адердес някъби
Хѐуни гъадатурхѐели,
Вари, гъаниркахъаба!

Дуцѐрумла буцѐар бархѐи
Цѐуэрли ряхъибхѐели,
Милигли гѐинизличи
Ряхѐудирикибхѐели,
Вари, гъаниркахъаба!

Гѐебшни вантѐдухъунхѐели,
Цунни кариибхѐели,

Гъинчѐличил юлдашуни
Шадиб гъаббакѐибхѐели,
Вари, гъаникахъаба!

Ургабил чиллализиб
Дунъя кѐилкѐмазибхѐели,
Музала гѐелабад бецѐ
Гушли авбикѐухѐели,
Вари, гъаникахъаба!

Русес карилхъухѐели
Дучѐен дила назмурти,
Илдазир дургид хѐуни
Дурес ну бекѐхѐейубти –
Хѐед ну гъаникахъести!

ТАЛИХѐ

Талихѐ! Ил дила лебсил
Агарсил хѐебалулра.
Гехѐцѐали дус илигѐив
Тѐашагарли умцѐулра.

Ил баргес гъазализив
Ну чина хѐеваирав?!
Калунра къяѐйцѐкаѐкѐули
Верхѐдехѐ урхънала гѐелав.

Урхѐагар гѐянтѐикѐлаби
Баари чебаира,

Гъайгъай, камти ахѐенри
Къугъати мер-мусара.

Амма чехѐебаира
Талихѐла къаралдилра.
Цагъуна пикри сабри
Уркѐилара дилара.

Гъанбикиб: ил бургисра
Юлдашунала ургаб,
Шадлихъла авидлизиб
Зайбикѐул дурхъал «Дерхъаб!»

Амма чягъирли дила
БекI абдал-мехIурбири.
ТалихIла дяхIцIиалра
Набчи гъамра хIебири.

Даршна тиладибарра
Нуни мусни-зубрази:
– Игъбарла талихI набра
Лебсил бурая набзи.

Амма наб жавабалра
Илдани чархIебатур.
Дила тилади-бусрав,
Някъ гъакIбарили, датур.

Къанни биалра, нуни
Ахирра багъурлира:
ВегIли сархес гIягIнил саб
ЦархIилтиван талихIра.

ТIАШЛИ ВЕРЭС

Дила анхъла галгуби,
ХIуша сарри наб дурхIни.
Нуни дакIахъибтира,
Суркра хIяршра дирули.

Даим къуллукъ бирира,
Милги-гуш хIейахъубли,
Наб къияйхIели, вирус
ХIушачи хъарихъули.

Цайналра хIебарира
ХIушани наб ламартдеш.
ХIушазиб бугагара
Инсайзибгъуна къясдеш.

Лугула хIушани наб
Сахаватли жагадеш.
Гъар дус сабухъ лугула,
Бугагара къиркъирдеш.

ХIебалула баркалла
ХIушаб севан буришал.
ГIягIнити ва лайикъти
Гъайра даргес вирусал.

Дигула гъар секIайзив
Мешуикес хIушачи.
ХIушаван тIашли верес
ГIямрула ахирличив.

ТАШКЕНТЛА БАЗАР

Къужра-хъячIра икIули,
Аркъула ну базаркад,
ГIяржакъ чехIебаира
Чинабалра ишабцад.
Аркъула ну базаркад.

Цали сай тIутIила чубк
Наб гъаласабурцули,
– ХIу акIубла ишгъуна
Чебаирив? – викIули.
Наб гъаласабурцули.

Итилли кигъала бекI
Сай наб бахъ гапбирули.
– Ишгъуна хIебургидра
Базарличиб гIур хIуни.
Сай наб бахъ гапикIули.

ИтатIибван пулав саб
УрхIагарси тIемличил.
Мирхъи сар ласдикIули
Варъала хъабаличир.
Дарсур къалмакъарлизир.

Чишликла тIемли саби
Гъава гарчкабатурли.
СунечибяхI гъарилла
УркIи гъуцIбикIахъули.
Гъава гарчкабатурли.

Пачниван сари ишар
Харбузунни, пастIунти,
Заклизи адиутин
Сар илдала дубурти.
Ишди чили дучибтив?

Гьар се-секІал лер ишар
ТабигІятли лугути.
Инсанна садерхурти
Някъбани дашахьути.
ТабигІятли лугути.

Хапли тІама иргьулра:
– Даширая хьярхь-хьярхьли
Пигьлуми ахьдурцехІе,
ЛебІдатурли чягьирли.
Даширая хьярхь-хьярхьли!

Чи аркъяна чягьирла
Пигьала къуртІхеили?
Иш эркин дуньялизиб

УркІи шадхебарили.
Пигьала къуртІхеили!

Чягьирлизир рурхІули
Сар берхІила нурани,
Атхебла вава-къарла
УрхІагарти рангани,
ВацІа-хІярла тІемани.

ГІянтІикІала кІунтІуби
Чедиулра илдазир.
Балулраяв сегьунти
Гьанбиклумирил набзир
Ил дурхьал сягІятлизир?

АДАМЛА УРКІИ

Нуни хІебураслира,
ХІушанира балулра:
УркІи саби чархлизиб
ВеГІ-бекІра хьубзарара.

УркІилис бигхІейгалли,
Селра барес хІейрудра.
Тилади ва бусравти –
ДугІла сари авара.

УркІи арцес гьуцІбулхьан,
ГІур хІезиб гьав пархбулхьан.
Гьава кІухбикІахьули,
Ахьли далай зайбулхьан.

Нагагь уркІи гІясили,
ГьимбукІили биалли,
МалхІямти, бизити гьай
ДурхІедуру лезмили.

Дуньяла гІяхІти-вайти –
Лерил сар уркІилизир.
Нушала гьарил ганзла
Ихтиярра – илизиб.

Разидеш ва сакІубдеш,
ГІягІнити гІямрулизир,
Я Аллагь, каммадиаб
Адамла уркІилизир!

АГУ ДИЛА ГІЯЙИБТИ

Се-дигара чебаэс
Чебуркъиб гІямрулизиб.
УркІи гьачам – хІинцІлизиб,
Гьачам бири – цІумлизиб.

Юлдашунала ургав
Вирира авидлизив.
ХІунтІенцІарли пигьала
РурхІаб дила някъбазиб.

Наб берцуди бургира
ГІянтІикІала хІулбазиб.

УркІила гьавли далай
Зайбулхьахьи заклизиб.

Гьайгьай, вирира нура
Къардухьи герилзули,
Аммаки даргькалзира,
Харчизурли айзурли.

Ахьира дила гьуни
Нуни вируси къяйда.
Къянабархебарира
Цалра барибси вягІа.

Гъариллис гЯмалагар
СагЯт сабаибХели,
Дилара ихтияр леб
ВикЕс урузХекУли:

– ГЯмру, хЕчи агара
Дила нягІна, гЯйибти.
ХУни мяштІхЕдарири
Нуни сархес вирути.

ХЪЯБ ДУЦИЛИ БАЙДАРЕС

Гурра рикУлри набзи,
Нургъбани чяХрикУли:
– Ну лерни яра агни
ХЕд саб хабарагарли.

Хурхъани хІана бурги
ХЕд сар гЯшкадурцули,
ХъанЦІ заклизир зубарти
ХЕд сар хІязтадиркьюли.

– Ягъари, хЕд се барес
Вируса ну пакъирли?
ХУкУн сунна дукайу
Руцилригу Аллагъли.

Поэтуни абзли саб
ХЕд назмурти лукУли,
Далайчиби саби хЕд
Шадли далайбикУли.

Лебилра шалал дунъя
Саби хЕд кьуллукъличиб,
УргХергар гГур хІугъуна
Иш ванзала къакъличив.

Абзурли мусни-зубри
Сари хЕд кьуллукъличир.
Се чебатес вируса
Ну пакъирли илдачи?!

Савли берХила нур сар
ХЕд рурХули, дулхъули,
Арцантани далуйти
Сар хЕд пешкешдирули.

Сунес дигуси бирес
Ахъри саби Аллагъла.
Багъигу, бугагара
Илгъуна гъунар дила.

Диркъурбала вавнани
ХЕд саб икрамбирули,
Шараб шинна гІинзурба
Сар макъамти дирхъули.

Нуни вирусра хЕла
Хъяб дуцили байдарес.
Иличиб гІяхІси савгъат
ХЕд агни ункъли балас!



Хабурти

Ибрагъим
ИБРАГИМОВ



«ХІУНИ КАДУШИРИ ИЛДИ...»

Ну веџал дус сайри виубси, дудешли сагаси юрт тІашбатес пикрибариб-хІели. Ил хІяжатдеш акІубсира нушала хъалибарг халакабаибхІели. Хала дудешла аслу-минала юртлизир, бикІар, кІел хъали нушаб букъурли даибти сари, амма ила верхІел урши-рурсира неш-дудешра мерлабиџс гъамадли ахІенри. Нуни чуйна-чуйнара иргъутири нешла зигаръала: «АсухІебираргу ишкъяйда паргъаткадиџс? Сен пикрихІелхъулри, дурхІни халакабаили саби, ца хъулир – нуша, ца хъулиб – илди. Замана саби гъанна халкъсун хІердиџс. Хъар шила дублаб черикІла мер леб юртлис чебаахъили. Азгъинмайруд, хІела жайчира, нушачил цуг-цугли ванза бедибта хъулри тІашдатурли сари...»

«Нура иличила пикриикІулра, – викІулри дудеш, – наб юрт хІейгули рикІулрив? Валлагъ, бархІи-дуги хІедуркІира иш хІябван къакъаси, лас-чархъес агарси гІевдухълизир. Сепайда, юрт тІашбатес гъунчиб иникъ баресгъуна ахІен. Дахъал харжани хІяжатли сари. ЛехІризи: камли ахІи шуџІалицад машина къаркъала, машина уркълала, машина духъбала, унза-улкъай, хъалчлис мегъ, шиферти, лугІагарти дибгІян-хъяшкІун гъанра дуршули ахІенра. ЯхІбара ца гъатІи дус, ялчнад арукъясли, арц детаџсу викІулра. ГІур тІашбалтехІе юртра. Илгъуна хІядурдеш агарли юрт бехІбуцни мехІурдеш саби, шантас дукелџи бетарар...»

Бархъси биалра хІебиалра, бурули бирар, гъарил хІянчила къияндеш бехІ-бихъес гъалаб бирар или. БехІкабихъирив – хІянчила ахирра бирар.

ГІебшнила бурхІназир ахирра дудешли хІянчи дехІдуциб. Янилизир дудешра нура къаркъа адилтІес дашутири. ГІур хъалибарглизив кумекбареси къапІа бихан угаги. Набчиб халати кІел рузи сабри, биштІати я бузес халаси ахъри агарану, биргІур или бархІебики. Ит дус къалли янира къаркъси ахІенри. Селрацад ванза хІябяргІиб: къаркъа гъамадли адитІес вирулри. ВиштІали виънили дудешлис дила халаси-декІар кумек хІебири, пегълачилагъуна хІянчи сабри; дудешли газаличилра гъаликІличилра дурабикахъибси къаркъа нуни бекІализи арбихусири, рах-рахли къелхІели гІянжира умудираси.

Гъайла къантІа, атхІеблис юртлис даари къаркъа, духъби, уркъли ва цархІилти далга лерри. Далга хІядурли диалли, се саби юрт тІашбатес? Дуде-

шли шилизиб бурибти лацла, кьис–кьутІла, мегъла устни баргиб. Музабухъун тухум-тянишра, ва цугли ца базла бухІнаб кІидерхІла юрт балкъаахъур. Калунти хІянчи юртла духнарти сарри. Илди дудешли дарести сарри, сенахІенну, гІяхІси уста хІейалра, илала гъарил устадешличи къячбилкуси кам-камси пагъ лебри: лацла усталиван жагали хІелушалра, бархъли лац белшес бали; кьис-кьутІла усталиван унза-улкъай дарес хІебалалра, уркълачил чІябар яра бурх кІапІдарес бали, мегъла усталиван хълч мегъли кабуцес хІебалалра, мегъла къякъра лухІцІира дузахъес бали.

БехІбихъира нушани сагаси гъаза. ХІеб шалгІердухъайчи юрт балкъаахъес къаслизирри. ГІур къалли калунси гечла хинкІ сабри. Дурсри тамандиубхІели, вархъли дудешла кьутІ-вякъ чедихуси шила дубла дуцІулхъира. Набра дарести лерри: дудешли чебаахъибси уркьули бихира, дехъла дуб чеббирхъира, гІябул кабирхъира, керхІла шявхъбикІахъира. Гъалар хІедарибти хІянчи тамашадилзулри.

Дудеш тамашала тІабиГІятла адам вири, дебали хабурти дигуси, дахълал насихІятунни далуси, уркІигъаргси. Сунела хІянчира бирули, набчил халаси адамличилван ихтилатра викІи. Аммаки ил сунела гъайличи кайзурси, чІумаси вири, дахълал ихтилатунни хІедири хъалибаргличилра. Ит яра иш секІал бара ибни баибсири, сенахІенну дудешла хъарбаркъличирад нуша дурхІини ахІенну, нешра черрухъес хІерири.

ЦацахІели хабарра агарли нуша разидирира: тукейзирад сагати палтар, савгъатуни, берклуми дихи. Сенрил илини наб велосипедра асиб. Илала гІергъи дудеш къяркъси виублихъар, наб дебали дигахъаси. Бири манзил ил лебил дунгъа буэс дигухІеливан вамкъурсира. Ца анцІбукълис гІергъи дудешличила дила пикри цагІяхІил барсера кабиуб. ИтхІели ну бугъаличил дуки вархъира. ХІери гІергъи. Белкъахъес. Нуцун ургубалав, шаkra хІейкили, ускаири. Чевиргъулра – дудеш хъуцІарлизи къужикІули, цІудар-цІябиубли вявикІули. Бугъа бетакъилри. КъяйцІдухъунра, муза-къада умцІурра, гъеч чинабалра аги. ИлхІели дудешли гъярцІа мурчІличил дила къяшмази дяхъиб, кавшили лайвикІури или урухварира. ЧардухъунхІели, саби-сабил хъули бакІили, бугъа азбарлаб лебри. ИлхІейчивад ну дудешлизивад урухкІули вираси, сецад малхІямли хабурта угъулихъар, рахли се-биалра сабабра баргили, гІурра дирхъу или гъанбирки...

Нушала сагаси юрт шилизибад декІарли чебиулри. Ил жагаси мерличиб сабри, хъатван диркъси, берхІи гъаббакІили гІелабикайчи хІилнабиркъуси санила. Юртличибад бехІбихъили ахъти дубуртачи бикайчи лугІянси авлахъри. Ил колхозла сагари, къараулта сахъли хІербируси, дерхъили мура дашуси. ХІебла замана сага дахълал ранганар къалтинван бири, шиниша лутІиличи жура-журала някъиш делкІунси. Къарла ва дахълал вавнала зярхІси тІем, гъаваличил бархбикили, нуша дузуси юртла бухІна абицІи, къянкъубази гилдибулхъи. Нуни улкъайти гъаргдираси: илхІели хІебла тІемлизи арцантала ва дегІла дибгІяти жан цІицІимкалала агурби гъудуркадири.

Ца бархІи дакІудиуб дубуртази хІеб диханти мирхъира цІуба чатІнира. Арцантазибад ил наб бегІлара адамтачи дирхалабирхъусигъуна кабилзан. Сен викІалли, илини бирар адамтала юртлизиб бегІлара чебиуси мерлаб пукъа лушуси. Лагъни, чякни, къянби, вякълякъиби... – илди инсантазирад дигІянни хІердиэс къайгъилизир дирар. ЧатІа биалли, урехиагарли урцули, хъулибра гъаргалабра сакІубли бирар. Иличи дурхІнани чябхъинтира камли диру.

Рахли чи-биалра пинцлукъли чатлаци хІяннут бяхІчаалли, бусягІят иличи халати чебулхъан: «ЦаххІебилзулив хІед чатла кабушес? Ил дурхъаси арцан саби. Язихъдара илала ца дуслa гямру...»

Нушала хІянчи башулри, дудешли юртла бурх дукІути уркълачил клапІ-бирулри. Уркъли декІти ахІенри, илбагъандан авалра музурбази ца-ца гІябул атІахъайчи, нуни ил бурхличичи гІинибирира. Наб кумеклис дудешли удурц бикІуси тІерхъара барибгу, иличила хъумартурли някъби дамсурхІели, нуни бекІ убирхъира. Ил агилизив дудеш къутІикІес вехІихъалри, мехІелизи къякъли вирхъули ургар или гъанбирки. Нуни иргъни хІясибли, юртлизиб ил гІергъисигъуна хІянчи сабри, сенкІун лацла бяхІяни цІубдарни ахІенси царил селрацад бареси кали ахІенри. Халкълизиб къалли бурули бирар, хъалицІала хІянчи адам итил дунъяличичи ваайчи таманхІедирар или...

БегІла хІянчи демжурхІели, хапли дудешли къякъ тІашаиб, гІябул буцибти клел тІуйчил итил хъулибяхІ лишанбариб.

– Чебиулрив чатла вичІирбикІули? Пукъа белшес хъулбухъи хІебиалли?

Нуша, хІянчира тІашаили, гІела хъули адацІира. Дудеш вархъли викІулри. Нуша чедаибмад, дай хъулибси зехниличичибад чатла арцур, гъаргси улкъайлабад дура арбякъун. Зехниличиб нег дархси камсигъуна гІянжила башни лебри.

– ХІерагу, хІера, – тамашайуб дудеш, – ил хІязлис нушачи бакІили ахІен. БехІбихъили саби сунела хІянчи.

– ГІяхІна биубли къалли, дудеш? – хІулукІира ну.

Дила разидеш ишгъунари. Нуни гъаларра чедаира чатІнала пукъни, царилтала юртаназир думхІути, вичІиркадикІути чатІнала дурхІнира. Нушала юртлизи гъаб-уб чатла хъурабубси ахІенри. ХІятта хала нешли бурибси айтура гъанбикиб. Ил рикІи, чатІали гІяхІси адамла юртлизи бирар пукъа лушуси, илаб бирар илини сунела наслу абилкъусира. ГІур пикриухъунра: «Нуша вайтирав гъатІи? Дила дудеш гІяхІси ахІену? Нунира цалра арцан кабушибси ахІен, янила замана илдас бергесири бихули вирус. Унра ГІяхІмадхъала гъаргалар клел пукъа лер. Илини гъачам лагъара кабушибсири...»

Дудеш хъуливад дуравхъун. Цуг-цугли улкъайларад цалис гІергъи ца клел чатла дурадикиб, зехниличичи гугдиб, чятра бази, хъярхъли гъардухъун. Рахли дила къакъла гІелабад зехниличибяхІ тІерхъа лагбизур – арцантани бехІбихъибси пукъа чІябарличичи кабикиб. УркІухъи ласяхъира. ТІерхъара сайра дудеш. Пикрумазиб ил вайси баркъуди биъни лямцІван багъарбирулри ва бетихъулри.

– ХІу тамашаирулрив? – пишяхъиб дудеш. – ХІу викІули ургуд, дудешла се абдал баркъуди саби или? Халаси адамли арцантала къиян букъбуун къалли?

Илини тІерхъа хъа гІямзила лагбатур ва паргъатли иб:

– Юх, урши, наб дигули ахІенри пукъа букъбуэс. ГІур се биру? Пукъа белши гІергъи чатла гъабяхъес гъамадли бирив?

– Сен ил гъабирхъуси? Нушала хъулиб-декІар чатІали пукъа белшес асухІебирусив?

Дудеш дукаряхІиб.

– АсухІебирули викІуси агара. Гъала-гъала пикриухъен, нушаникІун юрт балкъарахъулра, дигаллира хІейгаллира икІ зехнира уркълачил клапІбируси саби. ГІур се бири хІела чатІнани? Пукъара белши, гидгурира даркъили, дурхІнира сайтІи гІергъи, илди агардарес гъамадлирив?

Дудеш вархълири. Юрт балкъаахъес нуша лерилра цакъяйда къайгІилизир сарри, нешличилакІун гъайра агара. Нушабра гъарзати ва шалати мер-муса

хІяжатлири, гечдиэс къалабалири. Биалра, дудешла баркъуди хІейгизур: илини чатІнала къиян мяштІхІебариб. Нушаниван тІашбалтулригу илданира чула пукъа. Илдас-декІар гъамадлив? Белики, чатІнанира нушаниван ил мер бегІла гІяхІси саблин чеббикІили биэс?

Се гІяхІдеша пикрумазибад или, къутІикІес вехІихъибси дудешличи чарухъес хІядурли левли, хъулир сагали чатІни дагъардиуб. МухІлубазир чятра хили, баягъи ил зехниличи кадииб. Ита-иша бургира жургъдирули, ахъли вичІирдухъун. Илдала дачадархибдеш, децІ-шишимъала чедаэслири. Арцанти далайдикІухІелира децІдикІухІелира цакъяйда хІедучІар. Ил секІал лехІизурсини гъамадли бала. Дила уркІи гъуцІлири, дардли бицІилри, чІянкІли пяхъиртас набзибад кумек аги.

Дудешли гІябли кадерхурли сари или ахъли жииб. Ну хъарбаркъ таманбарес хъярхъикира.

Даимбиуб хІянчи. Дудешла гъав барсхІебиуб. ГъатІира дахъад масхурти ва хабурти дурулри, чебетаахъили сунела хІянчира бирулри. Урга-ургади набчи шурирхъулри ва, дила дяхІличиб селрацад барсдеш чехІебиули вишину, къутІикІес даимирулри.

Сен биалра наб гъар секІал дарсдиубтиванри: я дудешла хабуртала, я бируси хІянчила, я улкъайлабад чебихуси хІебла бизиси тІемла тІягІям аги. ГІябли дулкІесдяхІиб, чуйнарил чІябарличи къякъ кабикиб. Дудешла хІянчира сенрил тІягІямагарсиван кабизур: уркъли царугли ахІенри, халати къячІани кавлулри, чухълуми детаурти мерани чедиулри. ХІейгизур юрт къалабали балкъаахъес ибси къасра. Селис гІягІнили илцад къақайкІес? Гъанна бикайчи хала дудешла юртлизир хІердиубти, камсиван гІурра дуэс дирехІери. ЧехІейиду, тІашбизагарли къутІ-вякъикІули, чина-биалра къанирухІеливан, чилалра авараагарли. Сунела мурад бетерхалли, царилтачила пикруми хІедургар илизир.

ГІергъила бархІи дубра датурли, нуша савли дузес дакІира. АлхІят бархІи сабри, дурсери агарси. Таманбарес калунси арцанти хъурадиубси хъалила бурх сабри. ХІерейс хурегра сарра нешра ляркъусири. Илинира нушаб кумекбарес, чІябурти ширли дакес чесибсири.

Дудеш гІяхІси гъавлизиври: хІум-къумра дяхъили, далгара дарх касили, ил хъули ацІиб. ГІелавад – къяшли къяш бирхъули – нура. ХІулби сари-сарил зехниличи дархъдизур. УркІухъунра: илаб байхъу белшунси пукъа лебри. Пяхъир арцанта сегъуна къиян кабихъили дуилл? Дугелира дузули калигу! Дудешра бурхани вякъизур, цегъ-цегъра дяхъили, бекІ гъакІбариб.

– Байтарманти! Сагали белши саби. Агъ, мехІурти! ХІейрар нахІа илди гъадяхъес.

Дудешли даг гІямзила лагбатурси тІерхъа касиб ва пукъаличибхІа ахъбуциб. Ну илала гъабатурси някъличи хапикунра. Тиладиухъунра:

– Батигу, дудеш, халаси зарал хІебируну. Наб цІакъли дигулра нушала хъулибра чатІали цалра пукъа белши...

– Се сари хІуни дурути? Сегъуна зарал сабил хІебалулрив, нушала хІянчи тІашкайу. ХІези даг аргъахъирагу, ца базлис хІянчи бархъбатес чевкъар. Цала манзил часабиули саби, жагІял–царахІел муралли удес бехІбирхъур.

Ну хІулби абхъили къяпІдаресра валкъхІеурли левай, зехниличиб гІянжила шинкІаси дамкъа сабри калунси.

Дудешли улкъайти къяпІдарибгу, гъачамлис шишни кахІедатурли диънили, чатІни хъулир дакІудиуб ва тІама-гъамаличил садемцІур.

ПягГямагарли хІянчилизи ахъира, Дудеш вамкъурлири. Сунес халаси зарал барибхІеливан, цаагили пурхурикІулри. Набчиб гІяйиб агаркъи, вехІилзулри: «Уркъули бархъли буца! ЧехІебиулрив къантІли? Гъабати царил. Сукъурлирив? Рас чинаб сабил чехІебиулрив?»

Дудеш илгъуна хІяйчив сайхІели, лехІакахъни къулайси бирар, бара ибси бирули, бати ибси балтули. Эгер илизи цалра барсур дев кабихъасри, набчибяхІ я къякъ, я уркъули, я кърхІла, чини бала, гІур се цугбиркибал илала някъбазиб, урцни гІячихъсири.

ХІерейс ил бара-бара паргъатиуб. Нешли хибти нусила чуднира дерки, набгъаввашули, чедибси дерхІличи чевяхІяхъиб. Гъачамлис байхъу бурхра бекІ-биубли ахІенри. Нура гІелавадикира. ХІерикІулрагу, дудеш тІерхъара сайра дай хъулив дадкайзулри. Зехниличи вякъизурли. ГІе, илаб чатІна гІурра чула пукъа бехІбихъилри. Дудешла кабиз чебаили, пикриухъунра: «Эгъ, гІяхІдеш агара илизи сейкІулихъар. Сунес дигуси бараб. Гъачам вехІихъибу, ил тІашаэс хІейрар. Нуни бати или тиладибарасли, бекІлил хІебалта. ЛехІакахъни гІяхІси саби...»

Ил набчи шуряхъиб, гІур – пукъаличи. Някълизи цацІабарибси тІерхъа гъимиличил лайбакІиб, някъра хІяртбарили, хъулилад дуравхъун. Илкъяйда бетарниличи ну хІерли ахІенри. ХІебиалли, дудешла пикрумира цацахІели дарсдирути дуили сари.

Сунени бурили къяйда, дудешлис хІянчи дархъдатес чебуркъуб. Колхозла председателъли ил ца базлис хъарахълизи вархъиб. Илабси къулала ферма дояркаби гечбиайчи балкъаахъес гІягІнилири. Хабарагарси анцІбукъличи, гъайгъай, ну разиубра. Дурсри тамандиубхІели, гъалав къяйда нушала юртлизи вашира. Илаб набчи хъаркабарибси хІянчи аги. Хъа гІямзила кайили, секъяйда чатІни бузерилизи ахъилил хІерикІес хІяздулхъи.

«Сен илдани ил зехни чеббикІибси вара? – хъарикІира ну. – Дудешли кІина кабикахъиб биалра, ил бархъхІебатур. Лергу юртлизир гІурра духъби, зехнуби. Пукъа белшес къалли гъаргалаб гъамадли бири. Тамаша ахІену, бургар ца дигІяндеш. ХІебиалри, илкъяйда хІебири».

Гъамиубли зехни гІибкъли хІербарра, хІятта илаб дила хІулба чехІебиуси дигІяндеш лебхІеливан. Юх, гІядатла зехни сабри.

Дудеш чарухъунхІели, пукъа хІядурлири. Пукъацунрив гъатІи? Ил тамашаварес дигули, уталичи ацІира, ухъализирти духъутІа мухІлубар чІинкІлинкІуни чедаахъира. Илди цаагили дучІулри, чула нешлизи жидикІулри ва аъдирхъулри.

– Гъу, гъанна паргъати, – викІар дудеш, набчи разиагарли хІерилзули, – пукъара леб, пукъализир чІинкІлинкІунира, юрт хІебиалра хІела гІямал бирар.

– Нуни аргъира, хІябал жумягІли чатІали дурхІни дурайути сари, бикІар.

– ХІябал жумягІ хІерли кадирутирав? ХІела баркъагартани дурхІни дураайчи лехІли дуутирав? Се хабара? ХІябал жумягІли илдала дуклума лярхІякъян. Иргъулрив хІуни? Иргъулрив сецад замана хІяжатлил?

Ну лехІлири, сейкІусирил балули ахІенри, дудешли чІинкІлинкІунала пукъа буэсгу или урухкІулри.

– Юх, илдачи хІерли хІянчи тІашкаэс асухІебирар, – даимиуб дудеш. – Нушаб къадин чинилра юрт балкъхІерахъа. ХІу биалли хъяшаван арцантази вархилри. КІантІити пикрумира хІура се адамри гъари? Урши къаркъала бутІагъуна вирус сай. Хала нешла дуркъа пикруми дархъдати. Набчи хІе-

риклен, уста ветаэс къасбара, хІуникІун бархъли гІябул кабяхъес хІебалулри. Багъудили адамлис зарал хІебиру...

Ахъдирулри хъулир хяса. ГІябли алтІути духъби, гъар къякъ чейгухІели, ибхІулри. Замана–замана дила хІер пукъаличи бархъбилзулри. Гъанна кабиркур ил, гІур кабиркур или хІерлири, сенахІенну къутІ–вякъли пукъа зер-зербирулри, ва илизирад гІянжила пухІ урцулри. Пукъализи кабибси чатІара дурабухъун. Ил кахли вичІирбикІули хъулиб гъачам ца гІямзила, гъачам царил гІямзила урцулри.

«ХІурматла адамти! – бусравбикІусигъунари ил. – Батабаягу ну паргъатли. УркІецибарая дила дурхІначи. ХІушаб хІушалаван, наб дилара ахІерти сари. НуникІун хІушаб вай хІебарира. Тилади саби, аллагъ багъандан, мадулъадая дила ери–юрт. ХІушаб хъянихІели берхІи бакІахъес, янихІели хІеб дакІахъес, пашманхІели хІулдуркІахъес бамсриагарли булгес хІядурлира. Батабая, адамти, дила хъалибарг абикъахъес!»

Неш чатІала зигаръала аргъили, дурабикиб бархкъяра. Илала мухІлилаб хІунтІена миликъ лебри. Улкъайла къасиличи кабибси чатІачи арцур, сунени хибси миликъ илала мухІлилизиди къужбарибгу, бархкъяни къабулхІебариб ва чІябарличи баткаиб. ГІе, илала децІ гашила ахІенри, гашиличиб халасири.

ГІергъиси уркъули бархъли пукъа лебси зехниличиди цугбиркулри. Дудешли пикри–пикриухъи ил бархъбатур, тахра битІакІили, царил шайчибад хІянчи даимбариб. «Сен гІяхІси пикрибарибал, – разииубра нура, – пукъа лебси мер камси манзил гъаргли калаллира, дунъя булзули хІебиэсгу. Мурт-дигара ил, чумал гІябулра атІахъи, уркъуйчил кІапІбарес вирар. Белики, дахъІиагарли чатІнани чула дурхІни дураэс? Илдира мицІир жан сари. Гъар мицІир жайчи инсай уркІецибирес гІягІнибиркур».

КъутІбикІулри дудешла някъбазиб къякъ. Руржулри духъби. Бяхъянауб пукъа гІянжили тІутІубикІулри. «Цакъил устни дуили къалли илди арцанти, – викІулра ну, – бурх кар–карбикІули саби, аммаки пукъа кабиркули ахІен. ЧатІнани бургуси чярт гІядатла хІебургар, лугІмесван дигалли урцуйчи, дигалли лацличиди балсули саби. Сегъунти духути арцанти сарил? Илданира, луцри дирхъухІели адамтаниван, чяртлизи негра гъудуркадирули сари. Чини балуси, белики нушала хала бегІтани ил багъуди илдазибад гІебасибси биэс? ЧатІала гІямру сен ца дуслу дирути или, хала нешлизи дугъайзурхІели, ил рикІар, илди арцанти назикти сари. Илдас гІямру дуслу сари или къудратла вегІли кабизахъурси ахІен. Адамтира цабехІ жявли бубкІар, цабехІ къанни. Хъябхъялизи бикалли, бурямли гъабхъялли, бугІярдешличиди бяхІягалли, чатІала гІямру къябказиэс асубирар. Илбагъандан ил жяв–жявли ванати улкнази арбашар, арбукили сунес гІелабад хъалибаргра. Ил бамсрихІебалуси арцан саби. Дуги–хІерила бухІнаб, бикІар, тІашбизагарли дурхІни лерси пукъаличи беркала бихуси саби...»

Нуни гІергъисигъуна уркъули кайсулра ва дудешличиди гъабалтулра. ЛехІлира. Някъби изесдяхІили сари. Дудешли сайсули ахІен. ХІерикІулагу – ил царил шайчи вякъизурли. Ахъли чІярдикІули, кІелра чатІа чІябарличир садемцІурли сари. Зехниличиб пукъа аги. ЛайбакІили уркъулира, кабикибси пукъаличи ветухъунра. Ил тамай бехъублири. КІел чІинкІлинкІ кадикибмад дебкІилри, кІел аьдирхъули лералри. Илдира арахІедирни гІячихълири. ЧатІни къагъдиубтиван сарри, арцури дурхІначира гъамдирулри, нушазирад урухкІули, илхІяйзир гъарахъра диркулри.

Ну дудешличи ласяхъира. Ил, някъбази къякъра гъяжбарили, селра хЕ-биубхЕливан, авараагарли тАшлири. Илала хІулби иши дикІутиван кайзур: «Халаси анцІбукъ хЕбиалли? ЧатІала чІинкІлинкІуни сари дебкІибти. ГІурра камхЕдирар. Духути арцанти диалри, адамтас диргалахЕдухъеси мерлар чула пукъни луши. Чи сайри илдази ишаб пукъа белшахъес жиикІуси? Чучиб саби гІяйиб. Юргани камлирив гъатИи? Нушабра нушала юрт балкъаахъес гІягІнили саби. ДугІли децІдикІес замана агара...»

Ил манзил дудешличи вайси адамличиван бегІ гъалар гъимидухъун.

– ХІуни кадушири илди! – вьвгъуна тІама дурабикиб дила михъирлизибад.

– Се?!

– ХІуни сари илди кадушибти! – тикрарбирула.

Вамкъурси ва уркІухъунси дудеш тахличивад тІяхІкавхъун, набчи гъамиуб: хъяблизирад ца дурадикибсиван бизур.

– Къурумсакъ! Се ири?!

Пясидешра бисара дархдикили, наб алавчар дуги чебакІибхЕливан кабизур, цІяббиуб. КІинайс, ляжилизи буцІарагибхЕли, гъавухъес гІягІнили биъни уркІиличи бакІиб ва вебшира.

– ХІуни сари илди кадушибти! ХІуни сари илди кадушибти! – вьвикІулри ну.

ЧІянкІли илди дугъби ахъли дурули сайрил, ахІи гІякълулизир тикрардирурил гъанхЕбиркур. Геларад набчи уркълала чердахъибти бутІни, гІянжи, къаркъуби, далга урцулри, цадехІ бекІлизи, къакълизи, къяшмази чейгулри, цадехІ чехІегили шалгІердулхъулри. Ну вебшилри чилра ва селра чехІейули. Вебшилри ил балагъла сагаси юртличивад дила хала бегІтала ери-юрт лерихІи, дудеш мякълав агарихІи...

Ил адамтасра арцантасра паргъатси мер сабри.

БИГІУНСИ АЛХІЯТ БАРХІИ

АлхІят. Учителълиси бамсриахъахъес бедибси жумягІла бухІнаб ца бархІи. Гъарилли ил сунеласун буркІу: гумайлаб, ургубалаб, узи-уршиличиб яра телевизорла мякълаб. ЦабехІли ил бархІи дахъал дарестира пикридиругу, бархъил, цалра хЕбарили имцІаливан кавлули диалра.

Расуллара ил гъархЕли цаван шалгІеббулхъи: хъулирти дибгІян-хъяшлизиб яра сабицун декІарли хІеркабирути бегІгачи шадив гъаввакІили. Ил бархІира, дубра ватурли, дуравхъес вализурли левли, иличи, сунела урхъуван мурхъти хІулбира ванали хІердирули, хъунул Раисат гъамриуб.

– Ва дила ахІер, иш нушала лачинничи хІеръагу, нешличи аркъулрану, – илира или, илини муруйзи дай хъулибси сириличи лишанбариб.

– Дила алхІятра хІед бирулрив? – масхара буриб Расулли.

– Жан, Расул, хІеръагу, вахра вахи, ускаи сай, чеваргъалли, бара–бара гардвара, гІурра ускалан.

– Гъу, биаб хІу рикІусира, циила жявли чаррухъен.

– Аллагъличира, нешлизи хІябал гъайра дурили, ляркъяс.

Раисат, балала кІанара бекІличиб балбарили, хъулирад дурурухъун.

Расул дай хъулиб тІашси сириличи дигиличил хІеризур. Сен биалра, дигахъу къалли дудешунас гъалав-гъалав чус къапІа бихан акІубли. Марзла урши акІубхЕли, Расулла харидеш, михъирлизи кахЕбурцули, рамчбикІусири.

У бирхъухЕли, юлдашунира жибарили, халаси шадлихъ дураберкИбсири.

Бурули бирар, виштГаси нешла дуклавра сирилав гьанкИлизивра кункли халавиур или. Илдала урши гехЕл баз виуб, гьаларти гЯралагъунти кЕл цу-лара дугати хъахъриван гьардакИб. Раисатли, хала бегТала гЯдат барили, шабши дариб, уршила цулби дебати детаахъес или, унрубас дутИб. ГПур сирилабад ца бархИи «аба» ибси девра чехиб. Разириуб Раисат – хЕбиал-ли, илис кИэсил рурси алкИан. Илгъуна айту лебси саби: виштГасили бегТ гьалаб нешла у ахъалли, гЕргъиси рурси рирар, дудешла у ахъалли – урши. Агъагъай, цаибси уршили дугели ил рахъ инжитриулригу. ХИули къяпИба-рахъес хЕралти, гьанкИ бегТла муръиси замана, хЕд дигулрив хЕйгулрив хЕили, жиулхъи.

«Муйлас къалли гЯхИил саби, – пикририкИулри цацахЕли Раисат, – бекИ-личи юргъанра битГакИили, шаладикайчи хухкабикIар. ДурхИяла биса аргъ-аллира, бусягИят хъуна къяшлизи къяш къужбиру: «ХЕра, ашна, хЕла лачин жиикИули сай...»

Сенрил ил, халкъласун гьанкIахъес биркули ахЕн или, гЯрзрухъун. ИлхЕ-ли Расул дукаряхИиб ва иб: «Рахъ гЯхИли кIантИмарикИуд. Нуни дарсличиб хИябцIали дурхИя паргъатбирухЕли, ца хЕрварес хЕрирулрив?»

Газетара кЕлра някълизи буцили, Расул дивайчив вяхушъун, илмадан кецIала хИинциргъуна тIамала аргъиб. Сирилавси виштГаси хужаимла хасият балули, илини газета бархъбатур, харчизурли сири гардбирескайиб. Нагагъ илала гьанкИ бемцIалли, шантани паргъатхЕйру. Сепайда, сири гардбухъун-мад, хИинциргъала ахъти бисаличи шуркадухъун.

– Аш-ш-ш, – иб дудешли, макъам кайули.

Юх, челис-че тIама ахъбикИулри. «Чаррухъайчи усули уар, рикIар, – гьан-дикиб Расуллис хъуна гъай. – ИшалакIун усаэс пикрилра агара. Секъяйда паргъатвариша? Хъунул адамтас се саби, висивиибмад, гугбиили, михъири гъабурцу. Паргъатирар. Нешлигъуна лайла баресалра балули виасри.

Расулла гЯш-гЯшси «аш-ш» багъла-багълали низамагарси лайлаличи шур-кабухъун. ЧЯнкIли лайлара бухъна житала къургъуна сабри. Сирилавсилира бахъ жявли багъур къалли нешла ахЕнси тIама: виубцад чЯрбяхъиб. Дудешлис утухъ гьанбикиб, гЕе, гЕе, кумекчи утухъ! Лебсиригу уршила къаклаб. Илини сириличи чебушибси юргъайубад мяхIкамли някъ уршила мухIлиличи гъ-амбариб. УтIухъ кабикилри, аги ил я чЯбарличиб, я столличиб. «Байтарман, къяраирли хЕйэсгу?» – хъутур-хъутурухъи, ил чЯбарличив умцIерухъун. Къанила уди, дивайу хЕризур – баргиб кумекчи. ШайтIа лихИи гЯнцIбиаб, утIухъ къакла баибмад, биса къайдикиб. Расул паргъатли гьигъухъун.

Илини пикрибирни хИясибли, хъулир тIама-гъама диубхЕли сай урши чевиргъуси. Илбагъандан, бекИлибиубли, лехIдеш биахъес чебиркур.

Гъанна Расулла лерилра вяхатIала имцIаливан хъулкилагъунтири: бекИ гумлачив вашулри, хИяжатбикибси ваяхИ кункли бялчуси секIалван ахъбур-цулри. ГПур се биру, сирилавсикIун гьар вяхатIайчи шакиркули сай.

Някъбира бекIла уди кайхъили, Расул сагали дивайчиври. Цазамана гЕв-духълизир мегъла устнани убзализи бирхъуси къякълагъунти къутIуръала лихIбази чедихесдахИиб. «Улгас, се тIама-гъама сари ишди? – уркIухъунси илала хIулби столличи лагдизур. – ВяхИ, бара калунрагу шакхЕркули! Илцад ахъти тIикъ-тIякъ кахЕили бузес хЕбируси ца бархИи хIу агарлира гЯмал бизэсгу. Къайбики!»

Илини будильник сягІят тІашаиб.

Хъулиб уршила паргъатси гъигъла бикъулри. Бурхани вякъизурли кайхъунси Расуллис анцІбукъири. Гъайэс я вяшухъес асухІебирулри, хагІа-агаркъи туснакъварибси ясирванри. Азадли калунси хІулбала хІер сабри, сенахІенну, ил чина бархъбизалра, тІама-гъама ахъдурцули ахІенри. Ге, газета белчІес асухІебарар, викулри ил, хІейрар вяшхІебухъахъи гъаргбарес. ХІера, икІ улкъайла мякълаб тІашси телевизорра. Наб бегІла дигуси «ВатІаис къуллукъбирулра» бикІуси передача бехІбихъили бургар. Сепайда гъатІи, телевизорра бузесаэс набзиб ихтияр агара – «хужаим» чевиргъур. ХІябилра гІяхІил биши нура ускаасри, савли гъанкІ чинаб бируси? Валлагърагу, ца бархІилис иш гІяламат чекасесичиб, лерил гІямрулис учительла санигІят дигахъира, мах-махли хІеркІла къаркъуба вихес дигахъира.

Хъулир зявъала адердиб. Чинабад бакІес бажардибикисирил, улкъайлаб цацун мирхъи дакІубиуб. Ил, дяръили шишнира дучІахъули, сабемцІурлири. Расуллис къалли мирхъила зявъалара самолетла гуръайчир ахътин дизур.

– ХІу сабри камси, тІутІули буъ! – иб гІясили илини, улкъайличи гъамирули.

Аммаки мирхъи дигІяй гъадатурти тІулбазибад гъамадли гъаббулхъулри, арцурли улкъайла цархІил шишаличи кабирулри. Илис гІелавадкайкибси Расулла къяш, хабарра агарли, утализи бархиб, хямкасахъили, ута чІябарличи кабикиб.

Сирилабад цІиркІси чІяр дурабикиб. Расул къалабали сириличи ветухъун, абхъибси улкъайлабад саби сабил мирхъиара дура арцур.

БехІбихъиб дудешла ца гІурра лайла, уршила мухІлилабад кабикес хІядурси утІухъ балбариб. Лацла бяхІличибад касили, чугурра балли бяхъиб. Юх, илдазибад цалра къабулхІебариб виштІаси пинцІукъли. Сабурлизивад ухъунси Расулли вявбяхъиб. Биса гъатІира цІакъдиуб.

– Валлагърагу, кІиэсил ахІекІуб ургар ишгъуна гІяламат! – пурхурухъи, Расулли сириличибад юргъан ахъбуциб. УркІухъун. Уршили балуй някъ хІябалиубад азадатурлири ва мухІилизисси утІухъ дурасес авараливиркъулри. ВяхІличи шала чегибмад, ил лехІизур, нургъбазир къгІунти хъарагъунти хІулби, тѳп гъалав чехІеибси урхІла адамличиван, васвасли хІердариб. Илгъуна ниъла никІабикІун умутличил хІербикІути нешличицун бирар. Расулли сирила хІяба хІярхІбатур. ГІибкъизурли уршили алгъай бачІира бекІличибяхІ зузбариб, «гІугу-гу-гу» или харили вичІиркавхъун. Дудешла гъимукІнира, хІебла дяхІиван бацІили, бегъуб.

Илини хъулирти лерилра хІязла ваяхІ дучиб, цацали бачІнази гъадурцули, лякъирикІескайиб. Хабуртас жавабти агарли диалра, лерилра иргъусигъунари: магъигъунти кІел цула гъардакІахъили, пиширхъулри. Дудешла хІязани, хабурти, тІулбала тІинкъала, хІулбала ва дяхІла шиш-къиш гъачамичир гъачам асарагардирулри. ХІязла ваяхІ лайдикІесяхІибси уршили дуб-дубли цІумдирхъулри. ЛехІси сягІятлици хІерилзули, Расул пикриулхъулри: «Багъес биалри, сецад замана дикилил? Раисат гъамли чархІерухъесара? Дахъ-дахъал дирар къалли хъунул тайпала дурутира! Ца жумягІ чехІебаили, рурсира нешра къаршибикалли, илдала дурути табтарлизи кахІедурцар. Дила гІязабтикІун илис гъанра диркули хІедургар».

– Гьу, паргъати, – викІар ил, ургъес балкъаурхІели аргъван, уршила гъ-узгъалдивийъни чебаили. – Ца бархІи биалра дудешличира лехІизи, бисаличи башунси гъудурмай!

Илис муртрил гумаилаб бакъибси анцІбукъ гъанбекиб. Гъачам ца хъа регІли, хІурматла гІяхІял вакІибхІели, диъла чудни дарили сари ва, кІабатІ бицІили, илис гъала кадихъили сари. Ил манзил хъа регІла гІямзилавси уршира кІабатІличивяхІ хъусухъи сай.

– Уэн, гъари, сабурагар! – вьвбяхъили сари иличи нешли.

ИлхІели гІяхІял викІули сай:

– Вари, вари, хІечи азир гІяхІ дакІ, гъала-гъала дурхІя вахен. Ил сай ишав хужаим, илала амру чилилра уббяхъес вирус ахІен...

Ишра гушиубли ургар, викІули, Расулли мегъла печъличибад кашличилси ягълав касиб, къулсаличил уршила къакла бархъиб. Илмадан уршили каш илала вяхІличи пурхбариб.

– Ту, пинцІукъ, виштІасили селра хІергъу бикІар. ИшиникІун сунес дигу-тира хІейгутира хІябилра гІяхІил далули лев.

БачІнира гъакІдирули, урши вьшухъун. Някъби азаддатни, гъайгъай, илис хІебаилри, ухъара бархъбатес хъулухъири. ГІямал-дарман кадерхурси Расулли уршила къяшмачибси хІябара арзиб. Урехила секІал лебхІеливан, ухъа хІер-бариб. Агъ, аллагъ! Илабси палакатдешлакІун хабар агарсири...

Унза гъичІбухъун. Хъули Раисат арацІиб. Дубсила гажинра къукъуба-ла урга гъяжбарили, урши умувириси мурул чеили, хІякризур. ГІур хъулир кІилалра ахъти дукелцІи вьхдужъун.



Аминат ХІЯПИЗОВА



ГЕХІЕЛ ТУГЪЛА

УркІи бурес гІязиз неш,
Я гІякълу бурес дудеш
АгархІели, аргъира
Нуни гІямрула декІдеш.

ХІу цунхІелицун бирар
Къисмат къяркъсили биэс,
Гъургъашингъунти нургъба
УркІи бицили, бисес.

* * *

Хъа гъалаб рахажлизиб
Леб дила биштІал кецІа –
Ухули сар хІулбазир
Инсайчи дигила цІа.

Баткаадра чарбулхъан
Сунела улгулизи,
Азаддеш кебасибси,
«Дигила» рахажлизи.

* * *

ХІеригубси цундешли,
Игулра ну бацІдешли,
Адамла адамличи
ТІякъиулра къяркъдешли.

Бурямван цІакъдикІули
Сари кахти хабурти,

Халкъличи къацІдикІули,
ДарсдикІути къанунти...

* * *

УркІи зимбухъахъуну
Гъуни дублаб занзили,
ХІеризи, бирусину
Занзби ургабра вава...

Чиналра архІекури
ХІязлис уркІила жили,
Аркъян даимдешлизи
ГІяхІдеш барибси бархІи.

* * *

Къугъати диаллира
Къугъни хІедала вавна –
БегІлара бекІ къухІтала
УркІби сари варъала...

Мешули саб вавначи
Къяба даргала рурсби,
Илигу шурмар ВатІан
ТІембикІуси варъали...

* * *

ЦІябси хъали саб дунъя,
Чум БерхІи адалкалра, –
Агарбиалли шала
Адамтала дигила!

Хи дярґибси чарх саби
Шинишбикґуси ваґа,
Шипґдярґялли арцанти,
Агарли вичґирьала!

* * *

Вари, адам, ватмалхьад
Ургьур някълабли или,
Айгьирла къугьал уркґи
Гьачамлис гґяярлину.

Вари, гьариб, гапмайкґуд
Гарас гьаргалаб или,
Гарасличиб гґярчатґа
Унрубас бучґулину...

* * *

Юрт цґали хґебигубси
Цумхґейкґуси виалри,
Ихцад мурхьли цґумдикґив
Ваґа чґянкґличир буцґи!?

Урхґли мас хґебигґуси
Висхґейсуси виалри,

Икґцад марайли бучґив
Гегуг шурличиб гугли?!

* * *

Дуньяла давла бучес
Гьалакти гьалмагьуни,
Гьарбизаб хґушалара –
Хьулкнад хґякьули гґергьи.

Давла агни багьандан
Гьалмагьуни балтути,
Гьарбизаб хґушалара –
Баргили хґушагьунти.

* * *

Халкь гьарали лутґули,
Гьармукаби саб тухьли,
Ватґан урхґлис буртґули,
Бузути саби гушли...

Багьни сари зузитґи,
Зубрази адаили,
Мас ахґи, базуртачир
Халкьли хґяя дирцули...



**Хадижат
ХИЯБИБОВА**



ДИЛА ХІЕРЛИЗИБ БИРАР

**ГІятІрела бахчализир
ТІашлира вавни-ургар,
БухьутІа къабудан саб
ПархбикІули ну-алав.**

**Къабудан, малХІямси жан,
БухьутІ вавала чедиб,
Гугбиили ца липІлис,
Ну гъамриайчи бебшиб.**

**Нешла рухІван сабри ил –
Жагадешли бицІибси,
Буцес, тІашаэс хьулли,
Ретухьунра ну хьярхъли.**

**Гъамриубра вавачи,
Илра гъаббулхъусиван,
Нура гъавара хІебли
ЦахІнар кепдарибтинри.**

**РиштІахІеливан кункдеш
Агара гъанна набзир,
Биалра чархла декІдеш
УркІи гъалакли сабри.**

**Гъар журала къугъал ранг
Алавчарли диалра,
Дила хІерлиуб бирар
Жагадеш бухьутІ рангла.**

ХІЯЗЛИС БУИЛИ АХІЕН

**Жандатла жуже хІебла
БурхІназибал билкъуси,
УрчІемцІанну урчІемра
Изайс дарманбириси.**

**Дарманна къар хІедалцІес
Рирулрав, гъатІи, нуни?
Чис-биалра гІяхІдешлис
Дурчути сари илди.**

**БерхІили сунела ранг
Гили сари илисра,
Дила нешла бухьутІ ранг
Ухули чебиулра.**

**ИмцІати дарма къарла
Дуили ранг духьутІа,
ХІязлис буили ахІен
Бетаурси ил нешла.**

Хамис МАЛЛАЕВА



ЧАТІА

ЧатІа, салам, ишбархІи
Гьалмагъ агара дила,
Лебри, бегъуб, кахІелун
Кьаклизир умиалра.

ГІямру кьайда гІязиси
ХІилла аур гІямрулис,
УркІи кьайда мяхІкамли
ХІярхІя аур амрулис.

ДягІ ца кьайда бургъули
Ардихули кІапри-кІа,
Ца муза белгъахъули,
Бирули цалаб бекІа.

Чебиулри хІу нуни,
Ахърира чебиулра.
ХІези ишгъуна суал
ИшбархІи хъарбиулра:

ХІела цудара хІулби
Къугъати кьиргъулаван,
БуцІардеш лагъбикІути
ЦІабилкьлабси цІалаван.

Хъярхъли чула ва дила
Гъундури декІардикиб,
Набчи кьисматла хъябхъя
ХъямдикІули кадикиб.

Амма кахІерушира,
ХІял кахІеберхур дила,
ХІези пукъа барахъес
ИкІ дила бурх – удила.

ДЯГІ

Мурт пяхІли делгъахъида
Инса хІярамзададеш?
Гъачамлис дерцахъили
ГІур байрахъван ахъдуцес,

ГІямруван тІабигІятли
Муртрил гибти адамдеш?

ХІУЛБИ

Давлагаб селис вара
Гъалайути Аллагъли
Цайналис игусиван
ЦІакъси цІала балагъли?

ЦУНДЕШ

Гела хъули къямзила
Щуцриилра гушсиван,
Гялам заки арбякъи
Рархъратурли гяшсиван.

Щацабарили анда
Келра някъли буцилра,
Я уркИгъаргли гъайэс
Мякълав агара чилра.

Ге. Гелакарухъира,
Сахесира хЯкимдеш,

Давла? Никализилра
Бирусив нуни лебдеш!

Халкъ чина хЕрбикІути,
Тамара гЕбхЕлгъули?
ХЕранала хІярхІуби
УркИлизи иргъули.

Кягесван, регъахъесван
ГЕбшни – забли кІапІиван,
Сен цайсирара гЯлам
Арцурли калунсиван?

ВАТІАНРА НУРА

Дила дигул ВатІан,
Дурхъаси улка,
ХІу гъанни акІубси
Дила дардличи.

Ганзухъуначиван
Чекадилзули,
Лякъир-гъибандилис
Ташра дилзули,

Къалпдешла дабруми
ЧедиухЕли.
Севан яхІбурцулрил
Бурагу гъари.

Амма, гъанна сабри
Ну къяйда хІура,
Гъарбизла гъав ахІен
Ил хЕлара у.

Илра хІянзанзбази
Ари бедили,
Къалпдешли тІашбатур
ДяргІиб заблиу.

Илкъяйда биубцад
ХІечи ляркъуси
Назикси къяшла дякъ
АхІен акъуси.





Зубалжат ГЯМАРОВА

ПИСКИ МЯХЛИС

ГяxИти дирар xИякyбти
Писки МяхИли делкунти,
ДецИли дяхьибти уркИби
ХИекьли паргьатдирути.

Гьаракьси тухумличир
Сари гьамли дирути,
БегИла марси юлдашван
ХИед гИякълума дугьути.

Бугал дисван дугати,
Няс xИякимти балтИути,
Хьубзури ахьбирути,
Базурти пуждирути.

Халкьла баркалла биаб,
Дубурти икрамдикIаб
ХИела пергер пагьмулис
Даршдуслихь камли биаб.

ГЯМРУЛА ЗАКОН

Гямрула гИядат саби:
ХИеб аркъян, яни башар –
Дигай даимдияхьес,
Гямру тIашхИедизахьес,
Хьулани детерхахьес.

* * *

Гямру мешути ахIен
ВеГIла хьа ганзиличи.
Илди деркIес багьандан
Чебиркули саб ахьес
Чула кьиянси гьуни.

* * *

ХИушала лерил гИямру
Дусла диьни балукьи.

Сен илцад алкунтирав,
Авлахьла кьугьал вавни?

* * *

Ва адам, икрамбара
ХИу айкьурси ванзалис,
Мадирицид бекIла мехIе
Няс дархти пикрумани.
УркИли умули бати.
Мургьила лямцIла удир
Дагьрира кьакмадирид.

* * *

Юлдашунала ургар
Шинра варьа детарар,
Душмантачил беркунси
Варьа агьу бетарар.

ЦАИБИЛ УЧИТЕЛЬНИЦАС

Нешлис гІергъи нушази
Нешла мез дагъахъурси,
Нешла хІулбазирадли
Нушачи хІеррикІуси,

Душмантаци гъмира
ВагІайчи дигира
Нушазир адикъурси.
Баркалла биабгу хІед,
Дила учительница!

ЗАМАНА

Сецад хъярхъикІадлира
Заманалис гІевхІейуд
Сецад т-ашкайзадлира
Саби хІед тІашхІебилзан.

Арху хІела жагъдешра,
Лерху бамсри хІяндешра,
ЖагъилхІели агарти
ГІямрула духудешра.

Гьалар пикрихІейрути,
Някъ гьакІбарили далтути,
Гьанна хІисабдирахъу,
ТІабигІятла рангани:

Вавнала жагадешра,
БерхІила ванадешра,
БархІила бухъяндешра,
Дай дугила лехІдешра.

ТІулби ургарад гъумван
Аркъуси манзил буцес,
ХІисаббара тІабигІят
ГІур къанни хІебиахъес.



➤═ Тарихла бяхІяникад ══➤



Хизри ИЛЪСОВ,
философияла гІилмуртала доктор,
филологияла гІилмуртала кандидат

КЪАРАКЪУРЕШЛАН УЦУМИ ГІЯХІМАД-ХАН

История мягІничебси саби илизирад букьуртани гІяширти касес бирни багъандан. Нушачи даибти белкІла документунани, жявхІелла белкІанани, археологияла памятникунани нушаб имкан лугули саби гъанналис жявли гъаларал кадикибти анцІбукъуначила багъахъес. ЦархІилван нушани нушала хала бегІти чихъали сабрил ва илдани сегъунти гъунарти дарибал багъес дирути ахІенри.

Эгер нушани имам Шамил гъанхІевшили Дагъиста ХІХ ибил даршдусла историяличила селра бурес дирули хІедиахІелли, илис гъалабси манзиллизибра Дагъистайзиб ГІяхІцад машгурти адамти хІербирули калунтири. Масала, ХУІІІ (ХІХ) ибил даршдусличила гъайдикІухІели, нушани сеннира Гъази-Кумухлизивадси Сурхай-хан, Къаракъурешлан уцуми ГІяхІмад-хан, Мускурлизивадси ХІяжи-Давуд, Хунзахълизивадси ГІумма-хан, хан МуртазагІяли, МяхІяммад-хан ва цархІилти гъанхІебушес хІедирехІе.

Гъази-Кумухлизивадси Чулахъ Сурхай-ханничила ва ХІяжи-Давудличила камли яра имцІали балули дихІелли, Къаракъурешлизивадси уцуми ГІяхІмад-хайчила селра декІар балули ахІенра, хІятта ил машгурси адамли Дагъиста тарихлизир мурхъти сай вегІти къел датур виаллира. Илра дигалли машгурси тухумлизивадси, халаси къуват лебси ва дебали гъай бузуси адам сайри.

Къаракъурешла къала – сунес сеидунани хъулчи кабихъибси – археологияла ва культурала машгурси памятник саби.

Уллубий ибси чеу бихуси ГІяхІмад-хан, Уллу ГІяхІмад-хан Къаракъурешлизибадти Хайдакъла уцумибала къурлизивадси машгурси вакил сайри. Илала у сунела арилизир дирули калунти шимала умазиб къаршибиркули саби ишбархІира: Уллубийаул, Уллуаул. «Рустам-ханна законтала кодекс» историяла литературализиб машгурси саби. Ил Рустам-хан биалли Уллу ГІяхІмад-ханна (160І-1645) халадудешли вирусир.

Уллу-бий ГІяхІмад-хан бухІналаси ва дураласи политика ункъли бузахъес бажардииркусири.

1696 ибил дуслизив Иранна шагъ Хусейни Хайдакъла уцуми сайлин Гяли-Султа урши Амир-Хямза тасдикъварибсири. Ил жинслизивадси вирусире Уллу-бийра. Дурхъаси мер бацли хЕбалта бикIаргу, Хайдакълизив ил замана уцумила къуллукъ буцес дигуси цархИл ГяхИмад-ханра вагъариуб, ил Къубала Хусейн-ханна урши сайри. Илини итхЕли сунела цIакъличил Баршлила ши буцибсири. Амир-Хямзас биалли къаршикарлизивад верцес багъандан дубуртазив дигIяникес чебуркъибсири.



1706-ибил дуслизив Къубалан ГяхИмад-хай сай уцуми виъни багъахур. Иличи къаршили дураухъун уцуми Уллу-бийла урши. Илисра ГяхИмад-хан бикIусири. Илини халаси

хIуреба бучиб. Ил гIевуцибсири Гъази-Кумухлан Чулакъ Сурхай-ханнира. Сурхай-ханра шамхалличил ва Къубала ханничил жаллизи кайзурсири. ГяхИмад-ханна хIурезализиб хайдакълантис ва гъази-кумухлантис сабри. Илди забла къириван чедиберхур Къубала ва Таркила шамхалла арилизирти мер-мусаличибад. Илкъяйда уцумини шамхалла гIяхIцад шими керасиб. Ил лугIилизир лерри Эндирей, Баршли, Утемиш, Уллубий, Уллуаул ва цархИлти халати ва диштIати шими ва махъурби. Хусен-ханна урши ГяхИмад-хан Мажалислизив дебавиуб. Амма Сурхай-ханни ил илавад жявли дугIеиб. ЧулакъIун уцуми Уллубий ГяхИмад-ханна марси гъалмагъ сайри. Вебшес вализурси замана ил сунела нукерли кавшибсири, сенкIун илини Чулахъ Сурхай-ханна шали буцисири.

Илкъяйда ГяхИмад-хан Хайдакъла таманси вегIбекIли ветаур. Илини сунела хIукумат дебабариб. Гурра Сурхай-ханничил илини чумал чябхъин дурадеркIиб ва Табасаранра сунела мулканачил бархбяхъиб. Дагъистайзир цаличи ца къаршили кадизурти вегIбекIунала кIел къукъя детаур. Цаибиллизи кабурулри Гъази-Кумухла Сурхай-хан, Къаракъурешлан уцуми ГяхИмад-хан. КIибиллизи биалли – Таркила шамхал Гядил-Герей (илала урши Хасбулат) ва Къубала уцумихъали.

ИтхЕли Кюра цабутIаван Хусен-ханна уршила урши СултIан-ханнизиб сабри, байхъала биалли Дербентла ханнизиб.

Къубала ханстволизив уцуми ГяхИмад-ханна шали буцибси ХIяжи-Давуд Мускурланра дакIувиуб. Ил Сурхай-ханна ва ГяхИмад-ханна къукъяличил вархикиб.

Чулахъ Сурхай-ханни Турцияла политика гIеббурцулри ва илала шайчи кайзурлири. ИтхЕли биалли Турция Персияличил ва Россияличил бургъулри. Сурхай-хан биалли Дагъиста вали сайри ва Иранничи къаршиси политика жигарчебли бузахъулри. Сунела шаликартира ил политикализи битIакIес

узулри ил. Турция биалли итхИели Балканна дубуртазиб ва Австрияличи къраршилира бургъулри. Илгъуна агиличил пайдалавиубли, Иранна Надир-шагъли Кавказла мер-муса сунела арилизи дучес къасбариб. Турцияла султай Сурхай-хан гIеваурцулри, хаслира мургъи-арцличил ва Иранна шагъличи къраршили бургъахъес халаси гIяскар алкIахъулри.

ХIяжи-Давудра илдас икъалавирулри ва Иранничи къраршили дураулхъулри.

Ил замана Таркила шамхалра, Табасаранна майсумра ва цархIилти мулканала вегIбекIунира Иранна шайчи кабизурлири. Амма илди чус къулайси замана Россия гIеббуцесра хIядурли сабри.

Сунела душмантала мер-мусаличив ХIяжи-Давуд вагъариъни Къубала Султан-ГIяхIмад-хайс дебали гIяхIбизурлири. ХIяжи-Давудли илизибад кумек тиладибарибхIели, Худатлизибси персанала гарнизон кърбарес вализурхIели, Къаракъурешла уцумини илис кумекра бариб. Сунес кумекбарнили уркIичевварибси ХIяжи-Давудли Шабранра буцес къасбариб. Иличи чевхъун ва Шабранра хараббариб. Персанала шайчи кайзурси Султан-ГIяхIмад-ханра илав кавшибсири.

Илала гIергъи сабри Сурхай-ханра уцуми ГIяхIмад-ханра дебали жигарчешбиубти. Илдала гIяскуртазибти бургъантала цахIнабси лугIи 30 азирличи абиркулри. Илдани Шамахи алавбуциб. I7II ибил дус сабри. Уцумини ила хайдакълантала дурабад ахъушантира цIудхърантира килри. Илди азадти жамигIятунази халдирути диаллира, илдачи уцумилара халаси асар лебри. Военный историк, полковник А. Комаровли сунела гъанбикуназиб лукIули сай: «Таркила шамхал ГIядил-Герейли ил баркъудилизир бутIакъяндеш хIедариб, гъатIира ургIебли, илини уцуми ГIяхIмад-ханничи сунела адам вархъиб ва сай шагъла шайчивси виъниличила ва Хайдакъличи чевхъес къас лебниличила бурахъиб. ИлхIели уцуми Хайдакълизи чариуб». Шамхаллис гъанна гIяхIси имкан акIублири муртрил уцумини керасибти шими сунела арилизи чардарес. Илди сарри Эндирей, Утемиш, Баршли ва цархIилти шими. Ил гъанна Иранна шагъла шайзибадси кумекличира хъарахъес вири. Илбагъандан сайри уцуми ГIяхIмад-хан къалабали сунела хIуребаличил Хайдакълизи чарухъунси.

Дубурла вегIбекIунала къукъялизивад декIарикили, Иранна шагъла шайчи кайзурси Таркила шамхалличи къраршили кайзур Сурхай-ханна дудешла узи, КIарахъала ГIумма-хан. Ил шамхалла вегIдешлизибси Параулличи чевхъун.

Хайдакъла уцуми ГIяхIмад-хан арякъи гIергъи Шамахи алавбуцибтала цIакъани камкадаиб ва илдас шагъар буцес хIебикиб. Историк А. Ковалевли сунела гъанбикуназиб гIурра лукIули сай: «Ил балбуц дурабуркIнилизив бекIливиубси Чулахъ Сурхай-хан I7I2 ибил дуслизив сагали Шамахиличи чевхъун. I5 бархIи алавбуцили кали гIергъи, шагъарлизиб хIербирути суннитунала икъайчил Сурхай-ханни шагъар буциб. Шамахи хараббариб ва белтIун. Илав алхунсири Ширванна бекI ХIусейн-ханра. Илала дурабад, Шамахиб вачар бузухъути урусла базригантира белтIунтири. Илди базриганти белтIни сабавли бетаурсири Россияла Петр-I-ибилли Дагъистайзи поход дураберкIнилис».

Шамхал ГIядил-Герей Петрлис гIяхIил гъуниваиб, илис гIяхIти гIяхIялдеш дариб.

Амма уцуми ГIяхIмад-ханна мер-мусаличи ухIнаверхурси Петрлис чIумати къраршидеш дарибтири. Эндирей, Утемиш, Баршли шимала халкълира урусунас къраршидеш дагъахъуртири. Уцуми ГIяхIмад-ханна отрядунани парти-

зантала дяви бузахъусири. ДербентлизидяхІ датдихъибти Петрла гІяскуртачи илди отрядуни вацІурбазир хабарагарли чедулхъутири ва укабиили чІумати чябхъинти дирутири. Чябхъин барибти илкъяйда хабарагарли вацІурбазиб бебшили бетихъутири. Пачала гІяскурти ил тяхІярли дургъес бурсидиубти ахІенри.

ХІера ил замана ХІяжи-Давудра Россияла шайчи кайзес вализур. Илини балули вииши, гъанна Сурхай-ханра ГІяхІмад-ханра цакакъбиубли биъни. ИлдикІун урусунала шайчи кабилзулри.

АнцІбукъуни вайтІадиркули диъниличила багъурси Турцияла султай ил Истамбуллизи живариб. Турканани ХІяжи-Давуд урусунала шайчи калзнили-чила багъурлири. Турканала агентунани ХІяжи-Давудли Россияла хІерудилиув виэс дигула или балахъуси Астраханъна воевода Кикинничи белкІунси кагъар буцибсири. Мерличивси турканала халалли шадлихъличи живариб-си ХІяжи-Давуд Гянжализив туснакъвариб. Ухънаваибси ХІяжи-Давуд илав хІурматла гІяхІяйзи халварили, чула арилизив вихІулри. ВебкІибхІелира ил хІурматличил хІяриихъибсири.

Чулахъ Сурхай-ханнира ГІяхІмад-ханнира ЧевяхІси Петрлис «гІяхІил гъунибаэс» къасбариб. Ил гъунибаъниличила историк И-Г. Герберли ишкъяйда белкІун: «Зуркайличи ва Исметличи лебилра куланти, дагъистанланти, лезгиби ва цархІилти дугІрухъ адамти ва къачагъуни цалабикиб...» Илди Петрла хІуребаличи чябхъинта биркъутири. Гъарли-марли итхІели Петр І-ибил Дербентла къалализив дебаварибсигъуна сайри. Къапула дураб илис урехила сабри. Ил сунела хатІаличил дубурланта алавуцили ветаур. Илис гъатІира вайси бетаур: Каспи урхъуличиб бурям ахъбиуб ва бургъуси урхъули Петрла лерилра гамурби кягІяхъиб. Петрли сунела поход хапли къябаиб. Игъбарли-сван кятхІягІили калунси ца гамилличив ил АстраханънизивяхІ вебшиб.

Итцад ункъли бехІбихъибси поход илкъяйда таманбиъни гъаннара суалти алкІахъусили кали саби. Ил бетаънилис бекІлибиубси сабаб Сурхай-ханра уцуми ГІяхІмад-ханра сабри.

Къанниван, 1724 ибил дуслизиб, Петр І-ибилли Сулахъ хІеркІла дублаб Дурхъаси Къанчла къала тІашбатурхІели, Сунхай-ханни ва уцуми ГІяхІмад-ханни 30 азирла хІуреба цалабяхъиб ва чябхъин барес дурабухъун. Илдани шамхал ГІядил-Герейлисра урехи чебаахъиб, ил чус икъалабарес къабулхІей-калли, илала вегІдешлизирти шимира дурцехІе или. Дубурла хужаимтала баркъуди ГІядил-Герейлира гІеббуциб ва сунела хІуребаличил урусла къала буцес дураухъун. Амма дявлизив ил урусун асируцибсири ва Петр І-ибилла указ хІясибли вершадеш дарни багъандан сибирварибсири. Ил дураибси мерличив – Архангельскла губерниялизибси Кола шагъагъарлизив вебкІибсири.

1736 ибил дусл ахІеблизиб Чулахъ Сурхай-ханра уцуми ГІяхІмад-ханра Ширванначи ва Шамахиличи чебухъун. Илди мер-мусаличиб хІербирути халкъли дубурланти чус азаддеш хибтази халбариб. Сурхай-хан сагали Шамахила ханни вагъахъур, уцуми ГІяхІмад-хан биалли – Дербентла ханни. Пунтбиубти дербентлантани шагъли катурси хан Мехти-Кули-хан кавшиб-сири ва илала мерличив ГІяхІмад-хан чус ханни викибсири. Или кІелра хан халкълис дигутили бетауртири.

Илди келра халати кьаркълумачил ва кьуватличил декларбулхъутири, бургъесра бурибти устни сабри. Уцуми ГяxИмад-хай шушкали адамра илала урчира келбирутири или бурусири. Дявлизив ил вацIапIакъгъуна вирусире. Илала халаси кьаркъай душмантe урехилизи биркахъутири, илала херлизибад булан душмантe кахбирутири. Илала шушкара хIулбиван лямцIбикIусири.

Уцуми ГяxИмад-хан гIяхIгъабзацун ахIенрину, дебали пасихIси адамра сайри. Ил мурталра гъар секIайчи гIевветиэс бажардииркусири, гъалакикIуси ва хатIаиркуси ахIенри. Илбагъандан сайри дявтазивра мурталра чедииркуси. ИтхIели хIурбунас бекIдеш дирути сабира дергъла майдайчи дурабулхъутири ва душмайчил чула цIакъани халдирутири. Уцуми ГяxИмад-ханра мурталра хIуребалис гъалав вашусири ва сунела бургъантас гIибратли вирусире.

Сурхай-ханра халаси цIакъличил декларулхъусири. Бурули бирар ил цазаманализив верхIел кьаршикарличил вяхIес дуравхъунсири или. Илини илдазибад урегал кабушили уили сай. ВерхIъибил биалли дявла майдайчивад гъавухъи сай.

Гъайгъай, илдигъунти аги-къяйда кадизниличи Иранна шагъ Надир кьабулли ахIенри. Сунела замана Петр I-ибиллис къяйда, Надир-шагълисра Чулахъ Сурхай ва уцуми ГяxИмад-хан кьакъабакIахъес дигулри.

Ишаб гъанбушес дигулра М-Р. Ибрагъимовли белкIунси «Уцуми ГяxИмад-хан ва ХУИИ ибил даршдусла анцIбукъуни» бикIуси статьялизив («Новое дело» I4.08.09) сегъуна адам сайрил ил сипатварниличила. ХIера се лукIулил ил статьялизиб:

«I7II ибил дуслизиб ГяxИмад-ханнис сагали Баршшила ши азадбатахъес чебуркъиб. Сунела уцмийстволизиб чIумаси зегъа кабизахъурли гIергъи, илини Шамахи буцесра къасбариб. Ил чьабхъиннизир илис сунес бутIакъяндеш дарес къадархIебиуб, шамхалла шайзибад сунела мулканас урехи лебли биъни багъандан. Амма илхIелира илини сунела бургъантачил кьизилбашуначи кьаршили бургъути Сурхай-ханнисра ХIяжи-Давудлисра халаси кумек бариб. I7I8 ва I72I ибти дусмазир Шамахиличи дурадερкIибти чьабхъинти гъархIедизур диаллира, ахирра илдас Шамахи буцес имканбакIиб. Илала гIергъи Бакура илавбуцибсири илдани чула хIурбуначил. Илдала хIурбунани чьабхъинти дарибтири Кура ва Аракс хIуркIбала итил шайчирти Сальянниси, Ардебиллизи, Кебалализи ва цархIилти мер-мусаличи.

I722 ибил дусла ахирличир Утемишла султан МяхIмудлира уцуми ГяxИмад-ханнира ДербентливяхI аркъуси Петр I-ибила хIуребаличи чьабхъинти дарибтири, амма Петр I-ибил цIакъли виъни багъурхIели, илини Россияличил даршувиес ва илизи керхес къасбариб. Цазаманализив ил Турцияличилти бархбасуни даимдиресра вализурлири. Илди бархбасуни Сурхай-ханна ва ХIяжи-Давудла кумекличил дузахъусири. Амма I722 ибил дусла майла II-личиб илини Россиялис мардешла хъя барибсири. Илис кел дус гъалабал шамхалла къуллукъ агарбарибсири ва уцуми ГяxИмад-хан Дагъистайзив «цаибил адамли» ветаурсири.

Турцияла султай урусуначил бургъахъес дубурлантас хIурбунира арцра дархъес чейусири. Амма итхIели Сурхай-ханнис вайтIадикилри.

Чулахъ Сурхайли Валичил кьаршиикахъес сунела урши МуртазагIяли ва 500 мурдализибад цалабикибси гIяскар дархъибтири. Валини МуртазагIялис дахъал арц дедиб дяви даимбарахъес, сай биалли къалабали гIелавяхI Турциялизи чариубсири. Сурхай I-ибилли илди арцлис ярагъ исулри ва хIуреба

хІядурбирулри. Ил замана ил ГІяхІмад-ханничи ва Къязанишлан Иљдарличил Шамахи буцес вализур, амма ил барес бетхІеур. Илдас чІумати къаршидеш дарибтири. Амма гІелабяхІ чарбулхъухІели Сурхайни Хасбулатла чумал ши харабдариб ва Хасбулатла мерличи Хасбулат шамхалла узикъар Илдар катур. Илди кІелра биалли лерилра гІямрулизиб саби-ургаб душмантили бирутири. Илди анцІбукъуни сабабли детаур Надир шагъли Дагъистайзи сагаси чябхъин дураберкІнилис. 1735 ибил дусла декабрьличир сунела хІурбунира сайра Надир-шагъ Мажаллислизи дураикиб. Илав ургъес хІядуриубли уцуми ГІяхІмад-ханна урши леври, амма илини Надирлис къаршидеш дарес хІейуб. Надир Къаракъуреш буцес ватихъиб. Илис гъалаб Надирли Губданира буцибсири. Уцуми ГІямад-хан биалли ил замана сай акІубси Къаракъурешлизив дебавиублири. Илаб чІумаси дергъ кабикиб. ИлхІели сай ГІямад-ханра вяхъибсири. Ил душмантази мицІирли викибсири. Уцумила риштІал рурсили Надир шагълизи душшличи уркІеци барахъес тиладибарихІели, шагъ къабуликибсири ил барес. Хайдакъла уцумила лерилра мулкани биалли Надир-шагъли итхІели тамай харабдарибтири.

Историк А. К. Комаровли 1839 ибил дуслизиб белкІунсири: «1743 ибил дусла яни персанала гІяскарли дубуртазибад кабухъунси Дарвах хІеркІла дублаб, Дербент шагъарличибад 18 верстла тядиди беркІибсири. Дахъал къиян-жапа чедаиб илдани, берк-берж тамандиублири, бугІярли сабри, хайдакълантала, ахъушантала, цІудхърантала цаагили чедулхъути къукънанира илдас паргъатдеш лугули ахІенри. Шагъла хабарла хІуребала гІела-гъаладиклума илар харабли сарри. Ил мерлис Иран-Хараб бикІули саби, цархІилван буралли, Персияла палакатдеш».

Гъайгъай, илар къизилбашуначи дирути чябхъинтас бекІдеш дируси уцуми ГІямад-хан сайри.

Къисмат мурталра адамличил баршили хІебирар. Уцумила гІямрулизирра гъархІебизурти анцІбукъуни диуб. ХІера, Надир-шагъли Дагъистайзи кІибибил чябхъин дурабуркІуси замана душманта ГІяхІмад-ханна тахшагъарли бируси Къаракъуреш буцибсири. Къаршидеш дарес гІур цІакъани кали ахІенри. ГІяхІмад-хайс аманат сарлин сунела риштІаси рурси редес чебуркъибсири. 14 дус сарри ил итхІели риубси. Амма илра шагълис камси буилри. Илини гІалаббариб сунечи сай ГІяхІмад-ханра музавхъахъес. ЦархІилван илини Къаракъурешлизиб хІербирути лебилра адамти къирбирис или урехи чеби-ахъулри.

Надир-шагъли ГІяхІмад-ханна рурси Тути-бика Къубала ХІусейн-ГІяли-ханнис шери редиб. Илра Къубализибси уцумила жинсла къялилизивадси сайри. Илдала хъалибарглизив сайри акІубси гІур дебали машгъуриубси Фет-ГІяли Къубалан.

Илкъяйда шагъли цаличи ца душмантиван кадизурти уцумила жинсла кІел къяли даршударибтири. Сай Надир-шагъ биалли уцумила халасигъуна рурси Фатъмачи хъайчикайибсири. Амма. А-К. Бакихановли ва Г. Ал-Къадарини бикъридеш дирули къяйдали, уцуми ГІяхІмад-хан Надир-шагъла къаршикартала шайчив вирусирри (Сурхайличибад бехІбихъили къиримлантаци бикайчи)».

Афганистайзир ва Индиялизир дургъути Надир-шагъла гІяскурти тІяГІямагарси агилизи дикибхІели, шагълис къалабали Дагъистан бархъбатес ва ила арукъес чебуркъибсири. Иларти аги-къяйда низамличи душили гІергъи, шагъли Дагъистайзи хІябъибил чябхъин дураберкІибсири.

Иш яргалис Лютф-Гяли-ханни бекдеш дируси 24 азирла хГуребали уцу-мила Кубачи буцибсири.

Гъази-Кумухра буцили Гергъи, ГЯхИмад-хан «дунъяла урехилис» ва илала халаси хГуребалис къаршидеш дирес калунси цацун сайри. ГЯхИмад-хан Надир-шагъличи укъес къабуликиб. ИлхИели шагъла гЯскурти Хайдакълизирад ардякъун.

Илди анцІбукъуни ГЯндалаллизир кадикибти анцІбукъуначил дархдикибтири. Уцуми тамай вячІунсилизи ва сунела шайчи шурухъунсилизи халварили, Шагъли иличи хъарбариб персанала ца хГуребаличил булугуначивад даргантачи укъяхъес. Гур илавад Дербентлизи ваахъес. Ил шагъли барибси халаси хатІа сабри. Уцуми ГЯхИмад-ханни персанала хГуреба Баршлила хІеркІличиб укабибти дубурлантачи арбукиб. Уцумила рурсила мурул Мехтулила ГЯхИмад-ханни гІелабяхІ чарбулхъути персанас чІумаси бяхъ чегахъиб. Иранна хГуребализибад Дербентлизи мицІирли баэс бикибси цадаршал адамлисцун сабри, гІелаб калунти лебилра кабушибтири. Илкъяйдали сунела хъуна дудешли хъарбарни хІясибли Мехтулила хан ГЯхИмад-ханни, Тарки алавбуцили, Хасбулат шамхалра шагълис икъалавиахъес ватурси ахІенри. ХасбулаткІун Надир -шагълис кумекличи музавхъес хІядуриублири.

«Надир-шагъ вячІни» бикІуси жузлизиб профессор В.Г.ХІяжиевли лукІули сай: «...І743 ибил дуслизиб Турцияла султай джарлантачи, талайлантачи, Хайдакъла уцумичи, КІарахъала ГІумма-ханна уршиличи кагъурти дархъибтири. Илди сунечи Дагъистайзибадти вегІбекІуна дархъибти кагъуртас жавабтира сарри, цазаманализиб илдазиб илини Иранна халкъличибад зулмукар Надир-шагъла ари чеббикахъес икъалабарахъес жибирулри. Илкъяйдали султай балахъулри, Надир-шагъ халаси хГуребаличил Эрзерум шагъарличи гъамирули виъниличилара. Надирличи къаршили дураухъунси Сефи-Мирзас икъала барибтас Персияла вегІдешлизир дирути Шамахила, Ширванна, Гянжала, Туплисла, Эриванна мулкани дедесра чейсулри. Икъалабарибти дагъистанлантачи илини се бедес чейсулрив? Илдас хананала даража бедес чейсулри. Гъази-Кумухла, Аварияла ва цархІилти мулканала вегІбекІуни илис гъалабра ханани сабри къалли. Илдигъунти гъайра делкІи, уцумила урши ГЯли-ХІямзас, ГЯхИмад-ханна рурсила муруйс, итил рурсила мурул кІарахъала МухАммад-Нуцаллис горностайла гулбазирад дирбубти хІякнира лугулри. Илди Дагъистайзи ХІяжи-Къурбан Эфендичил дархъибтири.

Турцияла султан МяхІмуд І-ибилли І730-І754 ибти дусмазиб Дагъиста халкъани Иранничи къаршили пунтбиубхІели, султай илди гъар тяхІярли гІеббурцутири. Уцуми ГЯхИмад-хайс биалли «хІябал бунчукла вегІ пашала даража» булан бедибсири. ЦархІилтира ил тяхІярли шабагъатлабарибтири.

І747 ибил дусли хІеблизир уцуми ГЯхИмад-ханни ва Сурхай-ханна урши МухАммад-ханни Ширвайзи чумал чябхъин дурадкеркІибтири ва гъарил яргализиб илди къаршикартачибад чедибиркутири. Илдани Худат, Шеки, Шабран, Нуха, Къуба дуцибтири ва мутІигІдакІахъибтири. ЧІянкІли Дербент персанала някъбазиб лебалри.

Амма уцуми ГЯхИмад-ханни бекдеш дируси дубурланта хГуреба Дербентличира чебухъун. ИтхІели илар кадикибти анцІбукъуначила В.Г.

ХІяжиевли ишкъяйда лукІули сай: «Дербентлизив шагъли ватурси Гъани –хан, Дагъиста дубурлантазивадцун ахІенну, Дербент шагъарлизиб хІерби-рути халкълизивадра урухиубли, хІуребаличил шагъарлизивад дураухъун ва Къубала хайчи къаршили ватихъиб. Илавра ил тамай вячІун. Сай биалли дагъистанлантани кавшибсири».

Илкъяйда уцуми ГІяхІмад-ханни Дербентлизибад Иранна гарнизонра дугІеибсири. Ил Хайдакъла уцумила мулкани бегІлара халадаибси замана сабри. Илди Къубализирад Таркила шамхалстволизи, Дербентлизирад Ахъуша ва ЦІудахъари бикайчи тІинтІдиублири.

Уцуми ГІяхІмад-хай дебали баркъудлума духІнадицІибти духъянти гІямру деркІиб ва І750 ибил дуслизив вебкІиб. Ил Къаракъурешлизирти сунела хала бегІтала хІябрази хІяриихъибсири. Нушачи баили саби илала цІелдаличибси белкІра. Илизиб бурули саби «уцуми ГІяхІмад-хан 50 дус политикализив узули калун» или. І7ІІ ибил дусличивад вехІихъили І747 ибил дусличи бикайчи ил Пашбизниагарли ургъули калунсири.

Гъамадси ахІенри илала къисматра. Замунтала хІябкъяйличив къарши-икибси ветаурсири ил: итхІели Кавказлизир Россияра, Турцияра, Иранра дарсдургъулри. Илдигъунти аги-къяйдализирра Уцуми ГІяхІмад-хан сунела мулк- Хайдакъла уцмийство хъархІерагарли калахъес бажардиикибсири.

Ил пагъмукар полководец ва пасихІси политик сайри. ЧевяхІси ургъанра сайри: Петр І-ибилла ва Надир-шагъла ГІяскуртачирад чедибдешуни сархес бажардииркусири.

Турцияла султан МяхІмудли илис хІябал бунчукла вегІ пашала даража бедибсири – ил биалли бригаднъй генералла дараличил цугси саби.

Сенал ил бурес агарли тамашала адамла у сабабагар шайчиб хъумартурли саби. ИлКІун Дагъиста асилти уршбазивад ца сайри. Ил Петр І-ибилличил ва Надир-шагъличил ургъули калунсири. ГІур детаурти Кавказла дургъбала бутІакъянчибасра ил гІибратли ветаурсири.





Патимат МАЛЛАЕВА

ГЯХІГЪАБЗАЛА ГЪУНИ

Дагъиста халкъанала цадешличила гъайикІалли, гъанбикахъес гІягІнили саби хІялалли гІямру деркІибти, Дагъистан багъандан, халкъ багъандан бузули, гІямрула къиянти чекасибти адамти, «бунагъ-хатІа урдуцаб чула» или. Илдигъунтала лугІилизивад сайри Ахъушала шила администрациялизи кабурхуси Хъаршуклизивадси ХІяжимурад ГІямаркъадиев.

ХІяжимурадла бегІлара гъамти адамтазивад сай Ахъушала райбольницала гІяхІтигъунти тухтуртазивад ца, Дагъистан Республикала урибси тухтур З. Зугъумов.

Зугъум МяхІяммадовичли республикала архивлизирад сасибти документунази ХІяжимурад ГІямаркъадиевла гІямрула гъуниличила къантІли белкІи саби. Селисалра гъалаб, гІячихъбирули саби, сецад духуси, пачалихълис, халкълис марси, къасчевси, гІяхІгъабза адам сайрил ил дубурлан.

1897-ибил дуслизив акІубси ХІяжимурад бегІлара жагъиубси, гъал дусла гІямруличи кайзурси дус цугбикили саби Октябръла революция биубси 1917-ибил дус. Мискин халкъла талихІчерти гІямру багъандан далдуцибти авара жагъил адамли дархъли аргъили, гІердуцили, сайра илдала жигарла бутІакъянчи ветаурли сай.

– Нушала наслула халати адамтани бурули бири, жагъил гІямруличив шилизивад дуравхъунси ХІяжимурад, гІяхІси багъуди касес бажардиикили, революцияла баркъудилис марли, жавабла хІянчурби дузахъули, чекайзурли узули уибси сай, – бурули сай Зугъумли. – Ил хъайчикайэсра валкъаурли ахІен, – лерилра сунела къантІти гІямру ВатІайс ва халкълис къуллукъбирнилис, революцияла ва Совет хІукуматла баркъудилис дедили сай.

Архивлизибадси справкализи белкІи саби, ХІяжимурад 1917-1918-ибти дусмазив, ВКП(б)-ла Дагобкомла хъарбаркъ хІясибли, Лавашав узули калниличила – революцияла баркъуди бетерхахъес бузуси дигІянаси комитетлизив.

1919-ибил дуслизир ГІямаркъадиевли партизантала хІяракатлизир жигарла бутІакъяндеш дарили сай. 1920-ибил дуслизир акІахъубли буили саби хасси комиссия, сабира хІунтІена партизантала хъалибаргунас, мискинтас палтар, берк-берж дуртІнилизир бузуси, ХІяжимурадла ил комиссиялизи керхахъурли уили сай.

Ил дуслизиб Врангельличи кършили саби гІяхІулали бургъес аркьути адамти бурчули буили саби. Ил баркъудилизиб бузуси комиссияла казначей варили сай ХІяжимурад ГІямаркъадиев. Пикриухъалли, сецад халаси бирхауди буилил ит манзиллизиб арцличил бархбасунси хІянчи хъарбарес багъандан!

"Дагсовпрофлизив" жавабла хІянчурбачивра кали сай ГІямаркъадиев Президиумла членни ва жавабла инструкторли.

ВКП(б)-ла Даргала округла комитет аІахъубхІели, ХІяжимурад илала жавабла секретарь варили сай.

Ил къуллукъличиб байхъала дус хІянчи барили гІергъи, Свердловла уличилси коммунистический университетлизи учІахъес вархъиб ва авал дус ил университетлизив учІули, багъуди касиб. 1926 ибил дуслизив Дагъистайзи чарухъун, сагали ВКП(б)-ла Даргала округла комитетлизив узес вехІихъиб. Дарганти-ургаб, дубурланти-ургаб сагати гІямрула шала тІинтІбарес, Дагъистайзиб Совет хІукумат дебабахъес, мискин халкъла гІямрулизи разидеш ва талихІ хес халаси къайгъи бариб.

КІел дус ил мерличиб хІянчи барили гІергъи, 1928 ибил дуслизив "Дагъитрестла" правлениела председателъ варили сай ва 1930 ибил дусличи бикайчи илав узули кали сай. ГІур шуратурли сай ВКП(б)-ла Дагъиста обкомла орготделла инструкторли.

Цалра мерличиб ХІяжимурадлис вахъхІи узес къадарбиубли ахІен, гІяхІил бажардиркуси, чеветаили узуси, хІялалси хІянчизар гІелакабулхъуси, къянбухъунси мерличи урхъули уили сай.

ХІяжимурадла хІял-тІабигІятлизир, бузерилизир лерти лерилра гІяхІти шалуби пикрилизи касили, ил ДАССР-ла финансунала нарком вариб. Ил къуллукъличив ГІямаркъадиев 1931-ибил дусла мартличивад 1933 ибил дусла августличи бикайчи узули кали сай. ГІур иличи хъардали сари ДАССР-ла кункси промышленностьла наркомла хІянчи. Ил къуллукъличивра кали сай кІел дусличи гъамли ва 1935 ибил дусла февральличив сагали ДАССР-ла финансунала нарком варили сай.

ДучІулра ил пергер адамла гІямруличила баянти ва ца мерличиб уркІи зимбухъахъунси белкІ чебиулра:

«1937-ибил дусла октябрьла 26-личив ДАССР-ла финансунала наркомли узуси ХІужимурад ГІямаркъадиев туснакъварили сай...».

Туснакъварибси манзиллизив ГІямаркъадиев "Дагоблсовпрофла" президиумла членни, ВКП(б)-ла Дагъиста обкомла членни, Даг ЦИК-ла членни, Северный Кавказла Крайисполкомлизибси миллатунала Советла членнира кали сай.

Амма сунечи лябкъуси балагълис ХІяжимурадли дарибти жавабла хІянчи, хІялалси хІянчизар сайливан сунени сай чеахъили виъни ва халаси хІурмат лебни гъаладизурли ахІен. Марлира, сецад тамашала, сецад урехила, сецад хахси манзил буилил ил – 1937 ибил дус!

Марлира, ХІяжимурадгъуна адамличира бирхауди агархІели, гІур чичи лебри вара! Хъалибаргалра тІалабхІебарили, революцияла, Совет хІукуматла баркъудилисцун узуси ва сунела гІямрула мягІна илизиб чебиуси адамлисра гІяйиблизивад верцес хІебикни – тамаша саби къалли!



1937 ибил дусла октябрьла 26-личив туснакъварибси ГПямаркъадиев 1939-ибил дусла декабрьличи бикайчи суд хЛебарили ватурли сай. ХИябилра духъянти дурги ил манзилла дуги-хЛери! Сецад пикруми дакИб вара гЯхI-гъабза адамла бекIлизи! Вирхулрира бархъдеш чедибиркниличи, сунени революцияла баркъудилизи кабихъибси пай заяли архIякъниличи, сай гIяйиб-лаварес хьулчи хЛебургниличи! Гъайгъайра, вирхули урги! Туснакъла унза гьар гьаргбиубхIели, уркIи шалабирули бурги, сеналра лявкъян или ишдигъунти гъай дурусиде адам:

– ГПямаркъадиев, дуравхъен! ХIечиб гIяйиб буили ахIен!..

Сепайда, илгъуна адамра вакIхIекIиб, сайра Северо-Кавказский военный трибуналли I5 дуслис узахъес лагерлизи вархъес хIукму бариб.

– Лагерлизирад гъамтачи кагъурти дашули дуили сари, – бурули сай Зугъумли. – Кагъурти ахтардидирули диъни багъандан сунечибси къиян ба-гъахъес, сунела уркIиличибси децI бурес виубли ахIен. ЛукIули уили сай "Ну гIяхIилра, набчила къакъамадикIудая" или. – Се гIяхIси бируси вецIну шура дус азадешлизиwad мяхIрумварибси, декIти хIянчи хъардарибси адамлис! ИлхIелира сунечиб сегъуналра гIяйиб агнира балули виалли!

ГПямаркъадиев северлизив, даим миъбяргIибси мерличиб гъуни бирули кали сай. Къиянти шуртIразиб бузути бахъал адамти бубкIули буили саби, – гъуйчи кабихъибси ца рельсаличи кIел хIясибли илаб бузути адамти алхунти саби бикIар.

...Лагеръла тахличиб гъанкI хIякъути, духъянти дугурбазибра, миъла авлахъличи гIянручI бузахъес дурайухIелира, бамсурли лябкъухIелира, ХIяжимурад пикриикIули урги, бетаурси хатIа аргъили, сай танбихIлаварес барибси хIукму уббяхъили, азадварнила хабар лябкъян или – ишбархIи хIебакIалли, жягIял къалли – сеналра!

Илгъуна умутли вихIули урги къиянти дуги-хЛерилизив аръа маркаван ламус-хIяя умуси ил гъабза. ХIебакIиб иличи гIяхIси хабар ва 1942-ибил дусла янила бугIярсидугилизиб авцIанну шура дусли гIямруличиб халкъ багъандан, халкъла хIукуматла баркъуди бетерхахъес багъандан чекайзурли узули уибси адамла уркIи тIашбизур...

1955 ибил дусли сентябрьла I4-личибадси СССР-ла Верховный судла военная коллегияла хIукму хIясибли ГПямаркъадиев ХIяжимурад гIяйиблизи уцнила чебкад барибси дело бархъагарсилези халбарили, ил гIяйиб агарси сайливан марвариб...

...Иш белкI хIядурбирухIели, ну чуйнара иличи сагали чаррухъунра –ил кахси бархъагардеш сипатбарес сегъунти гъай дургутил пикририкIули. Наб – Совет хIукуматлис даим гаприкIуси, Совет хIукуматла гьар секIал дархъли, хIялалли, чихъли чедаэс дигуси, иличи дирути гIяйибти бугъганти сари или гъанбиркуси – сецад уркIилис къияннил ил бархъагарси анцIбукъличила белкIес!

Ахирра набзи бакIибси пикри ишгъуна сабри:

Пачалихъ биргIябиргули, пачалихъла арц ургардилтIули уббухъунти, Дагъ-иста чумра хала хIяким, буцили туснакъбариб. ХIяжимурадлис ва цархIилти мискин халкъ багъандан чула гIямру харждарибти адамтас гъанбиркира Дагъистайзиб илдигъунти баркъудлумала бегIти адамти биэс бирар или?!

Очеркун

Дагъиста халкъла поэт
Аминат ГЯБДУЛМАНАПОВА



ДАГЪИСТА БАГЪА БАКІАХЪИБСИ

Халкълизиб бурули бирар: «Балга чуйна тикрарбаралра, илала мягІна бетихъуси ахІен». Наб бурес дигулра, нушала машгъурси, сунела саркъибти, мурухъси мягІнали дицІибти произведениебачил Россиялизибра дурала улкназибра Дагъиста багъа бакІахъибси Дагъиста халкъла писатель ГІяхІмадхан Абу-Бакарличила.

Илала чевяхІдешличила буриб чумра мугІяллимли, литератураведунани, критикунани ва писательтани. ГІяхІмадхай нушаб ва чеалкІутас произведениебала давлачебси хазна батур. Илала произведениеби хІясибли касибти 13 кинофильм лернира халаси сархибдеш саби Дагъиста культурализиб.

БучІантани ва ГІяхІмадха произведениеби руркъянтани гІяхІил бала, дарган мезли ва урус мезли, илкъяйдали дурала улкнала мезаначилра илини сецад жузи дураибал. Ил сай «Варъала шурми» бикІуси трилогияла, «Даргала рурсби», «ДяхІила адамти», «ЦІуба сайгак» ва цархІилти повестунала авторра. ГІяхІцад очеркунни делкІун гІядатла адамтачила, бузерила зяхІматчибачила. Автор мурталра ванза мяхІкамбарахъес жиикІусири. Илала белкІани-ургар камли ахІен публицистикала произведениеби. ГІ. Абу-Бакарли сунела произведениебазиб имцІаливан миллатуни-ургабси уржибдешла тема ахъбурцули вири.

**«ГІямруличила нуни
ДелкІунти сар далуйти,
Умуси закличила,
Балгунти халкъличила.
БегІлара дурхъал далай
Саб дила къацІличила».**

Илини нушаб гІелар датур хабурти, рагъамти ва гІяхІцад назмурти. Адамтас, арагІеб инсаниятлис гІяхІти гІямру дулгули, гІяхІдешуницун дирули,

хІериусири ил. Жагъил лукІанти сай-алав жибирули, гІевугъули, литературализи гъундури гъаргдирули ва бягІуси гъунчи илди гъуниббалтули, калунсири. Чумра поэтлис кумекбариб М.Горькийла литературала институтлизи каберхахъес. Илала сахаватси някъли някъ буцили, арбикутири ила. Лебал гъаннара илини кумек гІеббаахъибти, илдазирад сарра нура.

Сай акІусби ГІярбукІла шиличила, шантачила гІяхІти белкІани датур илини. Шилизиб леб ГІяхІмадхайс хасбарибси музейра. Илар гъаладихъили сари илала дахъал жузи, някъла белкІани, таманхІедарибти белкІани, суратуни, сай узули ва пайдаладирули калунти ваяхІ ва цархІилти секІал. Баркалла биаб ГІярбукІла пергер халкълис, чула дурхъаси писатель хъумхІертахъес дакІудирути къайгънас. ГІяхІмадхайчила делкІести дила гІяхІцад пикруми лер, амма иш гъакІлизир бегІлара дигусигъуна анцІбукъличир гІашрилзас.

Дахадаевла районна бекІ Жаруллагъ Рабадановичла къайгъначил ГІяхІмадхан Абу-Бакарла у бедиб ГІярбукІла шилизибси ца анхълис. Илаб халаси байрам дураберкІиб. Шила бекІ ГІябдусамад Куртаевла ва гІялим, писатель СягІид Ниналаловла икъайчил ил шадлихъ лебгІеб разисили, хъумхІертесили бетаур.

Шила клубла гъалабси майдайчи гІяхІцад шанти бакІиб. Чуласун жагати палтарли бегІбиубти рурсби, бучІанти цалабикиб.

ГІяхІмадхан Абу-Бакарла ва культураличи халаси пай кабихъибти гІярбукІла цархІилталара хІурматла уркъли клубла бяхІлизи даршилри. Илаб митингра дураберкІиб. Ил абхъиб районна бекІ Ж.ГІямаровли. Илини машгъурси писательличила сунела пикруми дуриб.

Шадлихъличи бакІилри бахъал гІяхІлира. ДГУ-ла ректор МуртазагІяли Рабадановли Писательла ва илала творчествола къадриличила буриб, ГІяхІмадхан дебали ункъли валуси, ДР-ла писательтала Союзла председатель МяхІяммад ГІяхІмадов гъайбухъун, филологияла гІилмуртала доктор Муса БяхІяммадовли П. Абу-Бакарли литературализи кабихъибси пайличила аргъахъиб. Машгъурси поэт ва журналист Аминат ГІябдурашидова, драматург Раисат Ибрагъимова ва цархІилти гъайбухъун. Илдазивад гъарилли Абу-Бакарличила сай-вегІти пикруми дуриб.

Набра ил шадлихъличир бутІакъяндеш дарес имканбакІиб. Лебилра цалабикибтала гъалаб нуни ГІяхІмадхан Абу-Бакарлис хасбарибси сагаси назму белчІунра.

Писательличила ванати дугъби дурули, ярга-яргали гъайбухъун гІярбукІанти: СягІид Ниналалов, Мажид ГІяхІмадов, ГІябдусамад Куртаев. Библиотекала заведующая ва музейла директор Зайнаб Къанаевани машгъурси писатель ГІяхІмадхан Абу-Бакарла жузи, суратуни, белкІани, чедаэсли столличи жагали тІинтІдарилри.

Районна культурала ансамбльла бутІакъянчибани музыка дяхъиб, далуйти делчІун. Школала дурхІна ГІяхІмадха ва илис делкІунти назмурти зайдухъахъун.

ГІярбукІла сахаватти халкъли бакІибти гІяхІлас гІяхІти гІяхІялдеш дариб. Илгъуна байрам бетаахъурси нушала пагъмучевси, лебтасалра дигахъуси,

нушачил варх хЕйалра, ца минутлисалра хъумХертуси, дунъяличив маш-
гъурси писатель ГЯХІмадхан Абу-Бакар сай.

Поэт сарливан, багъалгъунти набзи хъарбикІули бирар, ГЯХІмадхайс мурт
памятник тІашбалтуси или. Ну рирхулра, илгъуна чевяхІси адамлис челяб-
кълализиб, пергер писательлис памятникра тІашбалтнители. Лерилра цадиуб-
ли, халкъла ил мурад бетерхахъес, хІяжатти харжанира дучес къайгъибирехІе.
Дунъяличиб илцадра культурала, литературала давла гІелаб батурсилис сен
нушани хІедирутирав илгъуна барес? Даширая, дарганти, лерилра цадирехІе.

Баркалла багъахъес дигулра ил байрам дураберкІибтас, писательла хІур-
матбарили, чеалкІутази ил хъумХертахъес къайгъибирутас.

ГЯХІМАДХАН АБУ-БАКАРЛИС

Дагъиста дурхъал багъа
БакІахъибси гЯХІгъабза,
ХІела чевяхІдеш бурес
Чумра далай делкІунра.

Хъуракадиуб хІези
ХІяяра умудешра,
АкІубла хІердарири
ЧеряхІти адамдешра.

ХІела пагъмургас къимат
Кабатур гЯлимтара,

ХІела къадри ва къимат
Дурала улкназирра.

АхІенри хІу гЯдатла,
Гъабзари гЯХІ хабарла,
Духъянти замунтазиб
ХІебулъан хІела ура.

ХІела у бурибихІир
Ну пахрули рирцІулра,
Хабарлари, ГЯХІмадхан,
ХІу лебил гЯламлара.

НАНА ХІУЛИВАН МЯХІКАМДАРИБТИ

Дила рахъхІила гъалмагъ, рурибси учительница Аминат Чамсулвараевна,
сунела гЯмруличи хІерхІеили, сакІубси, гЯкълу бугаси адам сари. Аминатра
нура гЯХІцад дусмазир къаршидиркутира ва гЯмруличила ихтилатдикІутира.
Ил сунела рурсбани халаси хІурматличил, диги-
личил алаврुцили сари.

Гъаларванра ну Аминатличи гЯХІлад рякъунра.
Тамаша ахІену, илини жявхІелла, буркъбиубси че-
модан абхъиб ва илабси «давла» набзи чебаахъиб.
Илар лерри заманали дуркъкадияхъубти кагъурти,
грамотаби, документуни, жузи. Ил чемодан гЯм-
рулизивад жявли шалгІевухъунси сунела узила
сабри.

Иш гъакІлис Аминатличил дила пашманси их-
тилат бетаур. Илини хІулбазир нургъбачил сунела
узи МяхІяммадличила хабар бехІбихъиб.

ГЯлиев МяхІяммад Чамсулвараевич акІуб-
сири 1942 ибил дуслизив Сергокъалала районна



Ванашимахъилизив. Ил хІябал дус виубхІели, дудеш Чамсулвара дявтази арукибсири. Авал дурхІя нешличи хъарбикибтири ва дурхІнази гаши-дягІи хІедагахъес, белчІуди касахъес илини халаси къайгъи дакІубарибсири. Халалгъуна Ибрагъим юрист ветаур, Марьям – вачарла хІянчизар, Аминат – му-гІяллим, МяхІяммад биалли – лётчик. БегІлара серхурси ва жагаси урши вири МяхІяммад. Ил, шилизибси школа белчІи гІергъи, Избербаш шагъарлизибси дубурлантали интернатлизи керхурсири, ва белчІуди гІяхІти къиматуначил хъараахъурсири. Спортлизивра цархІилтазивад декІарулхъусири. Спортла ва белчІудила шайчир гІяхІцад грамотабира касибтири.

1961-1963-ибти дусмазиб гІярмияла къяяназиб къуллукъбарибсири. Илаб МяхІяммадли моряк-подводникла санигІят касибсири.

Мушулвашнила абзлизив Цудара урхъула флотла чемпион ветаурсири.

ГІярмиялизилад чарухъи гІергъи, сунела гъалмагъуначил варх, Бакулизибси лётное училищелизи керхурсири. Илдала лугІилизив цаибил сайри МяхІяммад. БучІахъес авалра дурхІя Саратовла областлизибси Красный Кут бикІуси шагъарлизи бархъиб. БелчІуди хъараахъурли, МяхІяммад МяхІячкъалализи чарухъунсири ва «Аэрофлотлизив» узес вехІихъибсири. Июнь базличив, шила хозяйства заралчибачи къаршидеш барахъес, сунела гъалмагъуначил, МяхІяммад Азербайжайзи вархъибсири. Ца-чумал бархІила гІергъи ил кахси бехІемцІлизив алхунсири. Гъалмагъунани бурни хІясибли, Саатли посёлоклизибад Сабирабад шагъарлизи лябкъуси дехла машинала кабинализи кабиили хІябалра лебли, машина къанавлизи убяхІбикибсири. МяхІяммадли шофёрра механикра къалабали дурасили берцахъили сай. Сай дураухъес вализурхІели, машина гІуррара ругбяхъили, шиннизив ил гІяндикибсири. Чис гъанбиркусири, гІямру дегІлара вавалидяхъибси, 26 дус виубси спортсмен убкІар или.


М. ГІялиев ишбархІира сунела гъалмагъуна гъаниркахъули сай. Илди саби ДР-ла культурала урибси хІянчизар, сценарист МяхІяммад Сулайбанов, ванашикан МяхІяммад Мустапаев, лётчикуни Элбрус Чутаев ва Шамил Даудов.

«Дила узини жагали далайикІес, улхъес бали, жикъиличил къугъати макъамти кайи. Сунела гІямру бебкІали дайдахъиб, бигути гъалмагъунала къукъя гІелаб калун», - рикІи Аминат Чамсулвараевна.

ХІера, Аминатли узичила баянти буркъа чемоданнизир нана хІуливан мяхІкамли дихІули сари. МяхІяммад алхунхІейчибад сецад замана арбукъялра, Аминатла уркІилизибси мурхъси дяхъи сагъбирули ахІен. Рузбас узбала агри даимси децІ саби. Узбас багъишлабарибси назмула тугъачил белкІ ахирличи биркахъулра:

**Узби, узби дулекІла,
ГІязизтира рузбала,
ХІушала агри къяйда
Нушаб декІси агара.
Рузбала уркІбазибси**

**Дяхъилис агу дарман,
ГІямрула гІямру нуша
ХІуша гъанни дисулра.
Агрила декІси дяхъи
МурхъбикІули саб гъаман.**



Поэзия

ХІяпиз АБАКАРОВ



БАЗАР БЕТАУР ДУНЬЯ

Чедаая сен хъярхъли
Дарскадиубал гІямру!
ТалихІчевси сай адам
Бихул Аллагъла амру.

«Гъар секІал къулайдиуб», –
АхІенра ну викІули,
СенкІун хъубзара адам
Чейулла цІумикІули.

Халкъли селра багъайчи,
Улка хъулкнази бикиб,
ЦахІнабли пачалихъла
Къуллукъ жявли абикиб.

ВерхІцІали дус дургъули,
ХІилхІи сархібси бархъдеш
Хасмушуна кабушиб,
БетахъибхІели сахъдеш.

Халкъ гъарали лутІаннис
БикІули саб бизнесмен,
Халкълис гІяхІси биралли,
Бураб, хІевзуси ил сен?

Ца давлачевиахъес
Даршал саби лутІули.
Сецад давла бучалра
Къуртма ахІен лукъули.

Давла бикибти саби
Ханани бетаурли,
Узи-рузи булан саб
Илдани хъумуртули.

СягІятван бузул дунья
Базар саб бетаурли:
Вачар-чакар ахІенси
АхІен селра батурли.

Адаб-хІяя адамта
Саригу хъумуртули,
Чебаая, сен хъярхъли
БуцІачи шурбулхъулил.

Велкъун узи мискиннис
АхІен узи викІули,
ХІейгули сай ил чезс,
Виаллира убкІули.

Мискинси гІяхІял булан
АхІен хъуравирули,
Аллагъла вакиллизи
Бири ил халирули.

Гъар гІямзилар абхъибти
ДетІили сар базурти,
Чина хІеризадлира,
Демжурли сар вачурти.

Узес хІянчи агарис
Седирути базурти?
Лебсилесра лугути
Саригу къарапулти.

Базригантасра гъанна
ДетІили сар базурти,
СенкІун масани асес
Агара арцла бегІти.

Къалпчиба базурти сар
Чус урдаби дарили,
ХІу виргІяс хІядурли саб,
Авал хІули дарили.

Дунъяличиб хабарла
Бири нушала улка.
Илизирти давлуми
Дирулри дусли хІябка.

Бехъубли тІутІубариб,
КІел пІягъили бургъули.
Илди вершаби биъни
Гъанна саби иргъули.

Душманти руржахъесцад
ЦІакъра лебри улкала,
ХІевъуси урухири,
ГъакІбарили дукала.

БархІиличи бархІи сар
Декъра дурхъадикІули,
«ЖягІял сели дукехІе?», –
Пакъирти саб бикІули.

Пачалихъли ишбархІи
Мискин ахІен валули,
Аричи сай арцла вегІ,
Виаллира вилгІули.

Мукъарлис бецІгъуна сай
Мискиннис гъанна хІяким,
Ца къямлабад букули
Саб лебил хІяким-карим.

«Бусурманра» бикІути
Сабигу бахъбикІули,

Амма дин-ислам сари
ГІурра чІукъадикІули.

ХІякимла узби саби
ИшбархІи маллубира:
«Нушаб хІедулгадалли,
Вайли бирар гъатІира!»

Агъ, дила динна узби,
БакІиб къалли мусибат,
Ишди хъунцІбар буцІани
Аишара нуша дат?!

Мижитлизира илди
Нушачил башули саб,
ДехІибала даресра
Мякъла кабилзули саб.

Някъби ахъкадуцили,
АлхІямра бучІули саб,
Нушаничибра ункъли
Къиблара балули саб.

Исламла къанунтира
Илдани далули сар,
Амма сенал дузахъес
Илди бахъ азгъинтикъар.

ХІялалси букусицун
Сай алжайзи аркъуси,
БигІунси биалли хІед
Варъара саб къутІкъуси.

УрхІла бигІунси букул
Душман сай Аллагълара,
Илис гъаргтили дуру
Къапу жагъаннаблара.

Аллагъ хъумартуртира
Булгутала ургаб леб,
ЦархІил велтІес бикалли,
Садиургу илдас хІеб.

Аллагъ валхІелусили
Идбаг декІар валусив?
Дунъя базар биалли,
Балга чинаб бирусив?

ХАЖАКУНТЛИС БАЛГА

ЖамигЯт цабиалли,
Гьар секГал гьунчидиркур,
Къияндешуначибад
Гьамадли чедибиркур.

Лебли буили саби
Цадеш дигХейгутира,
Илди саб жамигЯтла
Ургала бульутира.

Халкъ уржахъес бузути
ЛебХели разилира,
Илда кайцул гунзрачи
Сайра ну къабуллира.

Ил шайчив икъалайэс
Мурталра хИядурлира.
Халкъ багъандан бируси
ГЕббурцу Аллагълира.

Ясируцибси имам
Пачачи аркуХели,
ХажалагИаялизив
Уилри тIашизурли.

Мижитлизи ацили,
ДехИибала дарилри.
Нушала халкъличила
ГИяхИти гъайра дурилри:

«ХIеркI итшайчибти хIела
Душманти саби!» – бикИи.
«ХатГайкири, имам, хIу», –
БикIули саби уркИи.

«ХIушала ванзаличиб
Баракат камХебирар,
ГIурХели ил гьатIира,
Вирхулра, имцабирар».

Духули хIердиахъес
Ил нушази махикИи.
Сунела узбазиван
Ил малХIямли гъайикИи.

ЧеббалкIунтачирадра
Тийдили дуэная,
БалкIа дякъкад башути
Гъарахъли балтеная.

Арцли велкъунси, бикIар,
Дунъяличив агара.
Дучибти диур викIул
Я цалра чехIеира.

Арцлис яхI бирцутира
Лебли саб дунъяличиб,
Илдигъунти нясани
Нунира чебаира.

Адамти биргИябургес
Бахъал саби хИядурти,
Хажакунтлизибра леб
МялгIунтала къурбунти.

Къуртмабани дирути
Дахъал сари гIямулти.
Халкъ белтIес балбизурта
Сецад лерал далути!

ЧичIала къацIбикунси
Гъаяли урухиру,
Хажакунт, пуждирена
Хасмушунала макру.

Аллагълизи улгулра
Цадалги хIердиахъес,
Батира хя къарауйс,
БуцIачи гъямбикIахъес.

Цаличил ца дургъули,
Арцлис яхIра бирцули,
Наб хIейгулра чедиэс
Ярагъ даргес умцули,

Уржибдеш хъурабиаб,
Хажакунт, хIуша-урга.
Илгъуна саб ХIяпизла
ХIушаб бируси балга.

САБУР БЕДАБ АДАМЛИС

Адам сабур агарси
Вирар хІябра язихъси:
УрхІлис ахІенну, сунес
ХІебала барес гІяхІси.

ЦархІиллис децІагахъес
Селизилра хІебиру,
БегІла гІергъи бурул гъай
Илини гъалаб буру.

Хала бегІта делкІунти
Дурхъати кунганира,
Сабурбирес балахъес
Саригу махдикІули.

Гъалакси хІяйс ахІенра
Вайси саби викІули,
СенкІун гІямрулизиб ил
Бирар хІяжатбиркули.

ГІяхІти гІяхІялдеш дарес
Бирар гъалакбикІули,
Байрамра дурабуркІу,
Ахъли далайбикІули.

Сабур лебси адам сай
Мурталра духусира,
Марлира, илгъуна сай
Аллагълис дигусира.

Мурадличи виуси
Сабурла вегІ хІейрару?
Уркурли гІяра бурцан
Ахъушайс хІебикІару?

Сабурагар адамлис
Алжанара хІебиркур,

Бикалра, паргъатхІейрар –
ЦархІил баргес хъярхъиркур.

Сабурагарси адам
Гумайлавра хІейгахъу.
ВайтІа дирар духъути
Гъалакли дегІунти хъу.

Сабурагарси адам
Паргъатли усес хІейрар:
Улукъуси агалра,
Ухъалавра жургъикІар.

Сабур бирахъес сари
Адамлис дагъри гибти.
Сабурла бегІти бирар
Мурадличи биути.

Мургъи-арц агарлира
Адам хІеризс вирар.
Някъ белкъайчи узалли,
Илдира дучес вирар.

Сабурагар адамлис
Даим къиянни бирар:
Ца балагъ чеббикалли,
ЦархІил башули бирар.

Сабурагар – мурталра
Адалкунти цІализив,
Сабурла вегІ биалли –
Алжанала анхълизив.

Бурибси – цІуба арцла,
ХІебурибси – мургъила.
Сабурла умхъу бирар
Мурталра баракатла.

УЗЕН УРКИИ ХИЯЛАЛЛИ...

Дигив усес паргъатли? –
Узен уркии хиялалли!
Гъарил хIуни кайцIул ганз
Балуси саб Аллагъли.

Идбагла хIядисуни
Дагъни ахIен баибси,
Тяп илди хIясибли хIу
ХIеридэс саб гIягIниси.

Аллагълизирад нуша
Саррагу урухIули,
ХIеридэс къаслизирра
Ил викIуси дикIули.

Дунъялизи бархили,
Ахират хъумуртути –
Илди саби, викIулра,
Нушазибад пакъирти.

ХIяж бирути бахъал леб,
Муъминти саби камти.
ХIебиалли, бурая,
Сен бахъал лебил хамти?

Бисуси уркииличил
Балга бирусира лев,
Нургъба кIантIбикIули саб
Илини буруси дев.

СимкъикIули чеа ил,
Дирути камдилзули,
Гъар бархIи дехIибайчи
Виаллира калзули.

Дунъя гIеркъал саб или,
Вари, пахру мабирид.
Ахират саби гIеркъал,
ХIуни хатIа мабирид.

Вари, хIу къакъамайкIуд,
Кабурхарну иш дунъя.
ВиргIямайруд канилис,
ВикIудрану гIур гъуя.

Аллагъ разивиахъес
Узен уркии хиялалли,
Чейурину илхIели
ХIура дурхъал Аллагъли.



Хабурти



Ильяс ХИЯСАНОВ

ГИМРАННА ЯХІ

(Хабар)

Мурул адамла яхІличила ца мар уркІиличи бакІиб. Мегъала шилизиб кабикибси ца анцІбукъ гъанбикиб.

... Гимранхъала хъали шила дублаб, шурмала мякълаб сабри, хІябрачибад гъарахъли. Илабад дубурличира дубурличибад илара лебси цайли ца дякъ сабри – кІелра шайчибад чурхти низба кІапІбарибси, удир делкунти журуга гъягъя геркадикІуси, гъала хІеблизиб чяхІ-чяхІиличи шуркабулхъуси, яни-лизиб – миълахъличи.

Мегъантани мукъри дируси манзил – гъала гІебшнила цаибти бурхІни сарри. Гимран гІелав, марга гъалаб багълакабиубли шилизи чебяхІихъулри. Алаша эмхІеличир кІел къак хІядурлири, вава-къарла тІемти, сай вегІти мас-лизирад умцІули чердикІибти. «КІел дагра хира, кІел ишбархІира...» Унра тухумлира лерху илдицад... Даэсгу, диур... Аллагъ, хІези ца тилади: кадер-хахъагу жагІялра царахІелра хІела гІебшнила заб-марка. ХІунира нунира барх абикъуртала уркІби иш гъакІлисра шаладара, Къудратла вегІ!»

Гимран вамсурлири хІябал бархІи акъуухъесли, ил учи-учили кІийна гузетличи кайзурлири. Ядала камла рангси, чІучІубалхунси хъябличи къапІала чубкачирад цаагили каркути кІунтІрала авара бирули ахІенрину илини, жа-гІялла бархІиличила пикриикІулри. «ЦагъакІли кІел мекъ. Уршилис леркули, рурси редлугули. Я хІявлавала, гІяхІси сягІят биахъагу! Яраппи»... Гимранна шинишкавхъунти хІулби разилирил ахІенрил багъес аги: чурха къапІали кІапІкадарилри. Шилизи чевяхІихъуцад, гъункъяс марка камдикІутиван, Аллагъ сунечи лехІизурсиван кабилзулри. ИлхІели, пикри барсбиубхІели, Гимранна уркІиличи сунела гъарахъти, разити ва жапати жагъдешла бурхІни тикрардиубтиван чедашулри. Хаслира мекъла бархІи ляркъянайла лайлала аргъайчи сунес цІикури леркниличи вирххІеруси бархІехъ. Ге, киб итхІели сунела уркІила хІели – урезили рубкІуси унра рурси. УнабурхІличиб супІбарибси варъала къулсаван каберхур кІилисалра ит дугира. Илкъяйда цаличи

ца мурили, иштяхли гьардакѳиб хѳяндешра. Халакабаиб уршира рурсира. «Жягѳял – мекъ!»

Гѳимран музаличи чевяхѳикиб. Илаб саби сунела ши – чѳакала пукъаван ахъихѳиб, лесла мукекиличиб белшунси. Ахъбарили хѳулбачибад андаличи къаѳара, ил удибси – хъатлаб къяйда чебиуси – ургубаличи хѳеризур.

Лухъути диъба, дуѳути къаѳли, дучѳути гьарушли, сабиуси бакъукъли тѳембикѳуси гѳяйнир гьалараибси хабчабли, яхши-хуш даресила мерлаб, Гѳимрайзи гьалакли хъарбаиб:

– Дубурличиб селра декѳарси хабар кѳебу?

– Агара. Сен рикѳулри? – дебали хѳейгѳибизур муруйс.

– Гъу, хѳебиалли, Аллагълизи шукру... – хъунул, сари гьалакриъниличи мукѳурли, тѳяп жагъхѳелла манзиллизирван урузриуб.

Даг дуги гузетличив калункъи, Гѳимраннис гьанкѳаги. Мякълабси колхозла конторализибад – убла мижитлабад рурсбала тѳамала иргъулри. Жикъира, дабра, дядра абздикиѳтиван, ил усаахъес хѳелтули чѳярдикѳулри.

Серил аргъалализи буѳес хѳебиркуси секѳал уркѳиличи гѳяндкаурли челукъулри. «Убла мижитлар... делхъ? Удѳиб – колхоз, чѳеѳиб – клуб... къяян-жапа удир, далай-гьалар чѳедир... иличи че – ишбархѳи бархѳехъ хъуна суалра...» Гѳимран варгъила бурушлавад айзур, удѳиб хѳербирути унрубала хъалчи – чула гьаргала – дуравхъун.

– Я дурхъаси Аллагъ! – разивиуб ил, марка тѳашдилзулри. Хѳябдѳяргъи гѳячихъли чѳедиулри...

Гѳяхѳси гьавличил бурушла чарирули левли, Гѳимранна сахъси хѳерли гѳяйнѳибси гарасла къяйчиб сегъуна-сабрил ѳудара арѳан буѳиб. «Тѳумав, ахѳену?! Юх, тѳума ахѳен! Аллагъ, хѳела уркѳеѳи!» Паргъатбарили-хѳебарили уркѳира, ил гѳурра тѳянишли ахѳенси арѳайчи хѳеризур. «Гъа! Ваѳѳала ѳудара чѳяка, селичи бакѳилри къанси аргъелизѳиб? Зѳярхѳси диъла тѳем гьанауру... яра цархѳил сабаѳ?..»

Усаѳс валкъхѳеурли левай, Гѳимрайчи хабчаб хъярхъли гьамриуб.

– Жей, валкъаи уршиличи!

– Се биублив? – итмадан харѳизур букѳун.

– Кѳунтѳѳи хъанѳкаѳиубли, гъай каѳерхурли тев... Я Аллагъ, се бариша нуни?!

Гѳимран хѳябал ганзли урши левси хъули саиб. Сѳепайда, къаниуб. Дудешла бусрав-балга илис кумекли диѳс хѳеѳири. ѳаѳахѳели дебали разивиънира дебали изесвяхѳинигъуна саби: жагѳял, жагѳял, жагѳял бирару, ѳяѳ савли саѳаили диалли – мекъ бируси дурхѳя, разидешли уркѳи пѳякъаили, таманкаѳуб. Тухум-унрализѳицун тѳамаѳарили, чурхти низба бакѳибси къяшла дякъкад урши хѳябрази арухиб.

– Къадар илгъуна биѳиши гъатѳи Къудратла вегѳли белкѳунси, – бахълизи буруси ѳа жаваб сабри акѳибси аргъван кайзурти хѳулбазивад бархили аркъуси дунъяличи сунеласун хѳерикѳуси букѳа. Рурхъуси шангван уркѳи гардар-бикѳукъи, Гѳимрай бисала тѳама дурабуршули ахѳенри.

– Варкъхѳеркъили калунси виадри, хѳела ятим неш ребкѳ?! – Нешли къутѳкъути бисализи ари бедилри. Илизи чѳлра селра викѳесра хѳейри. Гѳимран иличи рѳяхѳятли гьамиуб, бекѳли лишанбарѳиб.

– Ахъли вьвмарикѹд, – иб муруй хъунуйзи, агарти шутри къяриули, бухѹнабси сунела дард чеди дурахѹебухъахъес къайгъилизив. – Марисуд ахъли, илала рухѹ гъимдуркѹарну.

Ил буресил-батесил хѹебалули, ца ити уркѹиличи бакѹибси сабаб сабри. Гъанна сайри ил бурусиличи вархъизурси:

– Сен хѹни бархѹехъ, ну гѹяйни айцѹухѹели, итгъуна суал гири?

– Савлиличибад бархѹиахъайчи... Ва сягѹят сабаайчи... ца агили... Къ-акъла диъ тимхъдикѹури. Хѹябмузан буребали ибухѹеливан... гѹр селичила пикририкѹиши ну, хѹечилара урши-рурсилчилара ахѹи?..

Нешла уркѹи декѹарси саби, нешла уркѹили гъарил балагъ гъалахили бала. Хѹурхъла бурявра, дунъяла дергъра, уршила бекѹара нешла уркѹилизир чумал дус гъалар алкѹути сари.

Шаладикнилис хъаршукла ца къатѹлизир дам-дядла жигарти тѹамри адердиб. Хѹурхъла савливан зярхѹли, сегъуналра шишим-децѹ гъанагарти. Шилизибси хала бегѹтала гѹядат хѹясибли, уршилис цѹикури кайчи, руси редили черрикѹахъусири. Бахъѹиагарли халаси тухум Гѹимранничи хѹерлири. «Се бирув илини? Илини се баралра, нушанира бирехѹе. Илгу – дудеш!»

– Иш нушала анцѹбукъ саби, ит юртличибси – чула, урхѹла анцѹбукъ саби. Нушала нушани чекайсехѹе, чула чули. Диргалаухъни цѹахдеш саби, гъим-дукѹес асухѹебирар, – букѹуй гъалабахѹи ганз кацѹиб.

Гѹр Гѹимран бакѹибтѹачи дугъаизур:

– Дебали гѹяхѹси барилрая дакѹили! – иб Гѹимранни. – дуги гъарушли ужули тѹама беткахъили сабину, далай хѹейрниличирад чердерхирая. Делхъ хѹедарес гѹямал агара, сецад ну гѹяхѹси уста хѹейаслира...

Гѹимран гъав вашули, хѹябцѹа-авцѹали мурул ва хъунул дургѹелализи делхълизи дурабухъун. Мегъанти илис ярккан бикѹар... – Илцада децѹра дигѹянбириси саби цацахѹели адамли.



МяхИяммад СЯГИДОВ



МАГЪИЛА МУКУКУРИ

ДуцІрумлизирра дяхІила цІуба кьапІни бургачирад черхІейсути хІурхъазиб, хІулбала хІер хІяйранбирахъути шурми-ургаб пайтси ца त्याла лебри. Сунези ганз кахІецІибси ил тялализиб дугІла кьяцнала кьукья хІербирулри.

ХІеблизиб ванза вава-кьарли кІапІбарибхІели, турмигъунти мукукурап гежжала гежба акІуб. Гежбала гули цІала рангсири, чІянкІли михъирличиб хъатгъуна цІуба дамкья лебри.

Ца бараван халакабаили, кьяцнала бургачир халати мукукури чедаибхІели, гежба тамашабиуб. БекІ пялхъярбариб, амма сунела бекІличир лихІби ахІи, гІур селра аги. Гежба пикрибухъун: «ЛихІба тІамала иргъули сари, хІулба дунья чебиули сари, кьянкьуба гягІ балахъули саби. Мукукуразибад се гІяхІдеш лебси вара? Кьяцни кьарли дугухІелира, кІаламдикІухІелира, дусухІелира бургачир мукукури, кьарауйчирван, тІашли диалра, илдани чебиуси, бикъуси, балуси селра агарагу».

– Неш, кьяцнас мукукури селис гІягІинити?

– Мукукураира агарли, макрура хІедалули, илдас хІердиэс кьиянхІели.

– Пегъ! Мукукурачил ахІенгу кьяцни кьарли дугути, – кьабулхІебикиб гежба. – Илди агарли хьалли, ну хІербиэс бирулрагу.

– Гьачамлис хІуни дахъал секІал хІедалулри, дила биштІаси. Лерилра дигІяндешуни мурт-биалра хІунира иргъид, – иб неш-гежали.

Гежба тІяхІ-тІяхІбухъун ва урунжла шинничи гьамбиуб. Урунжла дяхІим-цІайзиб сунела сипат чебаиб.

– Чинабад бакІибси иш мукукури агарси дибягъ? – чилирил хьарбаибсиван бизур гежбас.

– Ну дибягъ ахІенра. АхІенра урухтусра. Ну уркІи чІумал пурс сабра! – гежба гІеларти кьяшмачи ахъбиуб ва мукукури агарси, шиннизиб чебиуси сипатличи хьурсбухъун. Шин парчдухъун, мявнадиркьесдииб. Урунжлизисси сурат бетахъиб. ХІяз-хІузлизис ахъибси гежбали сахъли бирахъес нешли гІердурибти насихІятуни хьумартур. Хапли бекІла чедиб цІудара гьагулгъуна гьармука хьирхъа чІака ласбикІесбииб.

– Ме-е-е! – вавбикџесбииб гежба.

Итмадан илала мякълаб неш-гежа багъарбиуб ва чџака гъарахъбикахъиб.

– Дугџрухъ гџямрула имтихџянти дахъ къяркъти дирарну, дила биштџаси, сахъли бирен. Гъачамлис хџела мукукури агарану, набчибад гъарахъмабиркуд.

«Тамаша, заклизирад заб-марка ахџи душмантира дашулигу, – пикрибухъун гежба. – Гъаннала гџергъи шинни бужухџелира заклизџи хџербикџус».

Садаиб гџебшни. Цџакъани ца бара имџадиубхџели, гежбани сахъдешличџила гџурра хъумартур. Сабицун хџязтабиркъули, халати пурсанала къукъялизибад гъарахъбиркесбииб. Пурсанала гъягџи дџуцили тџялализиб гушбиубси бухъна беџџи багъарбиуб. Гџяйбикџуси къяцнала къукъяличи гъамбиэс урухџули, илдачибад тџяйдили хџязтабиркъуси гежбачи гъамбиресбииб.

Каниличиб хъусбикџули, гежбачи тџяхџбухъес балбизурси беџџла гъалабад, пурбухъи къакъба арцур. Илала тџамали урџџбухъахъунси гежбали бекџи ахъбуџиб. Къакъба арцурси мерличирад сунечи гъалар чехџедаибти клел хџули хџердикџулри, аъбяхъибси ганжубар къак саби бергес хџядурлири. Гежба дебали урухџиуб, мурчџалилизирад дарибтиван илала къяшми дулкџесдииб. Лебси мерличџибад вџяшбухъес хџебирули, дадкабизур. Нешлизи жиэс дџигули хъалли, тџама бетяхъиб.

Жаниварла гъягџи гъанаурли, гъабкъя къяца гежбачибяхџи бетухъун, ва иличи чебухъес хџядурбикџуси беџџличи хъурсбухъун, гџур биалли, сунела мукукурачи жанивар ахъбуџиб, ванзаличи игъуб. Беџџи хъярхъли харчбизур ва цархџил шайчибад чебухъес балбизур. Амма гъабкъя къяцали сагадан мукукури гъаладуџиб ва жанивар гъабяхъиб.

– Дилара мукукури диалри, нура уруххџебираси, – бикџар гежба гъамбиубси нешлизи.

– Илбагъандан сабрагу хџези ну нушачџибад гъарахъмабиркуд бикџуси.

Гџела гџебшнилизир тџяллаличир къар камдиуб, бергеси баргес къяцнас къяянбухъун. Илди лусентала уди гечдиресдииб. Къяцни шурмачирад тџяхџдулхъулри, ванзализџи мукукури атџахъи, пагъливанчџибиван жургъдџухъи, къяшмачи тџашдилзулри. Илдачи хџербикџуси гежба тџяхџбухъес урухџули, гџела хџихџиуб.

– Неш, дила мукукури агарагу, нуни се бируси? – къакъабакџиб ил.

– Хџу галгала клџапџиван кункли сабри, хџела биштџаси къяркъай къяшмачи гужхџебируну, тџяхџбухъен.

Гежба, тџяхџбухъи, лусенна удиб багъарбиуб. Сунес гџергъи лусенна уди кабаџџибси нешлизи гежба суравбухъун.

– Неш, сен дила мукукури агарти?

– Ляркъути хџебли хџедра магъила мукукури лерхуну, гушхџебиубли, сахъдешличџила хъумхџертџули, яни шалгџеббатес къайгъибара.

– Хџябилра гџяхџил биэс, жџав-жџавли янира шалгџеббухъи, хџеблизир дилара бекџилчир мукукрира дагъардиалли, – хъулана хџяйбатахъур никџа пурс гежба.

РАЗИДЕШ

АлхІят бархІи сабри. Гърша гъагултани закла дуб буцилри. ДяхІила пусли лапІардикІулри, илди ванзаличи кагибмад дицІулри, биштІагала палтар, дабри шинкІадирахъулри.

Къакърбазибти дурхІнани хІяз-хІуз тІашаиб. Аргъличи гІясивиубси МяхІяммад хумарли хъайгІи чарухъун, шинкІадиубти дабри унзала гъала игъуб, алав хІеризур – дудешли бячунси ута балбирулри, нешли биалли палтар ицулри.

Аргъли вачавархахъибси уршила дяхІ дамкърли чедаили, неш тамашариуб:

– Се бетаурли, дила урши?

МяхІяммад, дубра хІехъили, уталичи мурдайиб ва, дузаблизибси урчиличи мурдайибхІеливан, тІяхІикІесииб.

– Ягъари, дила урши, лерил утни мадылчадгу. ХІуни бячунси иш ута гъачамлис балбарили ахІенрану, – иб дудешли.

– ХІебиалли, каса хІела ута, – урши айзур, къалтийчи чІикъитІун, ита-иша герикІесииб.

– ХІуни гъярудуги палтар дирбес ралкъхІерулагу, дила урши, циила паргъатии, – зигаррухъун нешра.

МяхІяммад хумариуб, гъаргала дуравхъун. Къапула гъалав гІяхІял чеили, ил дуцІли хъули чариуб.

– Дудеш, нушачи гІяхІял хев лявкъули.

– ХІед гІяхІли дебали дигахъиду?

– Дигахъис, сенахІенну илди бацІли хІебашар. Илди бакІибхІели, нешли халаси дий абуршу. Илди лебхІели, хІу наб ургъхІергъуд.

АШНАБИ

ВацІала дяхІцІилиу дигІянбикили, халаси ахІенси ца дерхІла юрт цІубли рурхІулри. ХІунтІена кирпичуна хъалч буцибси ил юртла цадехІ унза урхъначи, итилти хІурхъачи, хІябъэсти биалли вацІаличи хІердикІулри.

ХІурхъачи хІердикІуги унзаларад хІязтариркъес гехІел дус риубси Раисат дурарулхъи, хІурхъачи хІердикІуги унзаларад – шел дус риубси Маринат, вацІаличи дяхІичити унзаларад – верхІел дус риубси СалихІят.

Гамсти дяхІ-някъра къаркъала гала къукъригъунти цІудара хІулбира, дягІли ита-иша бирхъуси чІигІяван чІикъбитІунси чархла регІ Раисат дебали сарерхурси рурси сарри. Анхълизиб бикърурси гІинцлагъунти ляжубира, гІебшнилизир деркъибти къарван берхІе рангла чурмира, чуду-хинкІван рикърурси СалихІят малхІямси багълати хІял-тІабигІятла регІ рурси сарри. Маринат дяхІ шаласи, балча-ранг хІулбар, мицІирагличи дебали уркІецичерси, рурси сарри. Азбарлар илдачи хІерли дири: хала дудешла хункІгъуна

биштГаси хяра, хяличиб кЕл тІулла къадар ахъси берхІе житара, урхІла адам гъамиахъес хІейгусиван лебтаци чебулхъуси хІунтІена дагъара.

АлхІят бархІи сабри. Раисатлара СалихІятлара неш-дудеш савли-жявли базарличи арбякъун. Гебшнила берхІила нур гІяйнир гІяйдиубмад, Раисат биштГаси чІапра касили, азбарла дурарухъун.

– Даширая-даширая гІинцби далцІес, – рикІар Раисат.

– Чинара гІинцби? – гъамбиуб СалихІятра Маринатра.

– ВацІализир. Нуни балуси ца гІинцла галга леб. Гъабил бархІи нура нешра сирмугуначи дякъунхІели чебаибси саби, – халарерхур Раисат.

– Нура хІушачил, – сакІуб Маринат.

– ХІу гъачамлис риштГалири... – хІуван диштГлахІели, нушара вацІализи хІедашира, – тІашаиб ил СалихІятли.

Маринат гъимрукІиб:

– ВацІализи хІерукасли, дудеш бархІехъ чариубхІели, хІушаб нуни шикаладуни хІелугас...

– Халаси тамаша! Цулби изахъути шикаладуначир гІинцби гІяхІти сари, – Раисатра СалихІятра гІинцби далцІес арбякъун.

– Гъари, тІашдизирая, хІушаб нуни... хІушаб нуни се бирисал... – симкърикІесрииб Маринат, хъа гъалабси ганзухъличи гугрирули. Рисуси рурсиличи улкъайлабад хъула жита хІербизур, гІур, гъамбиубли, рурсила къяшмази суркбикІесбииб. Рисуси рурсиличи гъамбиубли, Къаплай илала къукъаличи кабихъибси бачИи лимцІбариб.

– Сен децІлизи рикилри, рузи Маринат? – дикІутигъунтири житара хяра.

Маринатли нургъби душкиб, житара хяра лявдариб. Разидиубти хъа мицІирагла ва Маринатла хІяз бемжур.

Раисатра СалихІятра вацІализи бухІнабулхъулри.

– ХІера, ит зурбаси мигла галга! Илала мякълаб гІинцла галгара лебси саби, – абзлизи икибси левхІеливан дуцІрухъун Раисат. Илис гІеларад гъайриуб СалихІятра.

– Эгъе-гъей! Ляжуби хІунтІена, кам бухъутІа гІинцбала галга бахъ берхъилигу! Ишкъяйда берхъибси галга школала анхълизибра агара, – хІулрукІиб СалихІят.

Юлдаш рурсилизи чІапра бедили, Раисат, галгаличи арацІиб ва гІинцби къябдиресрииб. СалихІят, гІинц кабиркуси мерличи чІап убуруцули, галгала удир сарри.

Пурбухъи бакІили, вякълякъи мигла галгаличи кабииб.

– Вякъякъ-вякъякъ-вякъякъяй! – тІамадариб илини. «Караул! ГІинцла галга луцІули!», – бикІусигъунари ил сунела мезли.

– Рахли къараул вакІалли, се бирехІе? – урухриуб СалихІят.

– Ца чумал гІинц нушани касахІелра селра хІебирар. Даари сунесра кавлули сари, – гІицба луцІесрииб Раисат.

Чина-биалра гъалаксиван дуцІбикІули, вацІала чІянкІличиб хапли бухъяна къуйрукъла бегІ хя багъарбиуб. Хя чебаибмад, СалихІятла някъбазибси чІап батбухъун.

– А-аба! Гъуя, дила аба! – чІяррикІесрииб рурси, хъулиряхІ рубшули.
Къуйрукъра силтІбирули, сунечи хІербикІуси хялизирад урухриубси
Раисатра, цІуздагиван, галгала арличи цІапакун ва жирикІесрииб:
– Неш! Ва неш! – рисирииб Раисатра.
– Гъям! Гъям! – рурси сунезирад урухригъниличи харибиубсиван, хя гъ-
ямбикІесбииб.
– Дудеш! Ва дудеш! – Раисатла биса сурс-къакъарлизи дарцдикиб.
– Гъям! Гъям! – рисуси рурсиличи вякъкабизурли, гъала къяшми галгала
арличи ахъдуцили, тІашбизур хя. Раисат тамай урухриуб.
– Ва Маринат! – бареси хІебалули, алав-гъалав хІерризур Раисат.
Гъуя, дила ашна къияйзи рикилигу, – уркІкарухъун Маринат, Раисатла
тІама аргъили. – Ил набзи жирикІули сари, – вацІализиряхІ дуцІрухъун рурси.
«Белики вацІализир кампетуни дуртІули диэс... Гъари, нура ила аркъяс»,
– Маринатлис гІергъи дуцІбухъун илала хяра.
«Маринатра хяра диъба чудни-хинкІа букес аркъули бургар. Гъари, нура
илдачил барх аркъяс», – Къаплайс ва рурсилис гІелабад къалабабикиб жита.
ДуцІдикІути Къапланра житара чедаили, хІунтІена дагъа тамашабиуб:
«Ку-ку-дя-гІу-у!» или тІамара дарили, ил вацІализи бухІнаберхур.
Гъаларад Маринат, илис гІелабад Къаплан, Къаплайс гІелабад жита, житас
гІелабад хІунтІена дагъа вацІала чІянкІличир дагъардиуб. Райсат рерцахъес
музабухъунси хІеребе чебаибхІели, къуйрукъ бухъяна хя «БекІ дигалли, гъу,
къяшми» бикІусиван бебшиб.
Раисат симкърикІули, галгаличирад карацІиб.
– ХІу хІериадри, ит бебшибси дугІрухъ хяли ну бутІнадрираси, – хъябру-
црикиб Раисат Маринатличи.





МяхІямад КЪАРАТОВ

ИШДИ ДИРЦУТИ АХІЕН

Ца ахмахли Уллу-ГІяяла базарличи вякъи, хъули духес итил-ишил исули уили сай. Вачрукъячи гъамиубли:

- Ишди се сарив хІела?
- Гинцби сари, – викули сай вирцан.
- ДитІакІа ца-хІябал кило, гъарил гІинц кагъарлизи берген.
- Ишди се сари?
- Кякянти сари.
- ДитІакІа кІел кило, гъарил кякян кагъарлизи берген.
- Ишди се сари?
- БяГІли сари.
- БитІакІа ца кило, гъарил бяГІли кагъарлизи берген.

Ишди се сари?

– Ишди гречко сари... Ишди дирцути ахІен, – викули сай базриган ур-кІухъи, рахли илдира кагъарлизи рургахъу, асалли, или.

ИШИЗИРАД АРЦ САМАЙСИД

Кайхъи больницализив сайри. Базар бархІи, дурав, азбарлизив къунзикІули левли, 4-5 биштІатира сайра тянишси тухтур вакІиб. Илдачил варх нура тухтур узуси мерла ацІира. Ца риштІаси рурси набчи гъамриуб, хъар-хъаррикІес рехІрихъиб. Нуни ил гапрарира жагаси, духуси рурси леррикъали хІу или.

- Халадудеш, ишизирад арц самайсид хІуни, – иб риштІалли.
- Сен ишизирад декІар сахІейсутив? – виІар хала дудеш.
- Иш гІяхІси сай, – иб риштІасили.

ХИЛА ГЪЯЖ БИГІУН

МяхІячкъалализибси хІулбала больницализиб наб операция бариб. Наб гІергъи ца кІарахъайсра барибсири тѧп дилагъуна катарактала операция. Илис гъаларра ца палатализир сарри нуша калунти. Операцияби дарили гІергъира ца палатализир къаршидикира.

Операция барибси дуги бархІехъ медсестрани палатализирти шелра адамла хІила гъяж умцур. Дила лебри 120-80, набчил барх операция барибсила 110-70.

Савли гІурра умцур нуша кІилалра хІила гъяж. Иш гъакІлис сестра рехІ-сурриубли, цархІил сарри. Савли дила хІила гъяж 110-70 сабри. Набчил барх операция барибси кІарахъа – дуги бархІехъ дилагъуна, 120-80.

– ВяхІ, – викулра ну сестрази, – иш мякълавси кІарахъан ГІяхІмадли дуги дила хІила гъяж бигІи сай.

– Секъяйда бигІив? Илгъуна барес вируси ахІенгу, – рикІар сестра. Илис ПатІимат бикІусири.

– ХІебалас, секъяйда бигІунсил, дуги бархІехъ умцурхІели дила 120-80 лебри, ГІяхІмадла 110-70 сабри. Гъанна биалли ургІебли бетарули саби: ГІяхІмадла ахъбиубли саби – 120-80 абаили. Дила 110-70-чи гІяшбиубли саби. Дуги иткъяйда балбикибси дила хІила гъяж бигІехІебигІялри, ишкъяйда гІяшбирив гъатІи? БигІи сай иш кІарахъай, – викулра ну. Палатала бухІнаб лехІдеш сабри: ну мехІур-секІал виублив или пикрибикІули бурги илди.

– Гъу, бигІялра буэс, халал бигІи ахІенну, – викулра ну.

Палаталабти лебтанилра букІри гъакІ-гъакІдариб, дукарбяхІиб. Илдани дила масхара аргъиб. Масхара аргъиб сестра-тухтур Патя – ПатІиматлира.

НЕСЛИЧИ БАРХЫБСИ СУРАТ

ГІярмиялизибад уршили нешличи кагъар бархыли сай, суратра кабихыли. Кагъар касили сари нешли. Абхыли сари ва суратличи хІеръили сари, кагъар белчІес гъалаб. Суратлизиб танк ва илала чеди кабиибти чумал солдат лебри. Итира-ишира шурбалтули нешли сурат гІяхІил хІясиббарили сари, аммки танкличи кабиибти солдатунала ургав сунела урши чеили ахІен.

– Ягъари, дила урши, хІуни бархыбси суратлизиб хІу чейули ахІенригу, варгес хІериубрагу. Нуни вагъІегъесли варсиублирив ца дусла ухІнав? – белкІи сари уршиличи бархыбси кагъарлизи нешли.

БахъІи агарли нешли уршиличибад гІурра кагъар касили сари. Уршили белкІири:

– Неш, ну танкличи кабиибтала ургав агарсира. Ну танкла ухІнав левсири, танк бикуси ну сайрину.

АПТЕКАРРА ТУХТУРРА

Дила къаркъайзиб изуси лебри. Чидил тухтурличи укъялли гІяхІсил дила тяниш аптекарьлизи хъарбаира. Илини наб гІеббуриб чичи укъялли гІяхІсил.

Ну вякьунра илини урибси тухтурличи.

– Ил иза чевкад набчи вакІайчи цархІилличи вякьунрив? – хъарбаиб тухтурли.

– Аптекализив узуси тяниш лев дила. Иличи вякьи уира, тухтурличила хъарбаэс, – викулра ну.

– Се абдал буриба илини хІези? – викІар тухтур.

– ХІечи дугъаизахъес маслигІятбариб илини, – бурира нуни.

Тухтур уркъухъи хІязизур. Амма илини набчи хІеръиб, дахъал гъай хІеда-
рили. Республикала ца больницализи направление гиб.

ХІера, сегъуна анцІбукъ бетас бирули буилил, пикрихІевхъи абдал гъай
буралли.

ДИЛА САБЛИ УББУХЪУН

«Сагаси уруслан» жумягІцадхІи укули-ужули хъули чархІевхъи кали сай.
Казинолизир дахъал арц ардухахъили уили сай. Хъули вакІибхІели, хъунузи
викІули сай:

– ХІед кІел сагати хабар лер, ца вайси, ца гІяхІси. Чидилличивад вихІихъи-
ша?

– Буэсну вайсилличивад вехІихъи.

– Нуни лерилра арц казинолизир ардухахъира.

– ГІяхІси сегъунара бура.

– Ил казино дила сабли уббухъун.

РАЗИСИ ТАКСИСТ

Цудхъурла ца шилизив дила бажа лев. Валгунси, валикибси, жагаси
хъалибаргла бекІ сай. Дахъал дусмазив ил таксистли узули сай.

Илини гъамти мераначи-гъарахъти мераначи букъес дигути адамти бику.
Нушала республикала дурара вашули вирар.

Илис дигахъу делхъ-далуйти, музыка. Хаслира дебали дигахъу жагали
зайдикІути агурбачил делхъли улхъесра. Жагъли вирухІели, мекъ сяхІбату-
начив ил улхъули чейухІели, дила уркІи гІергъидулхъули дири илини дирути
жагати делхъличи.

Иш анцІбукъ бетасури Совет хІукуматла замана. Илини чечентала чи-
дил-сабил шилизи адамти букили сай. Чариубли лявкъухІели, итхІели дирути
касетабала ца асили сай. Машинтазир магнитофони дирутири. Илдазибад
далуйтачи, музыкаличи лехІихъутири. Таксистра далуйтачи лехІихъули,
гІелавяхІ чарулхъулри. Ил сайцун сайри машинализив.

Цазамана Къизилюрт ахъибхІели, магнитофоннизибад зйбухъи саби
хІекъли жагаси делхъла аги. Ил зайбухъунмад танкистла къаркъа хІял бехІ-
сурбиубли саби. Къяшми дулхъандиубли сари, сунечи лехІхІейхъандиубли.

Илини машина гъунила дублаб тІашаили сай, вируцад музыка ахъдарили
сай, машинала унзурбира абхъили, сайцун халаси гъираличил делхълизи
кавхъи сай. Ил тамашала анцІбукъ чебаибхІели, кІелра шайчирад дашути
машинти тІашиули сари, делхъли улхъуси гІевуцили хъатбикІули саби. ЯхІ-
барес хІебиубли, цацабехІти жагълтира кабухъи саби иличил делхълизи.

Машинтира тІашаили кабицІути бахъбикІулри, гъунила дублаб къакъа-
биубхІели, гъунила шайчибси диркъбикличиб булхъули саби. Къукъа хала-
бикІулри, делхъла мява гъарзабикІулри.

Музыка тІашдизалри, илди сагали зайдулхъахъулри, булхъулри жагъл-
тира халатира. Мурул адамта, тІерхъа бедили, делхъла мявализи хъунул
адамтира жибирулри.

Машинта ил мерличиб гІяхІцад къадарла гъунила дуб буцилри.

Цазамана МяхІячкъалала шайчибад дакІухІебирару ГАИ-ла машина. Делхъла хІяз бемжурси мерличи сабаили, милицунала машина тІашбизур. Кабаціили саби кІел милиционер. Някъбазир цІуба-цІудара тугъла дегІти тІерхъубира сабира.

Ца кацібмадан булхъутала мявализи арякъи, някълизибси тІерхъа бедили, хъунул адам жирарили, делхълизи кавхъи сай. Илра делхъ дигуси адам урги.

– Чили сарил зянгъдяхъили «ишаб машинтала бехІемці бетаурли саби» или, дакІибтира бикІули саби. – Чинара цІикури, – хъарикІули сай милиционер.

Илизи, секъяйдали бетаурсил ил хІяз бурибхІели, тамашавиубли сай ва ахъли дукаряхІили сай: «Наб къалли гъанбикиб, ишкъяйда бемжурси хІяз чебаибхІели, мекъла бутІакъянчиби бургар или».

– Чинава ил иш разидешла халалгъуна? – суалухъун милиционер. Илизи таксист чеахъиб.

Илди саби-ургаб гъайбухъунхІели, милиционерра дарган сайли увухъун. Гелешмешлис бедес или дурасибси арц илини таксистлис бедиб.

ХІушани чеирав, шоферлис арц бедлугуси гаишник? Илар бахъли къяшми датдухъахъун делхълизир. Цали ца балутира къаршибикиб, тянишбиубтира биуб. Разити аги-хІяйчиб таманбиуб таксистла балбуц.

ХЪУБЕШ НЕШЛА ПЕНСИЯ

ХІянчиларад рамсурли ракІибси, дивайчи геркайзурли левси муруйчи хъунул дугъаризурли сари: – Рахъ рамсурлирану, дила нешла пенсия бухагу, нуни касили лебну, хІедра гъамси риалли ил.

– Биха, архисра, викІули сай ил мурул касили пенсияла арцра арякъи сай хъубеш нешличи. Ил гуявли хъулир паргили сай.

– Ва дила дигуси хъуна неш, даг хІуни зярхІси диъ асили чебаира, дарагу хІу дигуси хІедра дигуси хІела гуявлис ца гІяхІти хинкІи. Нуни жершира итисну, – викІули сай гуяв.

– Нуни хІед рурси хІязлис гибси ахІенгу, хІела хъунуизи дарахъили укен, – иб хъубеш нешли.

– ХІела рурси рахъ рамсурли ракІиб хІянчиларад. Ил багъандан хІечи вакІибсира хинкІи дарахъес. ХІера ишди хІед азир къурушра.

Илини столличи арц кадихъили сай.

– Дарили дуаб гъатІи, – хъубеш нешли касили арцра, итмадан абушили сари зярхІси диъра, гуявлизи битахъес жершира, дишхъяхъес гІябира дедили сари. АлавракІили сари хинкІи дирес.

Халал замана архІябкъи, делхъи сари хинкІи. Гуявла гъала кадихъили сари илди. Укуси гуявличи хІеррикІес дяхІчили кариили сари хъубешра.

КІабатларти хинкІачи гІяшиубли, сунтІ-сунтІдарили сай гуявли.

– Агъ, дила хъубеш, хІябра бизили тІемдикІути лер хІуни дарибти хинкІи. Ишдачил гІярякъила шиша гъатІи биалри хІябилра гІяхІил бииши, – викІули сай гуяв.

– ХІерагу ца хІечи. ХинкІира дарили, гІурра шишара кабихъес гІгІнилив хІед нуни? – рикІули сари хъубеш неш.

– Гъаригу, ма ишди арцра, тукен гъарахъли ахӀенну, ха ца гӀяркъила шиша, – иб гуявли, кабихъили столличи азир къурушла кагъар.

– Ишцад арц лугухӀели ца шишалис, сен хӀейсусив шиша или, сунела юртличи дяхӀчиси тукейзибад хили шиша гуявла гъала кабихъиб.

Даршалра игъубли, хинкӀа укуси замана гуявла телефон зангъбухъун. Касили телефон лехӀехъалли, зянгърикӀуси хъунул уррухъун.

– Жей, нешлис пенсия бухирив? Бедирив?

– Гъанна багълакайубли бедлугули левра, викӀули сай мурул.

Сунела пенсияла арц дуили сари гуявли хъубеш нешлис дедлугути.

ХЪУНРИ БАРХЪБАТЕС САБАБТИ

Нушала шилизив мегъла уста вирули гъанбиркур наб. Илини колхозлис, шила адамтас мегълизирад жура-журала гӀягӀниахълуми дирутири. Ил ду-рашан сайри.

Илини нушала шилизиб кӀел гамъа хъунул кабиили, бархъбатурли уили сай. Цаибил рархъратес багъана баргили сай, ваяхӀ ицухӀели, хъулехъа халал башахъули, сапун жявли кабурхахъули сари или.

КӀиэсилличилра вахъхӀи хӀериубси ахӀенри ил. Илисра багъана баргили сай рархъратес ва шилизирад арукъес. Иш гъакӀлис гъатӀира тамашала багъанари илини баргибси.

Хъали ушкуси бушкала ца мерла, унзла гӀела, тӀашхӀебалтули, гъар бики-бихӀи тӀашбалтули сари, – ибси.

Нушала шилизи вакӀайчира, илад арякъи гӀергъира, кабиили уили сай илини хъунри. Лебилра верхӀел абикили буили саби. ХӀебалас цархӀилтас сегъунти сабабти даргибал бархъбатес. Илди дагъес биалри тамашала бетари.

Гъарил хъунуйзибад ца-ца урши яра рурсира буили саби. Сен ца-ца? Илра багъес хӀейрар гъанна. Ил сайра агара, ил валутира



Фольклор

АХЪУШАН ГІЯЛИ

Поэма

I

КъацІ беркес, хІянчи баргес,
БекІла чедиб бурх баргес
ДибГІя-хала шимикад.
Къасли дура арякъун
Мискин ахъушан ХІясан.
Ахирра ил лагизур
ГІяббас бикІул талхъайчи,
Талхъунтала ухІнавра
Урибси вайнукъячи.
Чебихъиб зугъаси дукІ
Талхъай ХІяса хъябличи.
Кабухъун майъала хІеркІ
Ил пяхъирла къакъьличиб...
Агара ХІясайс гъанна
Гъалабван кункси гъава,
УркІира саб децІлизиб
Сурсбалхи сунна вава...
ХІера, чумал дус дикиб.
ГІяХІацдхІи веткахъибси
Сунела гъалмагъличи
Зибкънар палтарра сарра,

ХІяйран хІулбира сарра,
Дурдиб хунжира сарра,
Ахъили халал гъуни,
Хапли рагъаририуб
ХІяса къабулил гъалмагъ.
Талхъай къапула гІелаб
Ца гІямзи чебаахъиб.
Дярхъра, дягІра, демжрира
Далав дигайла цІали!
КІел хІялалти уркІили
Шала бургу хІяблабра.
ХІясайс нарт урши варкъиб
Уршилис ГІяли бихъиб.
УрХІла ца базли къяйда
БарХІили халаикІар.
ДурхІя халаваайчи,
Хабарра агар изай
ДурхІяла неш аррухиб,
ЦІяб хІябла паргъатрариб.
ДурхІя децІлизи викиб,
Дудеш дардлизи викиб...

2

Яни аркъян, хІеб ляркъян,
ХІянчила мах декІбикІар.
ХІясайчи цІудара гъез
Дус-дусличи цІубдикІар.
ХІеркІла дублаб бакІибси
Биризла мархІя къяйда
ГІялира халаикІар.
ЗягІипси мазаливан
БекІ гъала ГІяшбуцили,
Талхъа гъала кайзурси
АхІер дудеш чеалри,

ВиштІал ГІялила уркІи
ХІунтІен хІили кІантІбикІи,
ЧІумадариб хункІазиб
ХІягиган кІантІибикІи...
Аллагъла къадар саби, –
ВикІи дудеш ГІясили, –
Нушала цІакъ агара
Талхъунтачил дяхІесра.
ГІяй, Аллагъли черарку
Лерил ишди гуж-зулму.
Гъариб ахъушан ХІясан –

Къати вацIала гъарил
Галгали ил валулри,
Гъунчибси гъарил къаркъа
Илис саламбикIулри.
Чялбудаилан анкIили
ДирцIи талхъа усурби,
Сунела мискин хъулир
дири барха-сагIгъунти.
Чуйнара талхъан кавшес
ХIясай хинжа ар буциб,
Амма дурхIяла дунъя
БуъхIебуэс лехIкайхъиб.
ГIяббасла дурхIни сабри
Даруйти-зарбабтазиб,
ХIяса виштIаси ГIяли –
Буркъа сукъба зибкъназив,
УркIиличиб дард сабри
ХIясанна лебилра мас,
Някъ белкъайчи хIянчири
ХIяса лебилра давла.
Азир изалачерли
Дудеш ухъали уциб,
Дудешла хIянчилизи
ВиштIаси Пяли вабгиб...
Талхъа хIяяагарти
ХIябалра дурхIя лебри
БирхIи цунси Пяличил,
Хуриван къяббикIули.
ГIялила някъ чегалри,
Илди пахIулван урци, –
Талхъа нукерта ГIялис
ГIярчумагли диркахъи.
Къатила къярд ватIан саб
Агъула чIичIлумала,
Илаб чумра гъабзала
Дег саб лига-къякъяла.
Халкълизиб хабар бирар
Къати-къадала къярдлар
ЧIичIлуми урцар или,
Мегъла кIатIализирад
Дег-сад ардашар или.
Талхъай макроличивли
ГIяли веркъес къасбариб,
ЧIичIлумала къярдлизи
Тяй урчи кахъес вархъиб.
Андаличибси майъа

МехI-мехIли чябхъбирули,
Цайкъяшмачил гъуйчирти
Къаркъуби дялчахъули,
Къатила къярдла саиб
Ургиван хъярхъли ГIяли.
ДуцIрумла буцIар берхIи
ТIашбизур бекIла чедиб, –
Ванза игули саби
Цай къяшмала удиб.
ВегIегIъили чIичIлуми
Гежбуниван дучIулри...
Лебилра бялчусиван
ЧIякъярбикIулри вацIа,
Хъусбарибси дукIиван
Кабухъун халал чIичIа.
ГIялила хIулбас гъалаб
Щудара тIал тIашбизур,
ЛухIцигъуна кIикъяран
Лезми дура гъабатур.
Игит урши хъямикун,
ЧIичIа хъяблабад буциб.
Щудара къякянтиван
Вай хIулби цIуцIаахъиб.
Ласбиубли гъаяван
ЧIичIай ГIялира вергур,
Ванзализи къяхъибсин
Сайра даргъли тIашизур.
БяхIилри илди цIакъли,
Къада гардарбирули!
Хъусдашанти, арцанти
Сари аькадяхъили.
Хапли ГIялини дуциб
Хъусбашанна хъяйхъуби, –
ВитIакIили гъярбердиб,
Гъярбердла урцул къяйда,
ЩIакъси уркIи кабикиб,
ТIяхIбикIули хинкI къяйда,
Касили ил чамкъбатур
ГавбикIуси гурз къяйда.
Арцантани хъатбяхъиб,
ЩIурцIба зирнявти делчIун,
Гурда-ГIяра тIяхIдухъун
Лерил делхъли кадухъун.
Хъусдашанти уркIдухъун,
ТIярхъубази гъардухъун.
Савли бархIи ахъайчи,

Бархехъ шаладикайчи
СирикИ ГЯли къярдлав,
Зумал вацАла ухІнав,
Шиниш къярли укули,
Демжур шинни ужули.
ХЕбаргили урчира
ГЯли хъули чарухъун.
Дудеш вайтА варгили,
Пакъир цакъли уркІкавхъун.
ВебкІес гъалав дудешли
Урши мякъла гъамвариб,
Халаси дард бухІнабти
Чумал аманат дуриб: –
Изай ишкъяйда хъярхъли
Ругирхъни баласири,
Кавшили иш ГЯббасра
Кархаси цЯбил хЯри.
ИшбархИи-жагЯл или,
УркИличиб дард тІашли,

Шимазир мискин халкъла
ХІулби нургъба чахІдухъун.
ХЯсан паргъатварили,
ХЯбразибад чарбухъун.
ЗангъдикІахъули ярагъ,
ГъакІбирули гЯрчумаг,
Нукерти-хури бакІиб,
БялгЯ-муръа дугІаиб.
«ЧевахІси талхъайчи!» или
ГЯли ила арукиб...
«Талхъайс урчи-гтяй хІуни,
Гъу, сен хІекибсири?» – иб.
Хъяб някъгъуна гъаяли
Чумали някъби дигъун;
ВерхІдехІ къапу гІекІили,
ЦЯбси туснакъла катур.

Вагъариуб гІур ГЯли
Рахли ца батагъалав,
ГЯхІси гъалмагъ ветаур
Мискинти ялчни-ухІнав.
Бара вецІну верхІра дус
Сайри ГЯли виубси,
Гъалагеси вяхІли мутІрус
АхІенри чебаибси.

Ил дардла гІянд хІерзили,
Муртлисалра аркъулра
ЦІудар гІянжила хЯри.
ХЕчи сегъуна бекІа
Лябкъянал багъес хІейрар,
БекІа белкІхЕбелкІунси
Дунъяла инсан хІергар.
Аманат саби хІези –
Дудешла дурхЯлизи –
Къякъяла къириб мажар
Дигъен, урши, чІумали;
Бугал мисри турла ар
Буца някъла цацАли.
ХІу веркъес гІямултагІиб
КъяйцІли саби талхъунти,
ЛаймабикІид вебкІайчи
Шила лебил мискинти,
Хъурабара азаддеш
Ишди талхъа лугърачи...

3

КІел дуги-хІери ГЯли
Ше кІантІ агарли ватур,
ГЯлила уркИличиб
Халаси гъими бертур.
Къярждарибти цулбани
Къараулти уркІаиб;
ГЯсили витІакІили,
Бабза гъая къябаиб.
ДукІилизи къужихъи,
Лебилра бурх ахъбуциб;
Пурсван кункли тІяхІухъи,
Хъярла шинван ветахъиб...
Тамашала анцІбукъли
ГЯббас цакъли уркІаиб, –
Къараулти буцили,
Лебилра хъяблабяхъиб...

4

Мискин жагъти дурхІначил
Узи ил, хІязта виркъи,
Дусличичи-дус цакъикІи,
Булбулван далайикІи;
ТІяхІикІи гъалли пурсван,
Къуватли сай ил пилван,
Чумали сай арсланван.
ХъанцІ урхъназив куртІирхИ,

Урхула лутИ умци,
Къакъличи мурдайили
Кахси къуртма дурайи;
БучИ, кІухбикИ сяхІбат,
ХІябалра жумягІ урхъни
ХІедухъун ца вяшалра.
Инсантаун ахІенри
Мекъ мубаракбируси,
Ил мубаракбирулри
Гъавала арцантара,
ВацІала сартантара,
ХъанцІ урхула шантара,
Хъярхъ урчила мурдаван
Шалгердхъун чумал дус,
Нартла куц-келпатличил
КІел дурхІя акІуб ГІялис
Чула жагадеш вири
Далайлизибцун бурес...
Мурул-хъунул бузули,
Саби бегІси мулк бариб;
Някъли сага биркъубли,
Эркинти хъу, анхъ дариб,
БерхІила ранг дулъахъул
Вайлиу ярагъ дигъун,
ДягІличил дуцІли башул
Къарабагъ урчи асиб.
ДуцІрумла жагал бархІи
ГІяли шадив дуравхъун,
Хъярхъси Къарабагъличив
Ургубакад къунзухъун.
МутигІсили ярагъван
ЛайдакІили кІатІнира,
БегІти алхунХеливан
Сурдатурли бургира,
Пашманти мискинтала
Баргиб халаси къукъя.
– Ассаламу гІялайкум,
АхІерти гъалмагъуни!
Сен илцадра мяхІрумли
Кайзуртирая хІуша?
ВаГІялайкум ассалам,
Пергер ахъушан ГІяли, –
Харч-харчбизур хъубзури,
Намуслизи бикили. –
Сен шаддиша нуша,
Къярдкад аркъул шиналра

Дуцалли давлачебта!
ХІера, ишди хъатгъунти
Хъалибарг балхул хъуми,
Милигли аъдяхъили,
Игули дегъла цІали.
Гъачамрав гушдиубти,
Гаша гІязабдеркІибти!
Кумекбара, гІяхІгъабза,
Ца бархІилис шин гахъа.
– Гъайда наб гІеларадли, –
Гъарзали ганз кацІили,
Ватихъиб ГІяли гъалав.
Гъунибаэс хІядурли
Уктемти давлачебти
Баргиб татау мякълаб.
Эркинти хъуми сари
Ши делкъи, лавшдикІули.
Церхъти бяхІяни сари,
ХІунтІен рангли ухули.
– Мискинти хъубзурачир,
Язихъти кулпетличир
Се къугъни сартив ишди? –
Гъайухъун цІакъли ГІяли.
– ХІуни балтахъусирив,
Нурбала гІянкІа дарган?
Или цІакъли гъайикІес
ХІу хІейишигу талхъан! –
ВецІну шурацад нукер
Барх чебухъун буцІиван,
КІапІуциб игит ГІяли
Варала кІантІ мирхъаван.
Хапбарили Пялини
Чумал шарала игъуб,
Цализи ца бяхъили
Чумилра къагъбиахъуб.
Хъубзура мегъла кІатІна
Дяхъядагиб гІелабтас.
ШайтІунтиван бебшили,
Бетахъиб вайнукъаби...
Хъубзура чус даари
Дуциб шин ва ванзурби...
Ванзаагар мискинтас
Ванзурби дедлугули,
Сай ваибти шимазиб
Лугъри азадбалтули,
ХІяагар талхъунти

ХІятХІятли руржахъули,
Дудешла аманатлис
Марли кавлулри ГІяли.
Бухълухъван чІяПикІули
Дудешла хІи держибси;
Дярхълар, цукла бурушлар
ГІязиз жан асахъибси,
Ахирра сай ГІялира
ЦІакъси милигдешлизив,
Гашала гІязаблизив
ВебІахъес къасбарибси
УвяхІси ГІяббасличиб
Гъими ихъисра или,
Къарабагъла къакъличи
Къабудданван тІяХухъун,
Гъунби агрумзабад
Къарабагъ дягІван арцур,
Урчила къяшмаубад
Бабза дирихъ абизур.
ГІяли лявкънила хабар
Арцур, шилизи бакІиб,
ГІяббасли нукер-вазир
Хъярхъли ярагълабариб.
Шила хъариб дугІярти
Ше гІиниз вихбикІулри,
ГІиниз-алав нукерти
ГІяли кавшес хІерлири.
Дирихъла кІана къяйда
Дурабикиб Къарабагъ, –
Гуръили ца тупангван
Шянкъдухъун лерил ярагъ.
Игъуб нукер-вазирга,
Игъадагуб ГІялини.
Къарабагъ сиркабикІар
Чарчарла хІула къяйда,

Гъар мерлабад талхъунти
Шамхайчи башар гІярзли;
ГІяли кавшес гІямулти
Гъаладирхъули вайти.
Шамхай ца бархІи сунна
Мажлис чукуркабариб, –
Гъари, бурая, гъанна
Пялис се бирехІел, – иб.
Итичил дакІу-гъаргси
Дергъли хайри хІебиру:

Сунела ГІяли хІелта
Гъалав душма хІубегъла.
ХІярхІя агиб мерличи
ХІяна къар къуждирули,
ЦІакъ мажарла хІярхІяли
ХІяб-хІябли герули,
ГІяббас хІулба умцули,
Ургъулри пергер ГІяли.
ХІяйванта хъусдарибти
ХІентІа-алав бугІмиван,
ГІиниз-алав датурли
Лайдибти жаназуни,
Гъаббухъун талхъан-нукер
Тирхъдхъунти гІежниван.
ГІяббасли ши бархъбатур,
Вархъли Азайни вякъун.
Халаси децІ бурули,
Шамхайчи³ ухІнаухъун...
Шилизивад вебшнилис
Ведиб ил Шамхай хІяблис.
Сунези викхІейкили
ЦІакъли децІагиб ГІялис.
Дудешла хІяблис алав
Цуб къаркъала лац бариб.
Шилизир аги-къяйда
БусагІятал дарсдариб:
Талхъунтала маза-мулк
ДутГиб мискин-пакъиртас,
Лебил шантас дигуси
Юзбаши катур шилис.
Мискинти узби бариб,
Талхъунти душман бариб;
Далуйти-хабуртазив
ГІяли шимази ваиб.

5

Халкъла уркІбази цІакъли
АтІи сай ил дигайван,
Ил-алав шайчи аркъян
Гъарилра мискин инсан.
Нуни балас бареси, –
Гъайухъун ЧІянкІа талхъан, –
ГІялила тебси саби
Къарабагъ – хъярхъси урчи,
Илис ил цугси саби
АхІерси дурхІяличил.

Нагагъла, дурхъал Шамхал,
Вархъаадли ца адам
Ит дарган дурхІяличи,
Тиладира барили
ХІябал бархІилис урчи
Арбукахъес архІяли,
ЧархІейру хІела адам –
Дарган намус барили,
Урхъу, урчи бедили.
Урчи чархІебарили
ТІашаадли илала,

– Хъунул, дила духуси,
Бурагу хІуни набзи,
Бедишав нуни урчи
Их Шамха нукерлизи,
Тиладибирулигу
Шамхай Къарабагъ дила,
АрхІяли арбукара
Ца кІел-хІябал бархІилис.
– Вари, малугад, ГІяли,
Увухъанну ламартли
Усал азайлан Шамхал.
Урчи гІягІнили дирул
Авара ахІен ишди,
ХІела Къарабагъ битІес
Макру сар далдуцибти.
Яра икІ Шамха дубриб
Сунна дахъал илхъназиб
АгарликІун хІебиэс
Урчи Шамхайс мурдайэс,
Шахлини вигабну сай.

ГІярчумаг биънабтази ¹
ТІамадариб Шамхалли,
Аргъахъиб мажлислизи,
БакІахъара Азайни.
ГІергъила бархІи лебил
ХІеркІван кабухъи бакІиб,
ГІялис се барес гІяхІсил
Макру-гІямал вяшдариб.
Ца-декІар кабизурси
ХІякъули пикриличи,
ГъайбикІи гІяхІли бахъІи –

¹ ГІярчумаг биънабтази - сунечи гъамти, сай гІевурцанти.

Сунела уркІи бялчан,
Виркур шишимъулази,
Виркур азир изайзи;
Уктемдеш пяхІли дулъан,
ЗагІипдеш дагъардулхъан,
ГъатІи сай талхъунтачил
Я дергъли дурахІелхъан.
Пикри ЧІянкІа талхъанна
Лебтани къабулбариб.
ГІергъила бархІи Шамхай
ГІяличи нукер вархъиб...

6.

– Юх, Ипари, ну Шамхай
ЧевахІли халарили,
ТиладибарибхІели,
Газали барибси тйя,
Ца иткъяйда гъарали
КебхІейсули виалли,
Сен хІелугусив урчи?
Бедиша хІябра жявли...
Дикиб бархІи кІел-хІябал,
Дикиб гІурра хІябцІали,
Амма ГІялила урчи
ХІебакІиб сунна хъули.
Ил анцІбукъли ГІяличи
ХІебариб асар бекІлил,
Сунна бузахъул хІянчи
Бузахъи ца тяхІярли.
Вайухъунси талхъан-хан
ТанбихІ агарли хІелти.
Сай хІерирул шилизиб
ЦумхІебикІи мискинти.

7

Яргабаиб ЧІянкІачи:
– ЧевяхІси Шамхал, мажлис,
ЛехІдизирая набчи,
Ца бархъси пикриличи:
Нагагъ ца сяхІбатличи
ХІуни тІалабварадли,
Вархъли лявкъян сай хІечи –
Баласра гъалахили.
БелкІен ит Сардарличи
Кагъар хІекъли чІумаси:

«Чи вакІаллира хІечи,
Иш кагъар кабухили,
Мугълатагарли, хъярхъли
Хъяблавяхъя!» или.
Дугъаизи, ЧевяхІси,
Бемжурси сяхІбатличив:
– Гъари ца, гІяхІти гъубзни,
ЛехІдизирая набчи:
Иш кагъар арбухили,
Арукъес Сардарличи
Чиди игит вирара?
Ну аркъяс! – или сяртли

ХІерила замайс ГІяли
Азайни дураикиб.
Шанда къапу абхъили,
КІялГІялизи ухІнахъиб.
КІалГІя бициб къуймурти
ХІербикІулри ГІялила
КегІебси сипатличи,
Щудара супелгач,
Щаван ухул хІулбачи;
Ши-шила исбагъиби
ГІяличи гІяшикъбиуб.
Талхъан-хан, вазиртала
ДяхІла ранг дехІсурдиуб.
Лебилра мажлислини
ГІяли яхши-хушвариб,
Шамхай хІекъели уктемли
ГІялизи някъ гъабуциб.
ХІурматла мерла ГІяли
Калтули сай мажлисли,
Гъар журала берк-бержра
Сар гъала кадирхъули.
Бахъхи агарли рахли
Чула хІянчи вяшбариб,
Шамхалра мажлисличи
Дугъайзур макруличил:
– Гъари, уршби ахІерти!
Бурая гъари набзи,
Чиди гІяхІна гъабзали
Арху иш дила кагъар
Гъарахъси Сардарличи?
МухІлила шин дуцибтин
Лебил лехІкахъили саб.

ГІяли гъала дуралхъан –
Валуси сай нушани.
Сардарличи къанниван
Ветаэс хІела ГІяли;
Итди цІяб вацІурбала
Къачагъгу гъарил къада!
Ветаалли нагагъла,
Суд чебиу Сардарла.
ЧІянкІа талхъа ил пикри
Лебта гІяхІли чебаиб,
Мурхъси гІякълулис Шамхай
ЧІянкІас ца мургъи бедеб.

8

– Иш нуни архис! – или,
ГІяли дуравхъун нартван.
ЧІянкІала чукурси бяхІ
БехІцІариван тІинтІбиуб.
ГІяли гІергъила бархІи
Вархъес вагІдалабиуб.
Ил бархІи лебил цахІнаб
Букес-бужесли бариб.
ГІергъила бархІи ГІялис
АвцІали урчи каиб,
Сунес дигул буцахъес
Илис ихтияр бедеб.
Сунела вегІ чеили
Ца урчили хІихІииб;
Бархъбатурли илхъира,
Къарабагъ дуцІли бакІиб.
Хъямики хъяб буцили,
ГІялини ил байбариб.
БазцадхІи чехІеибси
ВегІличиб диги ахъес
ХІебирулри урчили,
Дигиличил ГІяличи
Саб бекІли суркбикІули.
ХІера иш дила урчи,
Гъалмагъ дила шел дусла,
Кумекчи дила дергъла!
Ишини ну аркура
ВерхІэсил улкализе.
Чейхъая дегІла гІяхІти
Чергесла гиликъабта
Дила Къарабагъличи!
Шамха виштІал вазирли

Гиликъабта дурасиб,
Гиликъабта ибхели
Гиликъабтарив илди:
Къашмикѹли арцла сар,
Къаш-гили лигала сар,
Лерилра мургъи-шихъли
Варакъкадарили сар.
ХІябни чула лерилра
Варшавлан дабагъла сар,
Къапра пергер мескевлан
Лямѹбикѹл хурумла саб.
Ургъурла хІябни сарри
Сарганна къакъла сиртла,
Сари илди даршили
Хъапнани мургъи-арцла;
Алмаз къайда ухули,
ГІярчумагла арличи
АхІен хІерэс вирули,
ХІулби сукъурдирули.
ГІяличивяхІ шурухъи
Викѹлри Шамхал иши:

– Гъу, бура гъари, урши,
Чиди гъар-гъар кайсади?
Гили гІягІнисилини
Урчи гъалаб кайсадив?
– Гили гІягІнисилини
Гиликъабта гъар кайсу,
Урчи гІягІнисилини
БегІ гъалаб урчи кайсу.
Сегъунти гиликъабта
ЛайдакІадра къакъличи,
Урчили виахъури
УркІи бикѹл мерличи.
Амма ишди мургъила
Гиликъабтали хІела,
Азир дус чекайадра,
ХІекури ганзла мерла.
ГІялила цаъкъ жавабли
Шамхал тамашавариб:
– Леври хІура ца гъабза, –
Или къакъ къутІ-къутІбариб.

(Хъарахъуд гІурла номерлизиб)

Бучибси Жалалудин АЙГУМОВ



Гяйша КЪУРБАНОВА



ДАРГАНТАЛА ГЯДАТУНИ

(СирхЯнтазирад аргъибти)

Адам гЯхИсиличи вихес вирни – ил рухИлашалси гьунар саби. ГЯхИсиличи вирхес вирнили адамла аги-хЯл, хасият паргъатли калахъа. УркИ-хЯл паргъаттили диубцад, адамла арадешра имцАли бирар, адамти-ургаб балгундешра камхЕбирар. Амма адам-лис ил гЯхИдешличи вирхницун баибси ахЕн. Инсантала талихИра разидешра яшавла шуртИразибадра, тАбигЯтла аги-къяйдализибадра, алавти гЯмрула хЯкъикъатлизибадра дигахъуси саби. Илбагъандан даргантани, хаслира хъар сирхЯла жамиГятли, ишгъуна балга бирули кали саби:

**– БелхИунрив! Абизуррив!
ГЯламлис цаси БерхИ!
Шангас шала бихули,
Шалали абулхъаби!
Халкълис баркат буртИули,
ХИу баршили калаби!**

* * *

БерхИ гЕлабиркухЕлира, балга бирули кали саби:

**– ХИу саламатбараби!
ГЯхИ гьуникад букъяби!
Нурла шала улкули,
Нушачи чарбухъаби!
Нуша даргаба шадли,
Шанти баргаби сагъли,
Дурабти, узби-уршби
Баргаби бартахъили!**

* * *

Вава-къарличи, гъарил мицИр жаннич, чила-дигара виаб, гъарил виштИаси дурхЯличи сирхЯнтала диги дахъал дуили сари. НикIа дурхЯ някъбазив улхъахъули, илдани ишгъуна балга бирули кали саби.

**- Халавааб! Цакъиаб!
Цакъси нартцада вааб!
Гямру духъяна акIаб!
ТалихIла вегI ветааб!**

* * *

ВиштIаси дурхIя, гьуркъикIули, чеибхIели, ирули кали саби:

**– Гьуркъ белшен! Щур белшен!
Щурцада халаваи!
Гялам разибареси
АхIмакъ гьабза ветаи!**

* * *

АтхIеблизиб бегI гьалаб кьарла чуду букухIели, ирули буили саби:

**- Дила изала зубрази,
Зубрала изала муснази,
Муснала изала чIичIайзи,
ЧIичIа изала душма ери-юртлиз!**

Тухтуртира илдала дармунтира агарси замана адамти дяхънушбала кумекличи хIяжатбирки. Дарма шичи аркъусини яра илдигъунти шинничил чарулхъуси адамли цайкъяшмачил хIеркI башнавяхI вяхIгъавли кайзурли, бекIла чедирад шинра лай-дикIули, ирули кали саби:

**– Ва дила дубурла хIеркI,
Дармандирул шинна бегI,
Излумира ардуха!
ЗугIлумира ардуха!
Бунагъуни ардуха!
Зарулти черардука!**

Буравла (хIулбала) изала багъарбухъунхIели, «бусурман» дарман дирули кали сари: 7 биринжла къякъра, къицIкабарибси хIунтIена чIянкIила 7 кесекра сукурализи кадихъили, къаркъала гажийзирад 7 шинна кIантI дакIахъили, сукурализирти суркди-рули дуили сари. суркбируси чIянкIила кесекунани шин хIунтIендияхъубхIели, илди шинничил изуси хIули ицули буили саби. ИлхIели балгара барх бучIули кали саби:

**– Ту! Бурав ккуч! Бурав ккуч!
Гушлирив – хIрхъази букъен!
Милиглирив – урхънази букъен!
ХIуйзибад хIу кIунбацIи!**

ХIули изусила ура ахъили, балга даимбирули кали саби:

**– Ишди дарман дируси
Дила някъ сабаб биаб!**

**Аллагъ дарманиубли,
Изала пяхли буаб!**

* * *

БукIмала изай (ревматизм) лигуби мурхъли изескаибхIели, зягIипсини сай-алавси мерличиб дисличил яра гIябуйчил мява бирили, гIур ил мява (изала багъарбухъунси мер), бутIнадбарили», ишгъуна балга бирули буили саби:

**– Ишабри хIу акIубси,
Ишаб пяхли бетяхъи!
Къел-хIерзи кахIелахъи,
Дила чарх азадбати!**

* * *

Илгъуна балгали кумекхIебаралри, цIуба ва цIудара гIежнала гъаллизибад (гIежа-къяйла чIумати гъезбас сирхIянти «гъал» или бикIар) тIанил бемхурли, вайлиу ил тIанил бигъи, изала багълабирниличи хъябшти бирхутири.

* * *

ХIяжлизи укъес имкан агара или зигарикIусилизи ирусири:

– Кири баили дигадли, сукъурси къардхIевхъахъес гъуйчибси къаркъа убаса, гъунарагар бухънабас виубцад кумекбара, къисматли гIевхIевцибси ятимра разивара, хъябшисилис, гIяргасилис балуси дарман бара, мез хIелул мицIираглис хIуни бергеси беда. Иличибра халаси кири биубси ахIен, я гIур бируси ахIен.

* * *

ВиштIаси дурхIя, усули, сайцун хъулив ватес чевкъули биалри, илала сирила чеди къямцIа яра мегъла цархIил гIягIниахъала кабирхъули кали саби.

Асубирар, ил гIядат жывхIели адамтани мегъ пайдалабирес бехIбихъличил барх-басунси гIядат биэсра.

Ярагълавиубси адамлис урехи камли биъни ашкарси саби.

Усуси дурхIяла сирила чеди «ярагъ» кадирхъни – жывти дусмазиб акIубси, мегъ бузесаънила караматдешличил бархбасунси, гIядат биэс гIягIнили саби.

* * *

Ниъла цулби кадикибси дурхIялизи ишгъуна балга бирахъули буили саби: «Вацала цула жинжала ааб! Дила цула арцIа ааб!»

Ил балга дурхIяли верхIна тикрарбаралли, илала цулби арати детарниличи бирхули кали саби.

ГIур ил цула бибгIянбарахъили, къаркъала лацIа тIярхъилизи дигIянбарили, ирули кали саби: «сагали ляркъун цулби дакIабгу ара-сагъти, къаркъубачир тIумати!»

* * *

Дугели бекIла гъез хъарсдирахъесра къадагъабирули, кали саби. Илкъяйда дугила манзиллизир гъезби чердушяхъесра къадагъабирули кали саби. Гъезби хъарсдариб-силис яра нукуби къицIдарибсилис «бунагъ биур» ирусири.

АнцIбукъ хутIла шала агарли, хъулри шайтIан чирагъли гIяхIил шалахIедирни-лизиб, биши. Ника яра гъез гъудуркабиубси беркала се манзиллизибра дигахъуси ахIенри.

* * *

«Бунагъ биур» ируси дугели чи-виалра цайкъяшмачил къакъакад вашалри. Халатани биштІагази ирусири: «Цайкъяшмачил вашули, шайтІа дурхІяличи къяш чекацІалли, балагъ лѣбкъян» или. АнцІбукъ гъаб-уб цІябти, къирли хІедуцибти, къакъурбикад цайкъяшмачил вашусилис урехила биънилизиб бииши.

«Бунагъ биур» или къадагъабирусири дугели къакъурбази шин чѣбхъдирахъесра, нядешуни дура ардихахъесра. Илдигъунти гІядатуни адамтази сахъдеш бирахъес дебали манпагІятлатили урдулхъутири.

* * *

ХъубяхІрумала байрам дурабуркІухІели, бегІла гІяхІти унцира дабгили, бегІлара хІурматли хъубзарара чеввикІили, унцила мукукрачи хІунтІена чІянкІила кесекунира даршили, цаибси гъарш кайусири.

Бацунси хъучи анкІи делгІухІели, улцуси хъубзарачи гІянжи лайдикІутири ва ирусири: «ГІянжи паргъатли калаб! Сабухъ халаси бакІаб! Я хъабхъяли, я дягІли сабухъ заямабараб!»

Цаибси гъарш кайуси хъубзарачи шинра чѣбхъдирутири ва ирусири: «Безити заб дирули, ванза ряхІматли белкъаб! Душманна хъуми-дархли дегъдешли мадигахъаб!»

ХъубяхІрамала бархІи, гІяхІти берклумира дарили, шадлихъуни, абзани дурадеркІалли – гІямру талихІчертили, разитили, эркинтили детарниличи бирхауд бирхъусири.

Бурули бирар: «Бузерила дус секъяйда бехІбихъадра, илкъяйда буркІра буркІид».

* * *

Дубурлантани бузерила Сагаси дус бехІбихъни тІабигІят «мицІирбирниличил» бархбалсахъи. Илбагъандан сирхІянтани дуки-гъунила мераначи хІяйвантала хІенкъ дурайънила гІядатра дурабуркІусири.

ХІеб дакІнила, гъалар-гъаларти вава-къар дагъардиънила разидешличил дархдасахъи, шантани гъунибаъниби дурадуркІутири ва дерцІибти анкІила яра мяхІярла къялшуби дуртІули, цали ца мубаракбирутири.

ЦІуба гІянжила мераначи дурабухъи, шадибгъундури дурадуркІутири. ЦІуба гІянжиличил хъулри диркили, яни шалгІеббалтусири. ДяхІла кам аралли, жагали калниличи бирхули, цІуба гІянжила гъудурмайли сирилабти дурхІнала дяхІ дикутири. Хъунул адамтани биалли цІуба гІянжи бархаибти шинничил бекІла гъезби ицутири.

* * *

Гъар шилизир мукъри разити аги-хІяйзир гъарилла булдешличи мешули дурадуркІу. СирхІянтани илгъуна разиси мекъ таманбирухІели, цІикури шичи рiku. Илини сунела хІурматлис цалабикитала гажинти, къянурби шинни дирцІу.

Ил гІядат цІикури лебталалра хІурмат барес балуси ва рируси, бузери дигуси, араси риънила лишан сабри.

Мукърас гІергъити бурхІназиб хъабиубти жагъилти шантани бегІлара бигути гІяхІливан чучи жибирутири ва савгъатуни лугутири. Ил тухумдеш уржахънила, жагъилтала гІямру эркинтили диубли дигнила гІядат сабри.

////////////////////////////////////

Критика

Тавсултан СЯГИДОВ



АНХЪРА АГАРА, ИЛИЗИВ – ТАЛХЪАНРА

Камси гъалабван набзи ООО «Мавел» издательстволи ишдус дураибси «Санчила анхъла талхъан» биклуси жуз бикиб. Илала автор Халимбек Халимбековра наб тянишси адам сай. Урки разибиуб илала жуз чебаибхели. Чедибад чебаэс ил лебглеб жагали балкъаахъурли саби: дабза мужаллатуни сари. Мужаллатла цаибил ва авъибил бяляназиб вацали дуцибти дубуртала ургаб тинтIкабиубси шила сурат саби. Авъибил бялизиб жузла авторла суратра леб. Ил Халимбеков сай. Тянишси адамла жуз някълизи бикибхели, гъайгъай, ну разивиубра, ва ил пикриличил белчIес къасбарира.

Сут-алхIят бурхIназив къармакъличил урхъулизи бялихъуни дурцес укьес къас сабри. Тукейзирад гъаларал асили, холодильниклизир милкъира лерри. Савли-бархIехъ урхъула дубла укьес бикалли, дила гъав гIяхIцадла къулайбирар. АнцIбукъ дуцибти бялихъуназиб ахIен, урхъула дублар бекIлизи тамашала пикруми дашар. Илав хIед пикрикавхъахъес чилра диргалаухъесра хIейрар. Илав хIу гъалмагъуначил къарши-икесра вируд.

Акьути кIелра бархIи урхъу бургъулри ва наб урхъулизи укьес бетхIеур. Урхъу бургъухIелира дила урки разили бирар. Бургъуси урхъула гIамали паргъатли усахъес хIелтара, тамашала муэрти чедиули вирус нуни илдигъунти дугурбазир. Акьуси замана пайдабарили, Халимбекла жуз белчIунра, амма илини наб бекIлил разидеш хIехиб. Амма жузличила бучIангази дила пикруми дурес хъулиубра. Дигахъира Халимбегла жузличила гIяхIти пикруми дурес, амма ил барес бетарули ахIен, сецад дигулихъалли.

Жуз автобиографияличибад бекIбирхъули саби. Гъайгъай, жузла мужаллатлизибси суратла удирра авторличила къантIти баянти гес вирусире. Ил баъра баибсири.

Халимбекли сай Санчила шилизив акIниличила, школализив учIули калниличила бурули сай. Илини вецIал класс Мажалислизир тамандарили сай. ГIур МяхIякъ-алализив шила хозяйствола техникумлизив учIули кали сай. Советская гIярмияла къяяназиб къуллукъбарили сай. ГIярмиялизивад чарухъи гIергъи, белчIуди даимбарили сай ва зоотехника санигIят касили сай. Тарумовкала районнизив хIябал дус зоотехникли, хIяйвантала тухтурли узули кали сай. Илала гIергъи бялихъибала курсани тамандарили сай ва Каспи урхъуличив «Избербаш» гамиличив рыбмастерли узули уили сай. Илала гIергъира санигIят барсбарили сай ва Волгоградла областлизив узули кали сай.

«Замана-заманаличи нуни назмуртира лукIаси. Илди кадяхъибтири «Хайдакъла зяхIматчи», «Замана» газетабази, «Хайдакъла урунжуни» биклуси жузлизи. Ну бахъал

поэтуни-писателътачил тянишли вираси: Р. Хиямзатовличил, А. Абу-Бакаровличил, Ф. Алиевачил, С. Рабадановличил, А. Аджиевличил, А. КъадимибяхИяммаевличил, А. Абдулманановачил, К. Мигърабовличил, М. Бадрудиновличил, Ш. Шаховличил ва бахъал цархИлтачилра», – лукЛули сай илини.

Писателътачилра поэтуначилра тянишсира виКухИели, Халимбеклис бурес дигуси аргъес вирули ахИен. Ил илдачил тянишси виъниличичи учИаннизиб бирхаудира алкЛули ахИен, сенКун бахъалгъунти поэтунала умира фамилиябира дирхахъули, гъарацИдирули сай Халимсбекли. Масала ГИ. Абу-Бакарла мерличи илини лукЛули сай А. Абу-Бакаров или. Дарган мезли белКунси жузлизичи Аминат ГИабдулмананова или белКес ГИяГинисири. Къумукъунала пагъмучевси поэт Бадрудин МяхИяммадовлис ил М. Бадрудинов виКЛули сай, илала фамилия у бетаахъурли. Халимбек Ш.Шахов виКуси табасарантала поэт, ил Дагъиста халкъла поэтра сай, Шагъ Шагъмандаровлис сай. Машгурти поэтунала умира фамилиябира илкъяйда гъарацЛи гъандушнилира авторла авараагардешлис бикъридеш дирули сари.

Поэтуначилра писателътачилра тянишли виънили веГра поэт яра писателъ виъни иргъахъуси хИебиъниличила балули ахИен къалли нушала юлдашли ибси пикри булан алкЛули саби, илала жуз бучКухИели.

«Дила халаси къас саби чердикИбти назмуртала жуз дураэс», – лукЛули сай Халимбекли. Ца жуз дураэсцун валкъаурси адам чердикИбти назмуртала жуз дураэс дигула виКЛули сай. Дахъал назмуртазирад саригу ил виКусигъуна жузлис назмурти чердикЛути. Илгъуна жуз сенсен дурайусив, гъачамлис делКунти назмуртилра агарли диалли? Иш жузлизир биалли илгъуна чердикИбти назмуртала жузлизичи кадерхахъести белКанира агара.

Илис гИурра Санчила шила тарихла, историяла жуз дураэс дигули сай. Къас къалли вайси ахИен. Амма илгъуна жуз дураэс халаси къиян кабихъес хИятатси саби. Илала дурабад, илгъуна жузлис дебали дахъал баянти дучесра чебиркур. Ил барес гъариллис имкансира ахИен.

Автобиографияла ахирличи бикайчи Халимбекли сунечила хабар бурули сай. Амма ахирличиб ил автобиография ишкъяйда таманбирули саби: «Гъанна бусаГятла замана сунна хъунул Патиматра сайра хИербирули саби. ХИабал рурсира леб». АвтобиографияКун веГла шайзибад лукЛуси саби. Гергъиси предложение чила шайзибад белКунсил багъес агара. Цугли ца бяхИ буцибси автобиографиялизир гъалцад хатIара лер. Илдигъунти авараагардеш даКудируси авторли дурутачи вирхаэсра къиянни саби.

Х. Халимбековли сунела жузлис дебали зайбикЛуси у бедили сай – «Санчила анхъла талхъан». Саби жузра «Сунклан, хИу анхъла талхъан» бикЛуси назмуличибад бехИбирхъули саби. Илгъуна жавабласи мах бихуси назму дебали зайбикЛуси ва учИанна уркИилизи алтЛуси биэс гИяГинисири. Нушала поэтли ил мурадла сархили сай виКес хИейар. БучЛула цаибил тахта:

**Дила вамсурси адам
Дила къуватчер някъбар,
Деза хИед баркалла хИед
Ва сунклан анхъла талхъан.**

Багълабирнила ишараби кадатес шакикили ахИен ишавра назмула автор. Илбагъандан илис се бурес дигулил аргъес вирули ахИен. «Дила вамсурси адам» виКуси ил чис саял аргъес агара. Ил сен вамсурсив? ИлхИелира «къуватти някъбира» лерхИели? Се барили вамсурлив ил? Аргъес агара.

**«Деза хИед, баркалла хИед,
Ва сунклан анхъла талхъан»-**

виКЛули сай Халимбек вамсурси адамлис.

Киибил тахталезиб ил «анхъла талхъанна» бузерила сархибдешуначила буру или гъанбекиб. Хгера се луклулил киибил тахталезиб:

**Гъанна хгела жагъилти
Хгянчилис хулу агарти.
Лайдакгиб чула унхъри
Агара хала бегги.**

«Хгянчилис хулу агарти» хгебикларну, «хгянчиличи хулу агарти» биклар. «Лайдакгиб чула унхъри» виклули сай «кзуватчер някбар» адамгас. Унхъри лайдакгалли, адамти талхунти мага бетарутив? Бурусиличи пикрихгевхъи ггайиклули сай ишав назмула автор. Иш тахтала авгибил тугглизив ил «агара хала бегги» виклули сай. Амма ил сен илкъяйда виклулил чилилра баггес хгейрар. Ил тугг тахталезиб хаба-рагарли баггарбиубсиггуна саби.

**Ляркъян илди замунти
Хгянчилизи иху халкъ.
Къиянти бурхгни ляркъян
Хгебургути беркес къацг.**

Сегунти замунтачила сарив ишар ггай? «Беркес къацг хгебургути бурхгни ляркъян» или, поэтли сенал адамти урухбирули сай, назмула беклизив виалли ил сункланничи «хгу анхъла талхъан» или даггаилзули сай. Чинарад ва сен ляркутив илдигунти замунти? Ил секгал биалли авторли баянбаресра къасбирули ахгн.

Гурра челябкъян хгечи
Няклизид касес барда.
Биаллира баршибси
Цаван хгебучлар динда.

Баггес ггахгсири, сен кайсусил няклизид барда? Цедешла унхъри дяхгес хгебиалли?! Мусибатла 90 ибти дусмазир Хгайдаклизир дахгал хивала галгубид дяхгиб ва тупангунас къандакбунирара хга ваяхгара дарахгес дициб. Духгули даршани дусмидиубти пергер хивала галгубид кърдариб сунклантаницун ахгнну, хгулрантанира, хгямрантанира, ггахгцад цархгилти шимала адамтанира. Чгянкгли мяммаулантани чула мер-мусаличирти хивала галгубид мяхгкамдариб. Ил барниличид пашманра биубли ахгн илди. Газетабазибад, радиолизибад, телевидениелизибад ил мусибатла баркбуди балтули ггайбиклути бахгал лебри. Амма илдала ггайлизибадра сеггуналра ггахгдеш хгебиуб. Ишбархгид Мяхгячкъалализибсид халасиггуна базарличиб хивара дгячунти илдала сухлухгунара бирцули 20-30 базриган леб. Илди Даггиста адамти сабид, амма илдани дирцути хгивид чечентачирад хгибти сарид. Итхгели Чечнялизир дурггбид демжурлири. Илаб хгербирути адамтала хивала галгубид дирхгес замана агив, дергглизид бархгид яра илдани чучирти хивала галгубид къас-къасли мяхгкамдарибал бурес гганна къиянни сабид. Кгарахгала шимазибадти базригантачил ихтиллатбарибхгели, илданира бурулри, хгивид чули чечентачирад асигбти сарид или.

Хгивид къалли «ца бархгид хгердирулра, жаггял се бетарарал балусид агара» или хгербирути адамтани яшавла шайчир кадизурти жапати шуртгразир сарри дяхгибти. Ггатгара вайсид бетаур цархгилти цедешла унхграс: колхозунира совхозунира урадикили герггид, унхъри хгеруди агарли уркалун. Или деруб, зядиуб, хгедухгандиуб, дяхгидли урасиб. Сагати удатесра къалабабиклули ахгн. Халимбек илди цедешла унхграс бетаурсиличи къаквабикли виалли, ггевхгевцес хгейрар. Амма илала назмулизибад илра арггес вирули ахгн. Герггитид дусмазир биалли нуша дурала улкназирад

хибти цѐдешли дукулра. Илди чедаэс тIагIямла сари, амма деркес агара, нушачир дашути цѐдеш илдачир кьулайти сари. Амма базуртачир илди чедаэсра агара.

**Челябкьла заманали
Хъу анхъла арку адам.
КIинейсра алкIан жагъси
Сунклила анхъла талхъан.**

Ишарра ца итилличил уржили дарххIедасунти, чердыхъибти, ахирти агарти дугъби кьаршидиркули сари. Назмуртачи хасси зайдикIни бекIлил хIясиббарес вирули ахIен. Назму гъачамлис бетаурли ахIен. Ил пикрумала гъудурмай саби. Тема леб, амма гьаргбарили ахIен. Назмуртазир хайдакьла лугъатличи хаста дугъби имцIали кьаршидиркули сари. Авторли назмуртала чебкад лайикъси хIянчи хIебирули виъни чебиули саби.

XIера цархIил назмула у сегъуна сабил – «Хъунрас 8 мартлис». «ГехIъибил Марглис» или белкIунси биалри балбикили бири. Хъунрас ибси девра ишаб бекIлил балбикили ахIен. Хъунул адамтачила гIяхIнитири гъай диэс, Халдимбекли биалли илди хъунрачичун ардухили сай. Ил хъунул адамтачи дугъаилзули викIули сай:

**Жагати вавни сарра
ХIеблизир гьардакIибти,
ХIуша пикруми сарра
БекIлизи адацIибти.**

Илкъяйда викIули сай ил хъунул адамтас. Тахтализирти цаибти кIел къяй далра дикили сари, жагали зайра дикIули сари. Пеларти кIелра тугъли биалли гьар секIал дулъули сари, сенкIун адамти пикрумачил цугбурцес асухIебирар. Халимбек дебали гъалакикIули сай. ИшбархIи белкIунси назму жумягI ва гъатIира халаси замана арбьякъунхIели белчIалли, авторли илизир сунела дахъал хатIаби, чеветхIеили делкIунти секIал дургу, дарсдешуни кадиркахъу. Гъайгъай, лукIукад гIяхIси назму бетаурти анцIубкунира дирар. Илгъуна бетаруси хIуни пикруми бекIлизир дихули лералли дерцIибхIели саби. Амма вегIла белкIаначи чарулхъни дебали гIяхIси саби. Назмула тахтализибси гъарил къяйла, гъарил девла чебкад халаси хIянчи бирули вири даргала пергер поэт Амир-Гъазини.

Халимбекла хъунул адамтас багъишбаварибси назмулизиб ишгъуна тахтара леб:

**Аммаки умцантази
Айхъилахъалли нуни,
ХIуша лерти ца шали
Гъаманра декIли бири.**

«Умцантази» хIебикIарну, «умцантаци» бикIар. «Айхъили» ибси девла мерлаб «кайхъили» бикIар. УмцантачикIун чедибад бирар секIал кабирхъуси. «Абирхъули» бирар эмхIела къакъличи дех. «Гъаманра декIли бири» ибси тугълизирра гъарацIешуни лер: «Гъаманрала» мерличиб «мурталра» яра «имцIали» ибти дугъбазибад ца биэс гIягIнисире. Адамти умцес умцантаци кабалтни декIар бархъсив? Умцантала итил шайчиб чи биэс гIягIнитив? Мурул адамти бургар. ГIяжаибси сурат алкIули саби ил тахтала чевкад пикриухъалли.

Нешлис багъишлабарибси назмулис бедибси улира учIан тамашаирахъули сай: «Июнъна 22 дила неш акIубси бархIи 194I дус». Биэс гIягIнисире: «194I ибил дусла июнъна 22 - дила неш акIубси бархIи» или.

Халимбекли камти гямруличир херкли аррухиси сунела рурси Марьямлис багъишлабариси назмулизир уркила хялани гьаргдарес дебали жагати дугъби даргили сай. Амма ил чиллайлизирра лайкьагарти секлал къаршидиркули сари. Хера сейкулил децлизи икибси дудеш:

**Чизи, нуни буриша
Уркила буцарси дец!
Хела хябличи вакли
Учаси, виубли, бец!**

Хябличи сен бец! ветаурли льякьусил аргъес къиянни саби, арцан ветаалри, бу- алра буиши. Тахтализирти тугъазир дугъбира палакатли каргъурли сари: «хябличи вакли» хлебикларну, «хябличи ваклили» биклар.

**Сен илцадра къант! гямру,
Хед дедибтив, Аллагъли
Бераб, ху аррухи херк!,
Ца шина клант! агарли.**

Лебилра жузлизир пунктуацияла къяйдурти къяркъли дуи сари. Илбагъандан цацадех! тахтабазиб авторлис бурес дигуси аргъес къиянбулхъули саби. Ишарра илдигъунти секлал лер. «Сен дедибтив Аллагъли» викули сай, амма сул кабалтули ахлен. «Дедибтив» ахленну, «гибтирив» или белкес гягнисири. «Кант! кахели бераб ху аррухив херк!» викири лайкьли ахлен. Херк! ахлен ишаб гяйибла бег!. Кадизурти аги-къяйда сари. Херк! хедра цархилтасра гурра чуйнара хяжатбиркуси саби. Илис лягнатикли балбикили хебирар. Гъанбикахъа Битирайла узи Сулайбан арухиси Терек херк! ва илис чевяхси поэтли дурибти гъай.

Гяжаибси саби «Дагъала дус. Китайла календаръ» биклуси белк!. Ил авторли масхараван каргъурли сай. Амма илизиб масхара ахленну, масхараличи гъамси селра агара.

Хера сейкулил илизив Халимбек:

**«Гымбуклибси дагъали
Дуриб цугхедикиб гъай.
Щуб клуркурла мекъ сабри
Буахъун сяхбатла дай.**

**Дагъали хябал держиб
Дициб истакан держла.
Гъалабизур хулбала
Исбагъи сипат бягъла.**

**Дагъа гяшикъбиубли
Хъумкартур вецлал хъунул.
Бягъли хули линкбариб,
Жибариб гяргнала мурул.**

**Дагъара уктем бягъра
Гердухъири къарлизи.**

**Дуцли гергъибикиб къаз
Лерил дурес гяргнази.**

**Вай. Гъарай! Гъуя! Гъарай
Вяв, чярлизи ахъили
Яхагар хунтлен дагъа,
Хъунрас гергъи биклири.**

**Чедаклибти гяргнани
Бетуб уктем жагал бягъ.
Лебил пухлала белтун
Эршибарили сипат.**

**Дус каберхур, керхур мекъ
Таманхедарили делхъ.
Белгъун биклар ил дагъа
Алжайзи каберх, эл делхъ.**

Гяжаибси анцбукъ хлебиалли! Эмхера валрира сари илар агарти. Пакъир белгунси дагъа. Алжайзилра сен кабурхахъусил ил... Умцули уира, амма ишаб масхараличи мешуси селра баргес хейубра. Масхарала сари или баяндарибти цархилти белканира лер жузлизир. Амма илдазибра масхара къаршихлебикиб.

Илдигъунти белкІанала лугІилизибад ца саби «Катнала балагъ» бикІусира.

**Гъанна катни вацначи
Гъеч ахІен хІердилзули.
Катнала рацион саб
Бушла ляжкни дукули.**

**Буршанир, гІянулбачи
Муйли ахІен бусули
Хъунрачил дарх кадихъи
Катни сар мявдикІули.**

Марлирагу, гІяжаибси сураг ахІену? Дахъал хатІаби лерни багъандан иш белкІлара цацадехІ мерани аргъес вирули ахІен.

Селичибалра тамашала саби Халимбекла жузлизиб «Сен-сен хІу рутІишера» бикІуси белкІ. Илис назму эсра вирули ахІенра. Дебали палакатси мягІнала белкІ саби:

**УрхІлара дилара хІу
ГъаррикІуси гъаргала.
УрхІла гІямрула юлдаш,
Дила дигІян гелешмеш.**

**ХІу зубар рургад набра.
Алкунси хъайгІи урхІла.
Илис шаларикІули,
Наб гъагултаур закла.**

**Се гІямал баришара?
ХІу, ухахъес гъар бархІи,**

**Илис вана бикІуси
Набра ухахъес берхІи.**

**Илцад урхІла наб ригес
Дигайла духуририв.
Итисра набра рутІес
ХІу хайдакъла гІинц саррив.**

**Замана аркъян дуцІли
ДекІардиркулра гІурра.
Дила дунъяла идбаг
Ну, жагІялра хІерлира.**

Ишисра назму саби викІалли, назмулис сейкІусив? Ишдигъунти адуцала агарли делкІунти белкІани жузлизир гІурра дахъал лер.

Халимбекла жузлизиб баргира гІяхІцад дусми гъалаб нуни «Дубурлан» газетализибси «Урунж» бикІуси даргала лукІантала белкІани кадирхъес хасбарибси бяхІлизи кабахъибси «Чуллан чугур» бикІуси легендара. Гъайгъай, ил иш жузлизирти Халимбекла белкІаначил цугбуцес асухебирар, сенкІун илизиб халаси мягІнара леб, жагали каргъурлира саби. Мезра гІяхІти сари. . Ил белкІлизир хатІабира камли сари. ХІера итхІейчирад вецІал дусличир имцІали дикили сари. Халимбекли биалли гъалабахІ ганз кацІили ахІен

Жузлизиб «ВагІаннна дяхІ нешла дяхІ» бикІуси белкІра леб. Илала уди имцІабарили саби ишгъуна белкІра: «Посвящается ботлихским событиям». Ил къалли дарган мезлира белкІес вирусири. Ил белкІлизиб Ботлихлизир кадикибти анцІбукъуначилара селра декІар аргъесли бурили ахІен.

Жагали балкъаахъурлихъалли, жузла бухІнабуц дебали палакатси сабли уббухъун. Иш жузла хІекълизиб нуни Халибеклизи халаси децІ балахъула. Жузла редакторра агарли уили сай. Ил жузлизив гъанушили ахІен. Амма сай автор жузла редактора виъни аргъесли саби. Мез жагали далуси яра назмурти лукІули калалунси адамлизи белчІахъунси биалри. жузла бухІнабуц къулайбиахъес вирусири. Дахъал нукъсандешуни урдизахъес вири илхІели. Автор ил баресра хъулухъи ахІен.

ИшбархІи Дагъистайзир адамтала вегІдешлизир гІяхІцад типографияби ва арагІер издательствоби лер. Илдани жагати жузи дурайэс бирули саби. Илдас арц сари хІяжати. Жузла бухІнабуцли я тифографияли я издательстволи сегъунтилра жавабкардеш дихули ахІен. Кабахъяхъес се бухаллира илдани дурайули саби. Халимбеклира иш жуз дураахъес бегІлара камли 30-35 азир къуруш дедиб ургар. Илди арц лайдакІибтази халдарес вирар, сенкІун ишгъуна жузли чисалра разидеш хІеху. Илбагъандан саби нуни алкІукад мицІирли ахІенси жуз дураъни багъандан Халимбеклизи децІ балахъуси. ГІуррара. ГІяхІси саби жуз камси тиражличил дураънилра.

Жузлизиб я анхъ агара, я анхълизив – талхъан.

Тавсултан СЯГИДОВ

ЦІУБА БУГЪАЛА ДУС

БевбикІен дила бугъа!
БакІили саб хІела дус!
БархІехъ цІулкъям хІегили,
Багъи, ну паргъатхІейрус.

ХІу цІуба акІниличі
Тамашавиубсири:
Ну шакалра хІейкили,
Иш дус хІела буили.

Балас, хІу гІяхІгъабзари,
Сабри бирул дигуси.
Бергеси гес вализас –
Сабри хІу бахъ судурси.

Амма хІечи адамти
ХІейги мешубикили:

Къалмакъарли биркъули,
Ванза ургабикили.

Байрамличир бугънира
ДирхІяхъу дубуртазир.
Амма адамдеш диги
Кавлули адамтазир.

«Дила бугъа» виКІигу
Хабарла Шарапудин,
Абзлизив чедикибси
Мушлукъя гапирули.

Бугъала дус арбукъяб
Бугъницун дирхІяхъули.
Баракатцун абицІаб
ГІур дус гъарилла хъули.



ISSN 0235 - 0149

Индекс годовой 31176
Индекс полугодовой 73892

